



温州大学图书馆

WENZHOU LIBRARY

02209



温州市图书馆

WENZHOU LIBRARY

00659



温州市图书馆

WENZHOU LIBRARY



温州市图书馆

WENZHOU LIBRARY

王介園附集

上海圖書館

SHANGHAI LIBRARY



温州市图书馆

WENZHOU LIBRARY

西華先生文集序

歸安

茅坤撰

予同年廣東按察使王公紘數稱從兄西華並賜谷風神藻雅當於晉之王逸少唐之白香山無以異。予抑竊嚮往之數獲締交云已而西華先生沒其子寧國使君光蘊遣使函先生詩文稿二十卷屬予序予再拜稽首而誦之颺言曰大較先生澹蕩不群故其發為詩歌文章之一雖第進士軒冕仕路而其心固已冷然丹山綠水紫芝瑤草之間古所稱物外司馬是也其所首可攷見者半山賦賦之次湛天池浴日月羅巖岫珍泉石與夫盤桓謝眺清嘯孫登即其中所醞釀處故其珥筆抽毫所向粲然曼金石掉雲霞鏗黃鐘句大呂令人讀之若將入少室

終南之宮而與月里綺季相為揖讓其間他雜著上下二卷尤
為卓犖稠儻可謂碣石蓬島之邃而與世之游氛浮埃杳不相
及嗟乎茲固當與日月俱遠傳之無斁者已是為序

溫如市

王西華先生半山藏稿序

宣城

湯賓尹撰

翰林院
編修

貴富壽考文章功業之類物之美者人爭取之矣夫美物必有
神焉司之物忌完取忌多天之數也人之情也孤庸之子憤其
獨力爭之旦暮之間于數者偶取一焉而沉頓歲年剝刻筋力
精已耗矣逮及其餘故欲嘗易足而取于天者嘗寡開敏賢智
之士饒姿才廣方畧其意氣無所不之造物之內苟有以為美
者則高才先之矣且世開敏之士多世族焉出也貴富所自由
矣宮廬服輿食飲聲色之春皆有以過人孰非天之寵輿既已
飽此又侵彼先生入之情曷有已乎與者忘少取者忘多不
讓人以羸而留鬼神以餘所得滋多其損也滋甚夫貴官顯爵

殊功偉伐高才能文章名譽絕皆造物之忌也有道者之所
不兼取也博物多才美詞華剝剝今古又文章之忌也作者之
所不出也蘓子瞻云楊雄好以艱深之詞文淺近之說夫楊氏
之學亦復不淺矣露文白意淺而出之即子瞻亦當引心自負
竒博不肯捨豈予載而下猶未免為人所窺請才勝而不能降
學博而不能割斯亦多取之報也郡大夫王君刻其尊人西華
先生藏集于衙齋余得以觀焉所為詩若文大要惟靈發之嚴
于矩尺絕無虛華蕩肆之態似代之爭工于形似者初先生投
篋中曰吾無意于文何以示人夫古之論文非能為之工乃不
能不為之工而寧州之銘先生也亦曰幾不盡秘乃有文言深

於先生之意可以知文矣先生連代為貴人世其學登第四十年居官僅八歲退而老于半山故所讀書處蔬食布衣吟誦不廢若諸生先生之取于世蓋多所不盡之思也郡大夫為廩吏一介不取王氏之長此物此志爾眾之論先生也以行以文余之論先生也以意夫意有所不盡取者君子之所以還造物而詔後人也

溫州市圖書館

玉介園附集卷之三十五

王叔果半山藏稿

族孫賡堯褒真子謹鈔

疏

行邊復命疏

欽差兵部職方清吏司署郎中事主事臣王叔果謹題為遵照
舊規請明調遣以重防秋事臣欽奉勅先因蘇州等處邊兵缺
少該本部具題責令該鎮督撫兵備等官召募選補每年五月
本部奏請差官閱視等因即今防秋在邇特命爾前去蘇州沿
邊一帶查照該部原題事理會同巡撫及公同各兵備官照依

區分躬親點視要見已補練過兵數若干是否精銳堪以禦虜
逐一查理明白完日從寔回奏以憑處詔爾受茲委任須殫竭
心力閱視精詳如或循情容隱苟簡塞責罪有所歸爾其歸哉
故勅欽此臣欽遵前往蘇鎮會同巡撫都御司史張玘及兵備
副使栗永祿張邦彥李尚智紀公巡溫景葵西起鎮邊城東至
石門寨照依區分躬親校閱總一鎮十區新舊主兵之數原額
九萬六千七百九十三名通計先今補過見在軍士九萬三千
五百六十二名年前缺額未補及近載逃故軍士共計三千二
百三十一名與本司即中唐順之徐善慶上年造到冊籍大略
相符臣竊惟蘇鎮之兵其數則已具矣其容似可觀矣近日河

防口之役亦畧其見其可用而督臣許論及總兵張承勛振勵之功不可誣矣而謂其盡皆精銳可恃禦虜而免邊兵之調則臣有不敢任者蓋銜鋒捍敵固在於技藝之精尤存乎膽氣之定而膽氣之定必由于習慣邊兵之所以遇虜不懼者以其朝夕之習見也若我軍即盡精銳猶不敢取必於臨陣之際况未必盡精銳乎夫補練主兵期邊兵之免調也今且及三年矣而其效僅若此任事諸臣雖有遠近新舊之不同均不能辭其咎然在舊營之兵則情有可原新募諸兵則事有可議何者在營舊兵春秋防邊沿及夏冬復有公私差遣奔走靡寧荒歉頻仍月糧不繼至于撫賞屬夷之費無從取給率就科辦蓋終歲勤

動罕遂一飽是以菜色鵠立之癯充初行伍殆恐無以聊生故
臣以為可原者此也若新募游兵則月糧以時支放又歲有安
家銀五兩蓋役槩蠲科派不及優養如此固望其可用以禦虜
也然惟總督標下一枝頗見精彩其餘則行伍尚疎箭砲未習
且不就約束如人家驕子然此皆建議召募者之簡於謀始以
致招集匪人跼盤難處識者切有厲階之虞而可不預為之所
乎故臣以為可議者此也又鎮邊城游兵一枝係涿鹿衛營軍
曹家寨游兵一枝係通州衛營軍大水峪游兵一枝係河間衛
舊募土兵統馭匪人闡聞特甚且住居隔遠一散難集益無益
緩急之用即防秋在邊不過虛糜芻餉此亦另當議處者也夫

禦寇必在於兵而論兵必先於將本鎮諸將之賢否勤惰臣驗
之軍容稽之衆論則亦有可評者如鎮守昌平副兵總兵都指
揮僉事祝福素秉忠誠以勵清操建昌榮副總兵都指揮僉事
雷龍才猷警敏戎政脩明分守鎮邊城參將署都指揮僉事仇
己年力方壯文武兼資分守古北口參將署都指揮僉事魯聰
鏡銳意邊防精通陳法總督標下游擊署都指揮使胡鎮謀勇
出群忠誠可任石匣營游擊署都指揮僉事王倫老尚驍雄才
堪經畧分守居營關署都指揮僉事宋蘭性資敏達韜略諳通
要皆布練有功所當褒賞以需擢用者也分守馬蘭峪署參將
黃演起行伍而素負才名經懲創而益加奮勵三屯營坐營指

揮同知柴良弼雖無典兵之責綽有禦侮之才所當復其俸給者也分守墻子嶺參將署都指揮僉事黃龍會濬甚著怨詈孔多雖有小人之才難任干戚之寄黃崖營提調把總指揮徐勳石塘嶺提調把總指揮潘駿白馬關提調把總指揮吳從堯墻子嶺提調把總指揮劉世武既奸暴以貪濟貪且偷惰而廢事皆武弁之庸沅邊關之大蟲所當罷斥者也通州游擊署都指揮僉事崔經永平游擊署都指揮僉事周孚先曹家寨游擊署都指揮僉事白琮大水峪游擊署都指揮僉事張勳鎮邊城游擊署都指揮同知吳銓皆以駑鈍乏才而馭疲散乏卒紀律全無戰守安賴雖未可以竟棄而均不宜于邊方以上諸臣所當

更置內張勳吳銓則係新任或姑行戒飭以責後效可也昌平
州提督軍務署都督僉事雲冒夙負壯猷足稱良將但處非其
任似為沉員蓋入衛邊兵統領有游擊派撥在總督彼提督之
職何為哉此官原為仇鸞怙寵專權而設今勢殊事易何復因
之歲糜廩祿役使驢從所費不貲獨不可節者以少紓國用乎
即云昌平陵寢所在宜重鎮守然已有副總兵有巡撫都御史
有兵備副使如提督決宜裁革而雲冒則當別處以相應職事
者也乞勅兵部再加查議將祝福等行督撫衙門獎賞循資擢
用黃演等復其俸級黃龍等罷黜崔經等改調或姑行戒飭而
昌平提督應否裁革請自上裁仍乞勅下該鎮督撫諸臣嚴督

各該將領着寔訓練并于新舊主兵未安事宜從長計處務期
底績庶人心有所勸懲而邊務其脩戢矣為此具本奏聞

乞休致疏

兵部武選清吏司署郎中事主事今陞湖廣布政使司右參議
臣王叔果謹奏為患病危篤不能赴任懇乞天恩容令休致事
臣浙江温州府永嘉縣人守嘉靖二十九年進士三十年冬丁
父先臣福建布政使司左參議王澈憂三十六年起復 職方
清吏司主事三十八年十一月陞本司署員外郎三十九年五
月陞本司協司署郎中四十年閏五月轉武選清吏司署郎中
四十一年三月六日陞湖廣布政使司右參議四月十一日領

勅陞辭前往念臣世受國恩年猶未艾豈不效狗馬之勞以
圖報于萬一但臣稟賦薄弱夙有脾胃之疾近觸冒暑雨跋涉
道途外感內傷舊病增劇不得已便道過家就醫調治踰月未
見痊可趨赴不前臣職佐旬宣守護陵寢責任匪輕抱疾遷延
恐塚曠之罪無所逃遁况臣母老且病止有一弟叔杲叨中甲
科方出任以情而言臣亦宜留家侍養伏乞聖明俯賜矜念勅
下吏部察臣情非獲已准令休致庶可保延殘喘兼脩慈養自
附于華封康癯之民咏太平而祝聖壽乃微臣區區之願誠也
為此具本專差義男王寧齋捧具奏聞伏乞聖鑒天恩容乞
再乞休致疏

原任湖廣等處承宣布政使司右叅議今陞廣東提刑按察司
副使臣王叔果謹奏為患病危篤不能赴任懇乞天恩容令休
致事臣原籍浙江溫州府永嘉縣人中華靖二十九年進士歷
任湖廣布政使司右叅議本年三月初五日接到吏部急字七
十二號文憑陞授廣東提刑按察司副使臣感恩懷惕聞命肅
趨本月十二日行至江西九江府地方不意夙疾大作疫火內
蒸寢食俱廢精神眩瞶醫藥罔功欲勉強赴任則匍匐不前欲
僑寓調理恐曠職誤事進退狼狽哀情迫切用是敢冒雷霆之
威妄為骸骨之乞念臣本以草茅致藩^位慕仰隆聖明振刷官衷
幸免汰斥正當夙夜砥礪勉効涓埃豈敢矯情好避以自負于

明時哉願臣病勢沉綿非旦夕可愈而地方正屬多事前職豈
宜久曠使臣依違觀望不早自引決別妨賢誤事之罪益無
所逃矣伏乞聖慈俯賜矜念勅下吏部察臣病狀的實准臣休
致另補前職庶幾得以苟延而厥官不致有曠也為此具本
專差義男王寧齋捧謹具奏聞

請築堡疏

奏為捐貲築堡議處防守以裕國課以全民命事緣本縣地方
東臨大海北枕長江惟臣等所居一至五部更懸海口距郡城
七十餘里寔水陸要衝之地倭夷出沒之區國初就本鄉設立
永嘉塲鹽課司額辦鹽二千丁將五都居民盡編充竈仍設中

界山巡檢司弓兵一百名專以防寇衛民用保國課第承平既
久法立弊生巡司寄居曠地弓兵徒射虛名絕無分毫濟用自
嘉靖三十一年以來倭寇生發沿海地方莫不被害臣等一境
賴有致仕廣東按察司王德散官王沛糾集鄉兵相機防禦以
故五六年間得保無虞去年四月內倭寇大至攻圍城郭流突
鄉村王德王沛奮勇督戰相繼陣亡由是衆心惶寒賊勢愈熾
焚戮慘毒所不忍言即今產業蕩燬村落丘墟臣等雖幸免荼
毒猶恐前寇出沒無時洵之旦夕隨會同耆老人等咨明官司
願自備工力議築堡城于本鄉弁鎮之地跨河據險上建窩鋪
塼子下設水陸禁門週迴四五里略如守禦兩城規制仍議欲

將監課司巡檢司并遷入內眾皆願從蓋堡內有監課司則竈
戶附塲居住不至四散逃移有巡檢司則弓兵調度有方可藉
協力防守且門禁局鑰與警急申報而皆屬之職官事體為便
況今巡司在本鄉長沙地方與築堡之處俱切近海濱相去不
踰一里而司旁地廣民稀復經兵燹不惟勢孤難守且恐賊來
屯駐其中反為地方之害如移入堡內則彼此憑依守望相助
庶幾緩急得力且前堡據一鄉之中聚族而內居者固甚眾矣
有散處重遷者遇有警急亦皆于此投奔收斂是巡司守一
堡即所以保一鄉非棄外就內偏為一隅計也臣又竊見本府
縣清縣北監巡檢司原在一都白沙界上因地曠且僻近本年

該縣改遷迤北岳頭鎮內召募本地人戶充當弓兵以資防守
若臣本鄉以鹽司巡司并居一堡則人烟輳密防守益固隱然
郡城一屏障也其與北鹽巡司遷徙事體相同而規為則遠勝
矣伏乞皇上憫念竈氓燒劫殘破之餘偷生無地狂趨慣熟之
寇猝至可憂勅下都察院轉行總督巡按巡鹽衙門脩行守巡
道查勘俯賜施行庶寇至有備民得安生弓兵不為虛設國課
不至終虧一方蒙再造之恩萬世賴生成之利矣為此具本
奏聞

表

賀登極表

伏以昊天純祐聿申受命之符聖主隆興載篤履乾之慶觀耿
光於累葉慰後望于多方華裔交懽神人協豫茲蓋伏遇皇帝
陛下秉德廣淵体元中正應期出震仁考夙著于龍潛紹統向
離文明式孚于虎變際五百年中興之運順億兆共戴之誠褒錄
遺忠仰體先皇之德意振釐宿弊聿新昭代之憲章節用裕民
尚師乎禹儉屏苛肆赦大霽宇堯仁達孝已通于神明湛恩誕
敷于寰宇是誠天命維新之會而宗社永賴之休也臣叨塵法
從幸遘昌期徒抱樸忠愧無裨于靖獻拭觀新化敢自外于陶
甄伏願祇適先猷日勤聖學任賢圖治保恭儉於有終虛已受
言擴聰明於四達懋極建維皇之極益隆有道之長

賀長至表

伏以天心來復一陽肇資始之功聖德承乾五位納履之長之
祉啓神功於立齋藹瑞氣于彤庭海宇騰懽神人胥慶恭惟皇
上道合重玄德超太始穆三敬通三極精誠允格于神明巍
功配兩儀氛祲聿消於寰海太平有象至治難名茲者緹室飛
灰斗杓建子晷影漸舒于南陸窮陰歸謝于重淵登臺望氣而
五色書雲推曆紀時而三微正始臣等仰荷生成之德瘳曠日
深徒懷芹曝之忱涓埃莫報伏願道隨陽泰益隆家國之禧壽
與天齊永作神久之主萬紀握乾符于有永億齡開景運以無
疆

疆

以是日為長至中受命之符望土氣與澤氣感通之靈雖相

序

京營紀序

我國家兵制自太祖高皇帝膺天眷命以肇造于前成祖文皇帝定鼎燕都以繼承於後二聖繼作憲古立法黃虞以降稱兵制之善者莫加焉其在京師初立五軍營繼立三千營神機營為三大營時元戎宿將雲合影從勁卒健馬星屯蜩集蓋不可以億萬計嗣是重熙累洽海內銷兵又尺籍雖存營伍漸減景泰年間三營不可用矣遂選為十二團營團營不可用矣又選為兩官廳日改歲易弊端百出我皇上應運中興念京營之極弊虛醜虜之方張爰咨舊典大奮乾剛上復二祖三營之舊

用周人六師之規欽定三營分設諸將統兵之外加以備兵往
所謂十二國營兩官廳與各哨扼煩瑣名目盡行罷革百餘年
之叢奸積蠹一時頓清將有定員軍有定數操練有法征調有
期大聖人之制作可傳萬年以為久安長治之策者也願千餘
年間因時損益稍有不同恐將來建議靡察根要或致紛更有
失聖明初意臣謹備考國初以來兵制之詳及我皇上欽定三
營之制編勒成書以備一代之典章為萬世之成憲嗚呼書誥
戎兵詩鞠師旅當陰雨之未形而綢繆桑土之至計庶脩攘其
永賴太平其無疆矣

承天府志序

郡縣有志非徒可以徵故寔博聞見已也蓋于治道良有裨焉
察地利則興革可舉考民俗則化理可宣故蕭何入關收秦圖
籍漢以是知天下戶口阮瑊卒創大業今國家熙洽文獻斌已
天下郡縣莫不有志迺承天為聖天子龍飛地顧獨可無志乎
夫承天寔無志也承天在昔為安陸州惟京山為其屬邑州有
志止安陸京山耳其後易州為府增沔景荆潛當陽為屬皆非
故境又龍飛以來諸盛典故志所未有也往者守臣上言脩興
者志事不果茲皇上以言官議復脩興都大典其于先帝之聖
德神功皇上之鴻猷駿烈罔不恭紀其詳然非郡縣事也則承
天故無志也余承乏守荊州西路駐節茲郡每欲稽往質疑漫

亡可據竊用悵然者久之屬友人京山高伯宗以景府右史宅
憂于家余因屬志事伯宗固辭書往復三四又數月始許之亡
河余調廣東按察副使行役至京山訪伯宗于其先墓所索所
纂輯觀之次第脫草而體例欵緒亦既秩然備已志分為十列
其目六十有六凡若干卷不虛美不隱惡不著凡例不作年表
蓋損益諸志体取衷焉信乎質而不佻華而不靡也伯宗乃謂
余曰事端于子子行矣無一言以弁首簡可乎余曰唯唯夫志
郡縣史也古稱備三長乃可作史其所尤難直也董左而下遷
固稱良焉然已不能亡譏已足豈可易言哉假令飾藻繪襲短
矧非不燦然文也而于事亡當又亡能少裨于治則余何取焉

今是編文雅而事核可謂成一家言已其有裨于治不既多乎
伯宗往官四曹時嘗輯刑部事宜并著鴻猷錄備載國家安攘
大節大司寇海鹽鄭公手校定之方為摺紉所傳誦又嘗以法
裁時宰所私入且贈言事謫戍者詩而身送之出郊以是為國
柄國者所銜遂籍藩封出為令官即亡論脩辭其直有足尚已
然則斯志之作信其可傳也哉

永嘉縣志序

古者諸侯之邦必有史今邑之疆域視古侯邦庶務叢焉民風
吏治人才出焉志以紀之其史之遺乎志與史體殊而用一故
其事責核其辭貴雅其義貴正而嚴匪是則眩眾觀而不足

拱甫名秋仁
此而本之矣

以鑒省冀取于志哉永嘉為附郭邑宋元以來代有述者率統
於郡志嘗見太平謝文肅公有永嘉志序而未觀其書吾鄉王
文定公弘治間作郡志迄今踰六十載其間人事世變夥矣雖
嗣有纂輯亦多廢而不傳予家食頃暇懼文獻無徵欲有效於
鄉邦而友人王拱尚氏則嘗受郡公之命從事于茲而未就緒
爰相與續訂別為例作九志不啓局不煩餽不使眾聞知假館
于白塔僧舍屬兒蘊編輯書成乃質于鄉達諸君子以祈是正
顧詞義蕪陋且多所借踰竊懼不免于戮而徵罪焉爾邑侯景
山程公覽而善之曰吾聞入國問俗學古入官是編固政之紀
也豈惟文獻徵哉請屬諸梓人是以為從政者鑒焉遂畀之

重脩王氏族譜序

吾王氏譜嘉靖丁酉輯於先大人東屋翁時果方弱冠迺今踰
耆矣歷年逾多而事亦繁更然皆果所略託者久之能無遺佚
乎林君之暇日以為念爰命兒蘊哀次故寔為譜十卷叙傳撰
著口授而手潤之視前譜有加焉夫名家右族其祖先多明德
後人固籍以昌顯而隴西以陵慙石城以槃著又豈其先人故
哉我族姓蕃昌肇自列祖迨先大人志先合族著為宗約時會
食而儲恤之使其相慶唁周旋以永惇睦數十年來果兄弟偕
諸宗人作求弗懈彬以禮讓稱斯譜之作庶幾不為徒已夫
根深枝茂源濬流衍理有固有然者然枝弗蕃則根撥流弗疏

則源於所貴蕃而疏之以滋益夫根源是在後之人焉北郡李氏譜有云高車駟馬功名著于春秋積金丘王者豈少也至于族屬則疏焉故有千金飾裘馬而族人則衣懸鶉出本于第第算無遺銖已及聚朋輩則宴遊日歌舞見尊官豪賓足怙之如有緣至見族長輩或不下車也其悖禮可勝道哉噫斯皆吾宗人所宜戒也斯吾作譜意也

鶴陽謝氏族譜序

邑之北鄉曰南溪山秀而川迴林木森蔚其俗敦行誼而崇禮讓鶴陽為南溪奧區隣白雁謝氏世居之謝之先裔出宋康樂公康樂公守永嘉遷去其孫超祖留居郡中數傳有諱詵者始

徙鶴陽由詵而下多顯仕入國朝樂公靖公廷循善藻翰受知
宣廟授錦衣使內直親灑宸翰賜之萬山公暹舉鄉魁教諭臨
武以文行稱嗣是儒紳輩出傳世凡十九矣三嘗從其裔孫元
式得舊譜讀之頃元式偕族彥復輯譜而謁序于山人山人曰
君之譜世遠而聲日起元季秘書國初曾學士二公序之且垂
不朽何俟于予言元式固請曰故牒支姓未著紀志闕略茲圖
增所未備敢乞一言詔之後人予受而序曰族譜蓋古繫世之
流也繫世者序其世而定其繫于以辨昭穆譜親疎若帝繫世
本諸書周官小史所職是也自小史之職廢宗法亡而譜牒泯
矣至宋甌蘇氏乃有譜而為法不同歐則世經人緯蘇則系聯

派屬後之言譜者莫不以二家為法焉夫譜不作則象不明敦
世之後將視所同出者為塗人歡喜憂感不相慶恤何以教敦
睦哉故譜正而後倫敦倫敦而後俗善非徒侈觀美已也謝氏
宅靈秀之區保姓滋大踰數百年其子孫類能表闡前休而宗
譜之輯酌古準今圖支派紀婚嫁志兆域而又錄宸翰以昭錫
載傳銘以彰燬附題贈以示與井井章明不失夫作者意矣夫
譜者普也懼宗屬之渙情義之携而思所以普之也譜其族則
知吾身之所自出也而敬生心知支姓本同一氣也則愛心生
論世期象賢也而勸戒之心生則思淑身以穀後譜之為教不
亦普乎楠溪俗固美茲謝氏又以禮維其族為里閭先將見俗

益瀉傳益盛厚道度可興已是為序

何公日記錄序

古林何公抗疏劾忠篤行設道海內士大夫仰之如景星雲鳳
予竊夙嚮慕矣往歲自湖藩叨移廣臬私巽操几杖以聆緒言
乃中道以疾返跼伏海濱自分永遜及見公起潛栢用則又深
為斯道慶而恨執鞭之靡緣也此吾郡丞蒲公以公所著日記
錄見示予受讀卒業懽然嘆曰斯古林公所以為寔學而非若
時流以名勝說長為務者夫禍臨不測而措分暇豫可以觀養
士民感激擁護不捨可以觀仁餽出有名完璧竟返可以觀介
感遇述懷日篤彞倫絕無尤怨可以觀貞而要皆一本為學之

懋而心體瑩矣志慮一矣故發而為氣節為功業為文章皆卓
然表著其盛美可述而所脩存者豫也雖然古林公為是錄而
郡丞公重梓以傳固以彰公之大而予則因以覘公之微公嘗
有言行乎患難富貴貧賤境不同而心則一公今際休明位通
顯夙昔所懷情鬱而不得舒者夫既悉展布矣而猶眷之于患
難之嘗歷者其殆佚思初安惟始之意乎若以茲舉為百世瞻
仰斤斤為欲昭揭于耳目則淺之乎窺大賢矣郡丞公以為然
遂潛書末簡且用質于何公云

冰節流芳集序

予觀史傳紀古節婦往往履艱秉操百世之下為孺生學士所

誦說而國家令典崇表貞節亦將以登之信史斯其維世風而
續古紀豈不赫然顯哉乃茲讀高母冰節流芳集竊有感焉母
有子白洲君為君郡博士嘗言于予曰吾岳易氏年十九喪吾
父時孤生甫三月母哀甚期以身殉所親慰之曰而捐生烈矣
獨不念遺允乎延感悟屏居一室日夕垂泣幾喪明事吾大母
寒煖滋味率聲勞詞護卒安其養焉迨孤有知擇師俾學而家
故涼薄身織紉蠶繅資之嘗曰吾未亡人不即死者惟爾望也
隆慶辛未孤偕計上春官陳情闕下詔有司旌其居比尹高明
尋教東甌前後迎養諸縉紳類以辭贈因哀次為集願得一言
序之于聞而嘆曰母之賢卓矣方其初孀時高氏孤弱艱危殆

百狀而母以子然一身支門戶含哀茹苦者四十年以之白洲
君佩慈訓顯庸于時而母就祿養膺國典所至能言之士頌之
咏之叙之傳之古烈女自虞姬以下所載共姜伯姬率毀傷膚
體以死殉其夫世以不幸痛惜若高母艱貞慈孝全志節而享
恩榮為國家所揚詡者是可多得耶白洲君醇學篤行仕為良
牧為賢師狀母節知其所自旦夕晉陟清華馳章褒錫母之壽
祉且將等之範福又豈祇以節稱哉予嘗宦荆楚及輯吾邑志
詢之故老于嫠而苦節者私心傷焉率為之章表頌悉高母節
概且快其燕喜吾邦重白洲君之請爰為序以風四方且以勸
夫一鄉也

敘述詳明數詞雅勅讀之令我胸中油然而適也 蘧真子敬識

雪坡先生集序

名物字見所志亦不為行

雪坡葉先生博學好古隱居授徒用薦辟起家為翰林院待詔以纂脩功晉侍書尋引年乞歸其遭遇誠奇矣予與先生同里閉壘年間先生名私心嚮慕之願未獲操几杖聆謦欬也頃就先生季子思舜得先生所著雪堂訓義及文存稿讀之則憬然與興思曰先生所造詣所蘊負恠奇有若茲者其遭過豈偶然哉蓋先生邃于經學旁通百家究極精微而歸于寔際故其發為詩文力追作者如布泉叔粟咀之有味服之無斃賅物理而闕世風就其大者論之見弼贊之猷焉見出處之經焉見交際

之恪焉見規微之切焉見經濟之畧焉見素履之貞焉文與道
俱學由心得非徒藻繪為工勦襲為富漫焉隨世而譁詡者臬
宰薦明經制稱博雅曠遭稽古之榮不負求志之學庶幾古君
子之流亞歟予三復遺編重有感于先生始終之際而欲致夫
名實之核漫綴鄙言庶幾後世有知子雲者

精鍊簡勁短篇中豈易得此廣克履真子拜誌

陽湖小志序

郡郭之西鄉多山水而陽湖為最勝予仲以陽德甫為諸時
過其地愛而購之稍之芟夷闢溪圃旋治為墅墅城而亭臺池
遶木石諸景遂擅稱為四方薦紳先生樂道其勝積之得記文

詩歌若干篇仲氏彙為小志梓而藏之山中始賜湖未為墅也
舊畚灌莽耕犁蒙翳迫地靈天啓仲氏扶其奇秀環湖之境蓋
四時朝昏之冠觀飛蓋輕舟戶屢常滿遠似海野一區多聞矣
越間然則山水亦有過哉顧墅之治為隱計也隱而志以文之
何也李愿盤谷得韓子贈言聲施百世而質監鑑湖亦以詠歌
託之不朽予兄弟辛返初服投閒林泉魚鳥游泳雲水徜徉日
取高賢所嘗題品者嘯歌其間庶幾盤谷鑑湖矣噫此賜湖所
以志也亦將永矢於勿諼也與

憶昔吾伯祖西華翁祖賜谷翁兄弟競秀上承前烈出有功
于民社歸為德于鄉閭口碑在道史冊相傳皆以實心行實

事晚年林居兄弟偕隱從容自適動循天理故即陽湖一序知

非僅文辭為工也吾子孫尚其勉繼先德慶堯發真子謹書

贈肖若朱公督學山東序

山東古齊魯之域今列為六郡齊居其五齊在周季其風泱泱
表于東海其敝也急功利而銜能魯被聖賢之化深獨守禮義
不渝故夫子欲變齊以從之漢世言文學者稱齊魯焉乃漢史
論史魯俗逐利習巧多文寡寔何也嗟夫功利之易以溺人去
聖既遠亦將浸淫彌漫而莫之禦耶然而注轄固之徒卓然不
詭于正則二國之士篤信守道猶愈于他俗矣今天下窮取下
國治六藝者比齊魯然士能自拔于風靡波流不急功銜能者

益寡第不知所謂齊魯者視昔何如耳聖天子御極端執九道
化洽士宜翕然嚮風察其所習乃未盡然豈主者奉行未至哉
是歲夏尚若朱公以浙藩少叅膺命視學山東從衆譽也不佞
造賀請曰公持憲作人而於鄒魯之邦事尊而地重矣雖然公
何以副諸凡督學者始至下功全布學布士皆竦動圍觀總其
大旨不過使仕攻記誦辭章為業舉計耳若此則士已勤而習
之何用功令為哉夫教化者俗之表學之源也表植則景附源
濬則流溢士不端本務寔而欲使適于用不可得已吾嘗涉齊
魯提封不再舍田疇半汙萊土綿力薄之國也方夫子時成德
達材之士彬彬然若德行文學政事夫子固嘗言之至於軍旅

之事則不言然魯為稷曲之戰吳為泗上之役而冉有樊須有
若諸賢率能濟師用命蓋秉其孝悌忠信之學無事用于禮樂
詩書有事用于定亂特危所謂有之而後似之者也今列國相
望人材吏治或未盡然毋乃古振其實今輟其華其學雖同出
於詩書六藝而實別否與海岱河濟之間也近北風氣猶厚聖
賢遺澤未泯士之可教者必多矣以公所學周孔之道而振起
之豈無端本務實自拔于風靡波流可以受大任重者出歟公
蚤歲奮達器識宏深恬于榮進文章爾雅粹然追古作者往督
粵學政率作有方士多所興起頃分鎮甌括綜理兵賦文武吏
承風奉法蓋從事實學以通方適用非徒持文墨議論為者德

而兼之材其於作人也何有矧其施于粵者亦既有成績矣殆
輕車熟路千里而一息者也敬述告于行史

字精句琢抑揚盡致至若齊魯之多士可述聖教朱公之善
訓必著成勳無不詳悉靡遺可稱傑作

廣長褒真子敬識

贈留後劉公子告序

余往司武銓適以山劉君捧表入賀旅謁省中見君虬鬚虎顙
偉丈夫也退而考其功履已私心識之及興都缺留守大司馬
揚公語余曰此陵寢重地必得兼資文武者乃可彈壓中外非
介冑之士可辦也其博選以聞余因舉君往亡何余補楚藩分
守荆西路與岵山君同駐節於郢時以杯酒相從則見君議論

侃之負奇節有萬夫不當之雄徐叩其所蘊籍不但窺孫吳熟
韜畧而且究心群籍習知國家典故及與揚推時務則揣成敗
察機宜鑿之如指諸掌余因幸夙舉之不謬而知岵山君有加
於昔也未幾君以疾乞休上書兩臺詞甚懇余竊怪之乃以暇
日叩岵山曰君節產也因家為官人情所安且職任雖專而事
則簡逸非有所難稱者君辭官何為岵山起而謝曰佩世受國
恩即損糜不足為報豈敢求自逸私使其身圖耶然吾有母年
且八旬矣佩又鮮兄弟假令荷公之靈由比進一官杜却胡南
却越即建殊勲豈能博一日之養昔人所謂事君之日長而報
劉之日短也世有不孝其親而能忠君者乎佩計決矣幸公為

我贊之書再上兩臺下其書於余且詢余故余報書為君請而
西臺惜君才不許君則遣使裹糧走京師陳情闕下得予告喜
甚乃解虎符歸卧私第日稱觴壽其母郢中諸薦紳莫不高之
余聞而嘆曰國家方多事求干城彪虎之士如饑渴以岵山君
雄才偉略少頃臾可立致侯封無難者乃以親故棄名位如脫
蹤然此豈隨世就功名者耶蓋至是而知君又如于苜也時繹
泉吳君南坡游君南樓張君皆同事荆西謂君懸車當以言贈
余厚其事余竊自念往拜湖藩命嘗上書天子乞放歸田里蓋
即岵山君意也竟為當事者所沮留不得去今君遂所請是余
曩所欲而不得者君得之矣豈惟君樂余且為君樂也雖然君

親無後先也君以母老乞身天子憐而許之且不終棄思至渥也今君才盛年天子事匪異人任他日當宁捐軀思頗救一旦以元戎召君願君以今日之所報母者報朝廷斯君親而無負也於是諸君咸拜手曰旨哉斯言崑山君不遺其親他日豈後其君哉

本一予吾養親事而前叙初過之雅次叙舉荐之當後叙同官之相得以雄才大畧之用而復有恬退歸養之孝可稱天其地間一全人也末又勉以忠臣須孝子無窮事業屬望之矣此篇前後照應自然恰好如獨繭之絲明淨殆甚 賡堯拜識

贈郡侯李公遷都運序

公之於世也其德也其功也其行也其言也其志也其心也其

古之善用人者必先愛惜而培養之將以大其受也而試之艱
將以尊其位也而需之望故近而使之遠而使之雜而使之其
使之也非不知其人而故為是困之也盤錯之交拂逆之來莫
不更閱而後其才全投之以大無不如意謳吟思慕由一方及
乎天下則望實並茂享天下尊位而人不疑宋英宗將大用蘓
軾而韓琦欲俾天下之士畏慕降伏而後用之軾聞而嘆曰公
可謂愛人以德也長公之賢魏國知之素矣其不為蔽賢明甚
而有此言者意可識已余每讀之未嘗不歎魏國善用人而多
長公之量也今斗岡公治郡幾兩考績且最乃擢福建轉運使
是當道所以處公者意豈異此哉公脩潔正大有特立之操而

才尤卓絕事無大小迎立斷人不問衆寡貴賤智過賢不肖
雖郵寓巡行頃刻之暫一接其目數歲不忘郡中民豐耗田腴
瘠俗尚美惡道所出入往來豪強良善無不知者旦出治文書
昏夜乃罷諸公解器用民間斗斛衡概猥屑冗細罔不經理之
自公之來積廢皆舉吏無銖兩之姦無情之訟叩頭輸服不待
論報甌故稱樂土自倭擾海上閭里凋敝賴天子仁聖加意元
元詔有司輕徭薄賦與天下休息公奉將德意孳々弗及用緩
催科瘡痍之民藉以甦息顧上官間以小礼望公乃据據公課
久之不遷或意公必苛責於民改其初度而公處之泰然不尤
上官亦不急其課之乃旋集嗟乎公之于民何如哉余讀班史

見所模寫漢良吏疑未盡然及覩公始信然余不難公之才而
難公之不怠其課何者聰明辨察得於天者則然至于恤民之
困不以坎坷摧折移易所守非素定于衷者不能也漢九卿多
郡國高第令制守令卓異亦皆增秩賜金尊顯以風四方而公
之擢猶未滿常調豈公之赫也而顧未足以獲乎上耶頃聞當
軸秉銓者聽公而視明搜羅賢雋無遺佚謂其于公偶失焉吾
不信也將以大其受也而試之報將以尊其位也而需之望意
其在於斯與公嘗舉于侍御龐公龐公英偉練達今所推經濟
之才無過者自御史半歲擢至中丞總理西北屯鹽諸務誠以
國計所需莫大于鹽故擇能而任之今公所職者固鹽政也安

知當道不因龐公之言屬意于公姑試之而後超擢之也哉雖
然公有道者也不以殿課改厥初則於茲擢也殆裕如矣顧士
民咨嗟悵慕若有不能釋然者余因述以解之亦願公之厚自
待也

叙次詳明而論不竭所稱筆如椽者非即下公辭其意
贈邑侯程公遷戶部序

守令之于民近且重矣守司事部總其大綱令則承上撫下庶
務叢委視守尤難焉是以士元大賢黜於百里陽城撫字無益
殿最古人設製錦之喻而論烹鮮之難蓋謂此也方今吏治弗
古波靡相沿無論續墨闡葦諸輩即世所稱能吏不過急期會

嚴摧科盛供設輿馬之飾謹迎送拜伏之儀以求無失上官權
少見捭抑輒跼蹐不自安而愆其素故壹意奉職不以毀譽得
失亂其衷而處之裕如非有道者不能也若吾邑侯景山程公
庶幾其人哉侯夙明經術以名進士令東嘉寬和整暇尊二拊
循其民躬問所疾苦煦育含茹而惟恐傷之逋負累積督徵有
方往嚴持阻深三者聞侯令皆踴躍赴輸公家供億穰浩里甲
坐困侯條均平法約經費斂賄儲于官屬胥吏供辦諸冗費芟
剔殆盡而身所率先若修黌宮以作士禱水旱以惠民時饋餉
以給軍率于誠意酬應庶幾古循良而非今之能吏可伍者頃
報最天官乃擢戶部主事以去夫戶部為國家理財賦而財賦

源於東南諸郡縣北戡海防戒嚴閭閻凋瘵兵餉上供之需溢
於常賦徵解後期戶部疑長之令之急也咨監司督責飛符相
望諸縣令率坐停俸候固嘗不免矣甚矣長令之難其職也使
戶部能恤長令之難斟酌盈虛以無苛責為長令者能悉戶部
之精審度時宜以無缺賦庶幾公私胥濟兩勢不至于相左在
昔成周時司徒主國計而州長黨正咸受法焉今制雖異于古
而縣令政成入為戶部即戶部即出為郡守方岳此亦通融使
其氣脈相貫亦古意也侯習於治邑茲入領度支於國計之盈
縮民力之困詘次第上聞求所以寬恤之不惟南東南民力且
夕獲蘓而俾為長令者藉以安心奉職其厚幸為何如哉詩曰

豈弟君子民之父母又曰有斐君子終不可緩兮敢以是為侯
贈

此篇無溢譽而有厚望可見為民愛國之念倦々無已于揮

毫間具能言之仁人之言其利溥哉其華翁之謂歟賡堯謹拜識

贈郡丞黃侯守黎平序

即古者之聘使也近者安人

夫古昔官人自知遂之吏以至大夫卿士率用其鄉國之秀諸
委質隣邦者亦不遠其封邑故民生剛柔異齊習尚異趨械器
衣服飲食異宜莫不習知諳悉而民安于其政自郡縣以來四
遐之人相錯易吏于其土者所至視如郵傳求實效于民者數
矣頃秉銓者有鑒於茲用人多因其方我郡侯韋軒黃公乃擢

守責之黎平意斯其意度幾於古者也夫責古之鬼方在漢為
夜郎稍厲羈縻我高皇帝始郡縣之戎衛之庠序之取介鱗而
衣裳之列筭等砮而闔閭之駸々以文物顯顧其地瘠而寡利山
箐峭深夷性多獷詐有長吏愷悌而練達者未易撫綏也韋軒
公以甲科起家南粵令華亭有聲歷部署藩臬以忤時左遷戡
守吾郡夫世之仕者稍淹躓輒怙悒罔振勵日唯積資羨遺陟
躋其民不免于秦越矣公至甌即掌郡事勤恤而貞嚴諸廢振
舉尋署樂邑樂邑民神明之一戒諭而積逋坐集奉檄丈田平
陽田倍諸邑公指示有方督策惟恐奸弊以蠲而事先報竣盖
公性明達慷慨任事而精敏足以濟之且也惇大体略苛細致

孜孜勤其官而不祈乎人之知噫是在英鏡初政者猶難之也
而謂公頓踣淹抑之餘乃若此耶吾又聞貴土雖瘠而民愿諸
夷酋雖曠悍而易使以義古稱忠信可行蠻貊公所施殆裕如
者矧南粵與黎接壤其風聲俗尚可以習知而滇又公按節故
地風猷在雷羅間賁人喁々傾嚮而謳歌其來暮可以笑而見
矣昔漢武欲通夜郎以近附西蜀用蜀人司馬相如為中郎將
建節往使略定西南夷而邛笮冉駹斯榆諸酋皆請為臣妾鄉
里榮觀史傳侈于設美黎固夜郎之墟而聖朝威靈所暨非漢
倫比公以宿望訐猷坐而撫之異日經略告成節制萬里威德
播於殊方功名垂為信史寧論長卿之夸誕已耶公行矣士民

相顧昭愕余因述以贈且冀公慷慨一行以試余言也

清雋爾雅詞旨俱徹廣堯謹識

贈司理程公膺獎序

夫吾儒語吏治豈徒矜跡聳行要取敷華矣哉孔子論政曰居之無倦行之以忠孟子論獲治上治民而歸于皇誠動物誠之所通如臬樹而影木憂而穀孰能禦之也今之為吏者類競于期會鍛鍊之能而鮮堅靖寧壹之志監司之察舉吏治其所殿最者又在此而不在彼孔孟論治之語少而習之仕而違之其明于吾儒之道者罕矣今侍御兄隅蕭公東洲田公之獎郡侯巽峰程公何其以道而相遇也公初落官吾郡沉默而恂樸更

之知為有道而才諳則未覩也此承臺司委屬臺司才之署瑞
 安縣事瑞安縣人德之又署吾永嘉永嘉時承積弊公芟別群
 蠹奸愴罔容節約供需無煩里甲絲粟彙漏田稽隱丁築潰塘
 諸所興葺足垂永利每決獄細大惟茲輕重惟允往二俾自悔
 釋不事禁繫跡其措注率本誠意而加以詳審寬厚惻怛之衷
 恒溢于科條期會之外有非世之能吏可伍者或虞其秉道自
 信而要取穀華不在是也侍御公乃廣之輿論移金幣致辭褒
 之曰端謹曰廉白曰不苟不縱不亢不隨以行稱也曰折獄平
 允曰按牘精明以治稱也猗歟休哉公之獲上治民誠以道已
 要亦可以觀學也夫政與學非二事儒者講明理道而措諸躬

卷之九
胡公鳳心
聖學嘗尹
樂清以循
良稱公從
游切磋蓋
志于吾儒
体用之寔
者先隅公
師事念菴
羅先生東
洲公負士
望于兩河
間申教群
吏旌公以
示勸多道
其操履之
賢意氣字
洽亦知公
之為學爾
錢若水推
官同州雪
寃舒屈超
最而位樞
輔公職專
治獄仁明
而詳慎毅
鬻當路陟
而私之天
下裕如也
予安于迂
邈嘗從公
論議竊信
其所蘧養
而五色諸
大夫則同
志循良而
於公致向
慕者因屬
予颺言之
且以徵古
道焉

行其施于有政者特緒餘焉耳故曰有真儒而後有善治婺源
侍御湛臺胡公夙心聖學嘗尹樂清以循良稱公從游切磋蓋
志于吾儒体用之寔者先隅公師事念菴羅先生東洲公負士
望于兩河間申教群吏旌公以示勸多道其操履之賢意氣字
洽亦知公之為學爾錢若水推官同州雪寃舒屈超最而位樞
輔公職專治獄仁明而詳慎毅鬻當路陟而私之天下裕如也
予安于迂邈嘗從公論議竊信其所蘧養而五色諸大夫則同
志循良而於公致向慕者因屬予颺言之且以徵古道焉

治必由于道道必本于誠醇儒之言不可多得廣堯拜識

贈郡侯楊公入覲序

贈郡侯楊公入覲序

卷之九
胡公鳳心
聖學嘗尹
樂清以循
良稱公從
游切磋蓋
志于吾儒
体用之寔
者先隅公
師事念菴
羅先生東
洲公負士
望于兩河
間申教群
吏旌公以
示勸多道
其操履之
賢意氣字
洽亦知公
之為學爾
錢若水推
官同州雪
寃舒屈超
最而位樞
輔公職專
治獄仁明
而詳慎毅
鬻當路陟
而私之天
下裕如也
予安于迂
邈嘗從公
論議竊信
其所蘧養
而五色諸
大夫則同
志循良而
於公致向
慕者因屬
予颺言之
且以徵古
道焉

上御極之二年我郡侯洞欵楊公覲闕下以王母太夫人期壽
疏終養銓部緣甌士民狀留慰諭特至公廼過家迎太夫人之
郡會朝議持久任公卓異薦于當路明年丁丑春正月復當職
述職期公適領浙闈校文之檄辭不行奉太夫人歸巴陵以是
歲秋九月戒行余既從都人士獻頌矣中軍總龐君輩復詣請
曰甌為海上要衝島夷窺發以來列兵鎮之而調度餉給惟郡
大夫是賴自洞獻公從臺中來守吾甌惠孚威靈戍伍之屬畏
而知懷兵餉告需以時振發鉛銖不滯頃有胥徒構衛卒為奸
籍空名持偽檄匿支軍糧侵漁無聲算公發之寘之憲典而謹
斥堠飭械器倍賞罰先聲洋播寇相戒不犯境浙以東數載晏

然吾儕徂戎海上而坐制于中者公之力也聖天子新順治威
嚴之烈載覲群工海隅要害之邦以公入朝東南事可借箸籌
矣願為吾儕言之山人起而言曰國家疆天下以為列郡擇置
守臣而界之以民制守臣每三載循藩臬夫吏率邑屬肆覲使
以所以為郡者自列于上以待綜核而黜陟焉漢宣帝謂民之
安其田里而無嘆息愁怨者政平訟理也與我共此者其唯良
二千石乎嗚呼此今日責成守臣意也公蒞甌凡四載博大而
寧一溫愷而精明不事矜炫不徇喜怒而興利釐弊孳々拊循
隨施而民安焉五邑冊籍更造隱田匿丁弊端叢積公廉之乃
總核屬邑丁產寔數刻給繇帖使家喻戶曉而詭偽飛越者無

緣為蠹往歲歛民噉、待哺公下今緩摧科發稟勸糴足著為
荒政若崇學約節浮費清囚獄諸嘉績難以枚舉茲入而報最
天下事待理者豈少哉夫東南之計惟兵惟賦為急浙海上之
兵調募訓練漸有方約公坐而策之而田賦之覈去苛扶弊垂
利永久又公所躬畫者由一郡而凡海邦可知焉天子嘉惠元
元公謂承明之廬倘前席圖論國事東南兵賦何如為當寧陳
之詎止甌人之幸而已耶宣德間廣昌何公守甌郡七年以治
行聞賜璽書增秩超貳司寇為時名臣公材望轂馭廟堂簡屬
何公故事甌民方引領望之而區區借寇之想殆不能無眷于
茲行也

贈邑侯劉公奏績序

嘗讀漢史至武宣之世有感于吏治之盛竊謂古之吏其為民也何其懇而周哉蓋古者受封以治民也終其身無易而或以傳其子孫是以情察而事習所以為民計者無不至而上之德意以日究于下而無壅後世郡縣令守令數易而遞遷循資者序進善仕者速化孰肯勞心畢力為久要計哉聖天子銳意法古持久任議而責成于守令夫寒燠飢飽劑量之適宜利害之就避赤子不知也而父母為之所守令於民均之近且專而令則父母也民之苦樂休戚舒悻皆制于其政故課吏之條責之令者為尤切焉往大計振刷官吏諸汰斥者無論其卓異者屬

久任部使者露章而薦之政成工其績于考功氏屢薦者馳封
父母臺諫缺則徵為侍從之臣噫廟堂所以注意于良有司者
若此亦厚焉至矣甌為郡僻阻海隅永嘉麗郡為邑地沃而民
瀉昔號易治比年徵征科雜需倍蓰于昔而民風士習亦漸澆
漓遂以繁錯稱云萬曆乙亥壽光治軒劉侯以名進士來令吾
邑侯高大父太保文和公成凡中相憲皇帝正直清忠有古大
臣風節傳其子若孫太守公少參公而世益顯庶承華胄而屏
謝紉綺自奉如寒素聽訟洞悉痼隱無大小立剖崇朝而畢催
科有約漕需兵餉取辦雖棘而不告痛養士先教化惠農恤水
悍旱戢奸旌淑興利剔蠹率以誠意行之邑之人咸悅而安焉

夫寬者慮其弗威也詳者慮其弗斷也廉者慮其弗煦也明者
慮其弗茹也侯居以寬粟御以詳決鎮以廉靜行以明恕謙
下人不為矜飾夸詡盖有志于古循良者前後部使者交騰薦
剡是歲春三月報績于天曹夫守令秩三年稱滿之而征輸不
及額者不得考。而非薦剡三至者不得膺封典此為令至嚴
也侯治行表著薦章迭聞茲自列其政告成于廟天子方綜核
名寔達邁漢武宣之世旦夕錫封典官其尊君仰峰公及毋藍
夫人又行且召為侍從人將曰國重家重守令久任而茂異如
劉侯者出焉豈不偉哉文中子曰三代之興邦家有社稷焉西
漢之盛牧守有子孫焉侯治吾邑有成績太保公休烈未泯今

起而繩之嚮用方隆而勲猷日顯如詩書如稱象賢世篤以翊
贊中興而異日且傳循良永嘉亦籍以昭垂矣斯邑人之所拭
觀也侯之所當自待也是為序

精細完審如飲醕醪 廣堯拜識

贈郡侯衛公入覲序

不若官術可為達

國家重守令而治平之效豈不章々著哉夫世有良吏有循吏
良吏神采循吏樸茂猶鷹鷂之擊擊鸞鳳之雖和不可同日語
而得民之故從可知也東甌為簡斥地自海警以來日計兵賦
郡駸々稱困歲已卯蜀淇竹衛公由比部即來守吾甌究悉痼
隱孽々務為休養精明博大之治清靜寧一之風翕然聲于當

路越二載以覲行邦人士謀所以贈而問言于不佞公治行卓
異德政洋洋不佞莫知所狀間有言者曰甌襟海帶河為水國
通苦滯海塘蓄決民患日甚賴公憂勤隄捍工鉅而溢集三時
無害茲際告成請以水狀可乎不佞唯之嘗稽論水者云湧出
者濫懸出者沃反出者沈暫出者濺皆其近而小者也惟海則
吐納元氣經布九域舉凡天下之大受達到者莫加也故尾閭
呼吸汪洋萬頃澤無不被也公之仁順流休息則似之清澗振
濯氛垢摩蕩物無不潔也公之廉絲粟不染則似之砥柱迴瀾
百折東注勢無不行也公之毅不茹不吐則似之夫仁治之澤
也廉治之源也毅治之幹也澤普則政不苛而民懷源澄則政不

活者因以罷市字
宜在世應句下

煩而民壹幹植則政不練而民崩故自公治郡以來庭無闕節
獄無積滯兩造受成率聽之悔釋活者因以罷市往鬻貨器與
張什一之利者纖悉苦于供應公一無所取如奉約如寒素甌
之人無小大貴賤欣然樂公為在者非徒般歌笑貌已也昔
曹參治齊時當創殘之餘去煩苛務大体暨入相屬其代任者
惟曰慎無擾獄市彼參師蓋公祖黃老故其功雜霸公夙志聖
學根本至誠而飾以儒術其為政為教蓋得參之意而進之王
矣茲入而奏績廟堂方隆不次之典以待卓異公被命有日而
布德施澤于天下益密且達所請以水狀者孰測其涯涘也哉
詩黍苗之章曰原隰既平泉流既清邦人方以為頌藿蕭之章

曰既見君子為龍為无不佞則以俟之旦夕

衛公德政至今傳誦不衰是篇摩寫極得虞堯識

贈邑大夫陳公入覲序

晉書卷之六十五

今天子履乾飭新吏治明年丙戌復當計吏期景湖陳侯宰永嘉之二載奉令典脩覲邑博士周君率諸生詣不佞曰東嘉自昔稱小鄒魯士風樸茂而民譽用章適習于境靡劣先程逞私說而其尚滋故矣陳侯起家經術師我多士校藝章範而獎掖曲至士無賢愚津之焉均資其益若枵腹之待餉而飲以膏粱也若草木零萎被春風時雨而向榮也吾儕所師保者惟是侯賴矧廟堂考課方察士學作新與否而侯教成化行章之若是

銓司之論最當無讓已願得一言以先之嘗聞世之為吏者初受命輒曰民難治也士難信也夫民豈誠難治士豈誠難信哉人之精神氣脉流貫乎應其視上而轉移者風行而草偃表立而景從一無爽也自上之人務為矜削術其殼威以博功能民若士迫于約束稍一任使求稱而攜且貳矣陳侯豈弟凝重順流休養諸措汪率持大体故新蠻序獎菴文而士民勸于學均徭賦簡獄訟而士民安于業嚴保甲懲豪猾而士民一于觀聽所謂治民信友而獲上者蓋一以道而非徒矯名聳行如世所揚誦已也茲入而奏績當軸所執以待侯者當最高等且行徵為侍從我下邑能專侯耶侯為莆世族王大父學憲公以風節

著象賢如侯而文學政事西臻粹美卓哉稱儒吏矣夫今之儒
吏古之循良也班氏傳循吏而取于潁川渤海其為世法者有
在聖明為宗社計方重循吏以休養元元臨軒之問旦侯旦夕
遇矣易侯康用錫馬蕃庶晝日三接詩和鸞雖雖偉草冲之萬
福攸同博士諸茂才幸為侯頌焉若曰穆如清風以慰其心則
不佞愧不文也

贈兵憲吳公陟參政序

浙東轄甌括為憲府而甌懸于海扼閩浙要衝朝簡才望憲臣
以鎮撫之上御極五年江東韞菴吳公奉璽書脩兵東浙建牙
于甌蓋專脩攘粵也公治甌凡三載經文緯武聲猷施于中外

萬曆辛巳詔晉浙省左參政總理糧儲邦人相與言于予曰吾
甌正征科倍需民駭且憊吳公洞晰郡隱節養拊循熙和化
洽歲告屢豐其仁昭矣費宮反地誅于舉羸公躬相籌畫啓字
閩鹿名賢俎豆咸加維新其誠著矣海警往聞境苦延瘠公簡
布方略寇謀喙奔番船內闖擒馘蕩氛凱歌燕喜而江山被藻
其猷宏矣御史以博大吏罔于于憲礼士不為口吻士罔弗懷
繩下不為苛削民罔弗畏本之端嚴而澤以中和出之精明而
持以寧一吾屬覩賢監司莫如公公今去甌孰安吾生乎予進
言者告曰國家則用仰于東南貢賦操劑盈縮則惟才賢是賴
浙東西之粟兌過轉遞上下牽制間弗戒將領率累謹矣國賦

總於版籍按籍以稽田品田以釐戶監成憲而均節之世無易也頃蠹紛擾輕變舊章卒匪不以上聞為民患可勝言哉公秉為部郎治漕淮陽歲餉運遞之難艱所窮理而目觀者繼守杭浙諸郡田賦詭漏旁附蠹孔弊端可燭照數計也聖天子軫念國計而江南財賦之柄擇以屬公公為劑量其間恤飛輓以紓民力清賦籍以一法守頒示科條使豪右無緣為奸將區人並受寧社矧廟堂持議遷涉多視其方公前後蒞浙有成績旦夕開府撫制東南登密勿而翼訂謨其為天下利賴何如耶邦人聞予言者皆懌然以喜請所以頌公予為歌蒸民之章曰柔亦不茹剛亦不吐諸君子為歌崧高之章曰四國于蕃四方于宣

歌已攀轅卧轍者奔走後先遂次其語以為贈

贈楊先生掌教澧州序

卷之二

夫政與教有二乎哉吏治之飭不飭歸士習之正不正政之原
蓋始于教也古者建國君民必先教學聯師儒其所以為教者
惟德行是務而旁及乎藝文士生其時服所嚮訓而膺論選者
皆有備于寔用所謂師道立則善人多善人多則天下治是已
國朝稽古建學堂揚彞倫師必儒宿其法與意未嘗不古者顧
今昔往往務為因循不自振勵日惟藻飾故常以塞職守為第
子者厭拘檢樂踈曠炬聲華而遺本寔波靡風下卓然知樹立
者鮮矣以是效周宜吏治之不盡然也清江南地楊先生以江

右名儒司教于既至之日予挹其操復恂朴而端慤聆其言論
淵醇而該洽知為有道士以得所著四書講義及道德經讀法
則洞究指蘊折衷至理率發前人所未發矧然當于予心久之
考先生之行事誨諸先生以行誼而輔以經術士有勤勵者獎
之不率教者記過懲之窘乏若急者則周以俸餘陶生全家患
疫賴厚賑無恙吾鄉友茶山項君嘗同教清江雅知先生至則
卹其後圖延祀事情誼至篤焉夫勤策課肆而旌別惟嚴教法
章矣率以躬行默示感孚教本立矣故士莫不蒸然興起而
賢聲亦遂章于上下無何擢澧洲學正以去予造問行色因語
之曰澧有仙姑辟穀十餘年而綽約如處子泉灑然神異之予

往參湖藩聞其事先先生留心玄北其試往一叩先生笑而不應
意予知其微矣蓋先生之學顯期實用而不驚于玄遠不屑於
藻飾將以樞澹朴茂之道風諸人士其論老子謂其崇尚道德
以無為無欲治天下其言間涉矯激而道未嘗貳于孔子若長
生久視之說特其用之一端則所謂貴愛其身以寄托乎天下
者道固有在先生素概于中矣率是敷教世道其有賴乎矧楚
故多才也史所稱倚相觀射父屈原宋玉之流不一而足喬嶽
巨浸代毓秀靈古今蓋相及也先生以教甌者而教于楚泝無
極于濂溪本篤寔藝文之訓而揚勵之楚之士吾知其有興矣
若夫涉湘漢浮洞庭瞻太衡二岳而賞陽春白雪之音嘉白雲

黃鶴之句追先憂後樂之懷此則玩物之餘情所謂涉而不有者也詩曰無金玉爾音而有遐心予于先生之學日望其行于天下而次第著作其有以惠我否耶

贈總戎東江陳侯序

予觀春秋時列國連兵晉楚諸帥皆世卿為之若卻縠魏絳蓬罷鬪般其選也後世登壇推轂或拔起行伍廝穎無問猥賤惟其才且賢然亦百千中什一耳若耿弇之後恭李晟之後愬曹彬之後瑋又皆以世胄象賢稱雄于時矣國朝闢乾定鼎崇功錫爵階級臚列世次不遺諸分布中外者簡其賢而援之節鉞

以專制聞外其顯者與內勲臣埒故材勇之士日夜淬勵思以
自奮而夷險生殺惟所命之此其致身報主庶幾古之忠賢未
可以紈綺子少之也温州衛指揮同知陳侯子化其先世以奉
天征討累功萬戶侯至高祖宣武帝公王考思古公並為都督
大夫懋績戎功顯著海內侯甫弱冠即嶄然露鋒穎兩舉武科
尋嗣先秩兩臺監司噐而旌委之屬甌粵時有海警當道以侯
出將門嘗司總金盤悉要害爰置之中軍練兵經武寇至則率
師出戰所嚮以捷報嘉靖癸亥夏倭突奔流_江時大司馬劍門
趙公以會勦駐溫分授諸將夾攻殲之上功于朝而侯居上第
詔進秩指揮使賜白鏹蓋殊典也今天子震臨憂先南顧本兵

用衆譽擢度為都指揮總戎事於燕之劉家河夫三吳為東南
要地往歲倭夷出沒禍延瘡矣以得文武大吏以重兵鎮之稍
稱寧謐後以宿將擁麾仗鉞於其間雍容樽俎蔽翰大方即晉
楚以來所稱諸世將又奚讓哉雖然兵與戰未易語也蓋將以
一身受事間寄誓師而出鑿山門而行必購死士以興奮距畢
力然士力隸尺伍類多豪俠之屬率之擢介冑犯鋒鏑幸而奏
馘獻俘是以身命之博也故古之賢將收英勇於幕下必孚以
恩誼同其甘苦拊循勞勉而濟之威嚴乃可以得死力而報膚
功陳侯久習戎間其于練銳審計之道籌之以已豫茲行職既
專而志可據吾知其必有樹矣昔豫卿論為將之道曰智信仁

勇嚴吳起謂將總文武其所慎者五而不專於勇然則以詭設
兵者又未嘗不本于理道也侯明孫吳而嫻儒術祇承新命振
烈以繩祖武將於茲行卜之也其思所以自懋哉

贈都指揮胡侯序
國家綏懷九服列險樹防為計至深遠也甌為東南雄郡壤接
閩廣浸沿島夷乃設金獅盤磐石二衛封障海徼而二衛戎務
故事臺臣簡諸材官總之嘉靖間倭患沅熾本兵以把總官宜
重其任乃錫之璽書秩以都指揮行事予時司職方持其識議
松門衛指揮事螭江湖侯累功擢為金盤把總歲癸亥寇由南
鎮突奔入福之沙埕流江甌戒嚴侯部兵海上相機設畫夜縱

火攻寇殲盡論功列高等詔晉秩賜金無何以頌言解前職撫
臺仍委協總屢戰又多奇捷每向予設海中形勝及脩禦方畧
指畫粲然悉也其言曰寇嘗敗于水而肆掠於陸者非其勇怯
殊也彼所持者利刃所據者茅船我以巨艦火器臨之足以制
其死命矧外洋諸山環峙我兵據險以折寇衝而形勢在我矣
故扼截章灣可以遏南來之寇扼截葛蒲洋可以遏北來之寇
扼截檳山洋可以遏東來之寇此浙東論戰莫利於水也矣既
明要害故每降汛防率舟師擇峭直薄外洋環樓櫓為屏翰寇
至輒邀擊獻俘自侯護兵以來浙濱海諸郡咸底賴之蓋不獨
我甌也然甌之兵士習侯拊循而薦紳大夫且樂其交與日津

律望其再任隆慶己巳果承策書以前秩總金盤夫昔之論將者以儒將為先而重取夫詩書禮樂之士侯起台岸舉武科雖身戎務而手書卷不釋間即事吟賦托論時務足與夙學者均庶幾稱儒將已全盤地瀕海議者以船漁船惹海譽極臺下所司議禁侯具陳宜便民卒允所稱請海軍餉不時率啓以待哺或裹糧出哨僅儲宿飽後條議民稅免輸于官屆汛期隨所在給發俾軍徼全餉而民省轉輸當道用著為令夫介胄之士矜鬪樂戰亦足語于城守矣乃胡侯所議略要求有利于民若此豈徒嫻韜畧習戰陣以英勇稱哉四郊頃多壘壘議伐胡南議議蕩閩廣諸寇營宇拊髀思頭救侯膚功茂奏行當以元戎名

登壇授鉞方執事社則金盤固權輿地也侯其自奮而予方拭目俟矣焉

贈樂清胡侯應召序

樂清胡侯應召序

聖天子御極之十三載敕新法紀中外竦然觀清明之化而宸衷兢業求治無已思得耳目之臣獻可捨遺以翊皇軌乃召天官冢宰簡郡縣有司之良徵補濫諫浙東西令西君與選者僅二人而樂邑似山胡侯被命戒行亟簿諸君謂予言以贈世之論治者嘗謂國宰置承宣之屬保釐綏養尚恩厚而擇侍從之列陳疏繩糾則尚切直二者若相左而臺諫職類取之長民之吏斯其意何居哉天子嘉惠元元責成于司牧者良厚而吏治

民情阻於上達使臺諫得言之亦以四方之病隱利病皆其身
親而嘗試者凡條例足為石畫廟堂藉以明見萬里此用人之
法中外共濟如人之一身血脉流貫護持元氣何治之不古若
哉吾甌五邑而樂清阻山濱海土瘠而民亢征科逋後訟獄繁
滋邑以盤錯稱矣豫章胡侯來令茲邑則崇尚德化撫循而煦
育之訟至多引古人忍讓事俾自悔釋民咸樂侯親我而奸孽
驚怖發寘之憲典邑中又相戒奉法惟謹境有雁蕩山擅竒勝
孔道輜軒供億務為華侈而民告疲已侯治樂以來頗意節縮
前後部使者諸監司游雁山率為常餽亦以取容或諷之侯曰
不忍疲吾民博人驩也往臺檄丈田責贏滋擾侯不為動乃以

隆慶初丈圖籍報或為虞侯曰苟利吾民何恤也歲輸積逋侯督徵有約民無後負日所自給寒素如儒生不以纖介煩民眾謂侯秉道自信而要取聲華或不在此也朝宇乃稽三輿論召試內庭將畀以臺諫職宋富公范公出為民牧能愛入為諫官能言侯亦何讓哉方今條格復古賢公卿和衷宣力四方利弊所宜興革者期在必行侯初令潮陽繼令吾樂前後凡六載舉東南民生疾苦政治得失洞悉靡隱茲入而論列廟堂采擇將曰是嘗令某邑者於樂不有光哉樂為邑議者目為岩區前令潘簡肅公及今侍御湛臺胡公蒞以德教樂人安于其治侯治師兩公而邑之人益安于侯余以是知樂非岩邑頽治之者何

如耳疾往矣日尊顯於朝於凡令樂者試以是語之可焉

贈司理潘公應召序

名潘公即名

世之論治者先儒術諒哉夫儒者以仁義道德成其身心以輔
相康濟試其經綸養之淵然出之沛然究之而煥然偉然蓋本
吾萬物一體之念以為運用而風節事功乃其緒餘焉耳明興
名儒輩出而敬軒白沙陽明三先生則提挈綱領薛言主敬陳
言致虛王言良知揆之元公無欲焉公定性之旨殊而同歸蓋
入聖之要機也雪松潘公起家新安靈稟妙解潛心理道嘗與
鄒爾瞻諸君子講明三先生之學自為經生時卓然自在視世
習一無所入比登第官吾廩司理益崇經術尚德化讞獄多所

矜釋於無辜，隱抑拘格，文致者力為昭雪，率以頌直取容。故自公治郡以來，庭無冤獄，而道無蒙袂政暇，則操筆為文辭進諸生。讐校得失，忘其身之在官也。名寔著乎前後，部使者交章薦剡。頃歲丁亥，天官奉明詔，徵有司之良補臺諫，而潘公列高等。被召夫繩愆，獻可責之諫臣，而揚清激濁，責之臺史，廟堂耳目之寄，崇陟而顯，畀之所以倚注者，良厚。今天子更化，銳意法古，公鄉百執事，望治如渴，東南水災，四方痼隱，其軫念而調停者，傳播中外，公周諮旁聽，而侃直博大，又嶙然于衷，茲入而圖揆，無論借箸前籌，批闡引裾，要之輔養主德，本之精誠，而翊以論列，即其平日所講明者，出為獻納，無負於耳目，寄斯為吾儒之

實用哉潘之先多名公巨卿簡肅公為最著起樂令晉司徒冢
宰正直清忠表樹大節而循良嘉績迄今甌人頌之不哀公繩
武象賢儼然家法竟其所至庶幾簡肅故事詩曰無曰予小子
召公是似聖明所以簡公者有深意也公行矣其思所以自懋
亦以懋邦人之私焉

於此於此... (faded text)
 ... (faded text)
 ... (faded text)
 ... (faded text)
 ... (faded text)
 ... (faded text)
 ... (faded text)
 ... (faded text)
 ... (faded text)
 ... (faded text)
 ... (faded text)



遯 (Pǔn) 卦
 坤上艮下

Be

四

南唐見郡愛
八清秋一季年
後仍執那後法公
月君以

王介園附集卷之三十五
王叔果半山藏稿
族孫膺堯褒真子謹鈔
信序
公三壽封戶部郎中張公七十序
郡長公虛山張先生以封君一渠翁暨母夫人陳氏並介高齡
未遂迎養時望雲興懷是歲壬申渠翁壽七秩春正月十日則
懸弧辰也郡佐諸公仰承長公孝思圖致祝頌而屬辭于王生
王生曰壽之辭其体有四有頌德者有稱榮者有紀樂有祝嘏
者諸公得無言乎於是兩蓮區公為頌德之辭也曰神皋大澤

明倫彙編
家範典
孝行典
卷之六
年九十

韞靈發祥允矣君子惠我無疆暘谷萬公為稱榮之辭曰槐啓
王瑞桂徵實芳龍章載錫鼎餼彌康臨軒葉公為紀樂之辭曰
翩之玄鶴閭風高騫千歲之侶安期羨門翼峰程公為祝嘏之
辭曰君子偕老嘉祉駢臻慶源斯濬玉時蘭馨玉生作而言曰
詳之乎昌辭哉雖然未盡也翁之自壽諸公之辭脩矣而郡長
公之所以壽翁者予請得而言之夫孝子之事親學則佩服其
訓仕則振揚其美位若廊領郡國所至宣猷庇民又物固以普
厥施亦以顯其親也翁耆英宿德表于鄉邦郡長公善承其公
勲名著於中外由戶部尚書即出守吾甌至則振惠勅法持廉
秉公貞嚴有則奸宄戢而教化興士民思效報稱之私亟矣頃

聞翁壽輒相與鼓舞慶幸且訊其起居視履之詳樂于恬特斯
豈可以笑貌為哉夫雲蒸雨沛沾濡百物而湖厥本始山岳鍾
之公佩翁之教以澤我甌人甌人被其澤而思所自揄揚休美
不啻萬千所謂得四境之歡心以事其親者然則翁之壽其未
艾矣哉昔張孟侯仕漢其父年八十每遇遷陟輒來視其子至
則寮友置酒盡歡乃罷史氏傳以為榮吾甌多佳山水去閩不
數百里公政成化洽民物恬熙翁旦夕命駕一顧予當撰杖履
于雁蕩仙岩間從諸寮友脩張孟侯故事所謂頌德稱榮紀樂
祝嘏之辭尚握手為翁申之翁能無意乎夫詩三百篇多祝壽
辭古之人所以頌其長者莫加于此子弟果與郡長公同年

進士予于翁為世講誼不能以無言乃發甌人瞻祝之情以介
翁壽且以慰公望雲之思云
少山先生葉翁鄉之隱君子也是歲乙丑秋八月既望壽八袞
令子思章君同志友群造稱祝而屬言于予嘗稽古初渾樸未
散蓄厚引長世多上壽之老維時尊養之典隆于天子孝敬之
風率之自上不惟公矧大夫安礼于朝而州閭鄉黨間亦未有
遺年也故世以來此典廢矣若今之長老以齒尊于鄉而鄉于
子弟敬以將之思致其尊事之禮其猶古之遺意與葉翁蚤歲
礪名行潛究墳典師少師張文忠公振譽士林將應貢厄於數

奇執經問業者集其門教成道尊為後學所宗式家雖貧處之恬然坦夷曠達不累紛累而操履論議一無所依違侃侃有古風節課思章君學每語人曰吾生平齟齬繼吾志者必此子不知者或以為迂而知翁者則愛之信之乃今思章君同予弟姪輩取科名饗用駸々未艾而翁觀厥成躋大耋行且膺貶章之錫噫此豈出于倖致者哉夫人幽顯通晦固錯然異也然要以始終織鉅酌答若取若授無不稱施其蹈德致應殆有然矣翁懷奇不試于用優游伏臘以全其天年庶幾古初渾樸之風思章君既眈道好古用以彰翁之教而究其未抒之志譬之巨靈完璞雖不表六于世而發祥鍾美所以假施者有在此非徵

徵于人而必于天者耶夫天者命之本養者壽之原其所以綿
引而靈承之者則由于令善焉翁自壽以道而允祚之昌仁孝
之報又以壽其世澤所以昭善慶為鄉邦勸者將揚述于後先
而耄期不足以盡之也予于翁為比鄰兒輩同思章君游雅知
其父子之賢茲于諸同志之請竊占古礼之行於鄉遂敷張其
詞以申初筵之祝

江心孤嶼記

甌郡環九山而城志稱九斗城址枕江江之中浮大洲為孤嶼
有江心寺嶼東西初兩山分峙中貫川流為龍潭同名中川川
上有小山即孤嶼也西山故並菴禪院樹塔宋時有蜀僧清了

說法相傳龍化化聽法了隨投土石室潭睽兩山創今寺東西
相距三百餘丈距郭里許城所跨華蓋海壇松臺諸山星列屏
展于前宋高宗南渡嘗駐蹕寺中御書清輝浴光四字江心故
挿捷為塘歲久海潮衝啣予弟暘德甫乃甃以石中為廣障登
障入寺之鉅麗甲於叢林故有門廊及鐘鼓樓頃發予弟為建
沙門仍甃兩廊甃鐘鼓樓金碧璀璨榜曰龍海珠林沙門之石
為文山先生祠宋德祐中先生航海求益廣二王所在至甌過
江心有乘潮一到中川寺之句今鐫于石文祠前為浩然樓建
自兵憲江東吳公自新左為卓公祠祀皇明戶部侍郎忠貞公
敬公死靖難初私祀郡里萬曆太守蜀衛公承芳奉褒錄遺忠

詔擇祀於斯以配文山又左為孤嶼亭石刻謝公像劉宋謝靈運守永嘉游憇蹟也詳具詩中越亭數武為澄鮮閣迴瀾閣瞰長江有二岩屹立波心當閣前由閣折而西為西塔踞山俯江勢巉岩狀焦山東塔則盤紆曠曠望掛綵諸峯如挾浪浮動僧廬環塔外波光搖漾秀色漉濛若蜃樓起海上焉夫嶼之境林木交蔭殿閣輝敞浮屠挿雲表如瓊戟莊嚴麗于人天獨浩然樓峻竦洞達坐其中滄波可吸千峰森前飛帆拂樹與雁鳧相逐孟襄陽所咏眾山遙對酒是也嶼之景四時朝昏風濤烟雨變幻多異狀獨潮平月明之夜水光若鏡一碧無際漁火起青蒲中如冰壺濯魄謝康樂所咏空水共澄鮮是也諸山水名

寓內者得詭異則奇得名賢則重蓬萊方丈為仙靈所宅世固以奇目之若忠賢偉士生死關於元化所托跡降神之地流風不泯後之人想像慨慕彼山若水遂以擅名千古無論方輿紀載即吾鄉土所觀記者嚴先生祠於富春岳武穆墓於西湖論者謂桐江一磯維漢九鼎鄂國一丘表宋千秋此地之重以人者羨羨奇也孤嶼類仙山所稱清了說法空潭與文殊幻現戒龍諸語概於詭異而仰止先哲文信國以留寓廟食卓忠以棄粹錫祠英風遺烈若御洪濤而行天日障迴瀾而屹砥柱江之山水增其高深視夫峰泉澗壑歛靈而標異者殆殊別矣嗚呼大千曠劫靈谷遞遷自有孤嶼以來佛廬臺榭其興而廢之而

興者吾不知其凡幾獨忠義在人心萬古不死而論世尚友則
觀感而興起也既為文獻邦孤嶼為靈區乃今忠賢俎豆相望
於間其振風聲昭物采者足以庶頑立懦而為世教所俾賴也
豈小補耶予林居多暇日過江上喜無扳涉之勞而遠煩囂之
隔且幸諸廢奩舉有所托以不朽因次其大都為記將以貽之
大方採而志于名山庶知孤嶼之所以重者有在也

文氣磅礴如洪潮巨浪一往無際而其中迴環曲折又一絲
不漏真所謂巨筆鴻文足駕八大家而上之廣堯誌

仙巖記

永嘉之山惟大羅最鉅礧礧數十里其西麓為仙岩圖經所稱

天下第二十六福地界永瑞兩邑仙岩有寺建自唐貞觀僧慧
 通後廢至宋相傳陳氏宅茲村忽聞地下鐘鼓聲復捨宅為寺
 時有僧安楞嚴常據石說法有虎俛聽號伏虎禪師大啓法場
 宋儒陳止齋先生讀書其中朱晦翁嘗來訪手書溪山第一表
 之茲山群峯環抱為壘惟空其西外通大河中有小溪梅潭水
 奔瀉往可舟今沙石淤塞矣寺前石坊榜曰仙岩由石坊折入
 為虎溪橋之南屹然而聳者為慧光塔昔傳有銀漢飛燈之
 異塔東列石幢十餘故有僧舍名外菴今廢過橋而北則止齋
 先生祠在焉前瑞邑吳門劉公畿作也祠後高峯數十尋巔以
 蘿薜望之鬱然為積翠峯由止齋祠東從有沙門有佛殿環列

獅子峯卧象山於左右制甚偉敞則重建於國初鎮守內臣歲
久敬懷余兄弟經畧新焉出佛殿東行數十武夾植松為徑蒼
翠蔽虧僧道熹面徑狹一菴扁曰叢林佳趣前為方丈後為清
虛樓之後駢植花卉亭面之曰挹芳左方有舊菴今改為安禪
所由舊菴東折而北有門翼然額懸晦翁所書溪山第一行前
數武有古榕樹根蟠崖上重蔭交翠其下甃石為臺嘉樹臺之
之東引澗為流觴亭水環駛流觴仍注為池之廣數畝多種白
蓮郡丞區公益資寺僧作亭池中區別號西蓮予署亭曰憩蓮
歷流觴澗循崖稍北躡級而上為翠微巔之側有石如屏刻宋
侍郎姚公揆仙岩銘嶺前為仰止亭面止齋先生讀書臺之表

西崖高處有石如砥方數丈旁鑿小石盥池水盥手則止齋擔
蹟也由仰止亭北行入梅雨潭之東多異石有洞如室盤旋
而通潭口名通玄洞之背有澤潤亭建於小師張公文公忠
潭在茲山為最勝回顧若壁峭立瀑水飛瀉潭中空濛若細雨
潭口兩巨岩相掎中間空處簷亂石堆塞今脩平為磯名噴玉
磯可列坐二席磯上對瀑如從竈門引首自內觀天也上為昇
仙巖相傳昔有飛仙其上者面巖俯潭為振玉亭建自瑞令余
公世儒越潭之東崖循澗而上為三皇井煉丹井黃帝池其義
未詳蓋幻迹云再上為雷潭潭深邃莫窺其底以巨石投之若
雷鳴雷潭之上有龍鬚潭以水懸布故名由二潭西登有白雲

上方菴僧熹所構乃伏虎菴故址菴之上為為玉函潭去梅雨潭凡三里許游人率至此而返為仙岩絕境云寺故有田若干畝及碓若干杵嘉靖初廢去游人鮮至即至者無駐足所覽勝弔古罔不興嗟予同仲氏陽德甫圖為脩復時僧熹方入定上方因命其住持仙岩資葺舊緒理諸勝視昔有加矣夫茲山本為妙境無接涉之勞有幽邃之美自為予兄弟所治而登眺宴憩之所游者賞心顧自迄今泉石依然而風聲流布百世之下則于止齋考亭之蹟有遐思焉予兄弟脩舉名山固以遂乎微好而仰止先哲亦將致其尚友之私哉

仙岩游雁山記

明嘉靖二十六年歲次己未孟冬月五日

東嘉為山水郡雁蕩城鄰赤城奇勝擅於海上四方好奇之士
游者踵至予嚮于琴俗未獲投足嘗從友人訊問則訝而謂焉
嘉靖甲子予自荆西謝藩政歸喜返初服乃以秋九月既望裹
糧游雁山道遇靈谷朱長公靈谷世家蜜巖故為州大夫性好
客因循揖予曰君茲游吾相遲以矣可無吾為前導乎乃偕予
行歷蜜巖巔芙蓉巔四十九盤巔攀緣絕磴至能仁寺左有
公館因宿館中旦日雨後出錦溪觀大龍湫頂上有湖廣數
十畝澄湛空濛蜚雁郡止故名雁蕩然峻絕游者間至湖水懸
瀉崖口為龍湫高千仞隨風飄練映日射虹奇變殆萬狀諸峰
森羅而剪刀峯為最巽出龍湫三里許有雁山書院故太守蕩

南先生讀書處也。出書院過馬鞍嶺五里許有靈岩寺。前後
峯巒奇峭肖形而龍鼻水為最奇。兩崖空洞有石蟠蜿狀龍隱
然爪拄地而首垂鼻端。兩巖出泉洞。右有飛泉為小龍湫。出靈
崖五里許有靈峯洞。兩峰倚插中幽邃敞朗。僧入版屋居之。洞
口盤磴有臺。予宗兄玉泉君琛以朱闌凭闌。而五老諸峰挹于
掌上。出靈峯十里許至石梁洞。洞幽深略似靈峯。而石梁懸亘
如長虹卧壑。蒼翠交映。徒倚梁上尤稱奇觀。出石梁有石門。潭
近南閣。章氏族故尚書恭毅公居也。出石則門則漸入台境。游
者率至石梁而返。予歷觀諸勝。循筋竹澗白嶺。望復至窰巖。別
來長公旋行。登舟過館頭渡江歸。往返僅八日。夫雁山稱奇古

圖經未載相傳發於唐僧諾詎那而王忠文章恭毅託跡於斯
設者遂以不朽然則山水之名蓋籍乎人哉願茲山以幽阻而
通孔道輜軒行歷供應者苦之前令潘簡肅存雁山志謂以游
疲民民將疾視其山目為尤物盲哉斯言游者可以鑑矣予寤
寐是山屢發游興以煩勞畏止頃遂投閒乃以芒鞋野服杖策
於龍湫靈岩之間所至共樵牧禪客混跡忘形問竒探秀不以
輿廩擾於郵人庶幾山靈我與而為茲山一解嘲也游歸友輩
相訊因次其道里紀其歲月為記將以先夫嗣游者云

陳叙次詳明議論闕偉真名文不朽廣堯拜誌

仙巖止齋先生祠記

仙巖山川水之佳甲於東嘉宋寶謨閣待制陳止齋先生故有
祠在沙門之西卅年寺廢林壑湮蕪祠亦漸圯嘉靖甲寅吳門
羽泉劉侯令瑞邑偕予遊仙岩展謁祠下覽勝吊古躊躇歎歎
因就予言曰梵宇弗葺寺僧之積也先賢俎豆幾委草莽有司
其妄辭既戒僧徒稍理廢墜而以新先生祠為己任度時經費
鳩工飭材中為堂五楹奉遺像繚以周垣冠以臺門仍榜曰止
齋祠前臨清溪旁蔭松栝凡由虎溪橋入梅潭者必道祠下望
之翼如美瞻壯觀於茲山有光矣走書屬予記其事予考邑志
先生世居對村樂梅潭之勝而卜廬焉四方學者嚮風戶屨日
衆因鄉先生薛季宣過訪聞參倚之說惕然者省悟乃盡棄其

舊學追從渴上而所得益深故曹叔達校序先生集斷自乾道
 丁亥謂是時先生學成道尊而其文可傳蓋指梅澤卜棲巖也
 然則先生德業文章兩稱粹美雖由天授以學臻不無得於環
 山之助其祠於山巖也固宜嗚呼以先生所蘊負所論著使遘
 逢時會晉陟亨衢即震世事功可立致者顧遇暗主淹下僚甫
 承召命而擯斥隨之兩宮未調引裾切諫匆匆下殿竟出國門
 亦良可慨哉然天先生之學雖不盡用於時而經綸緒蹟垂憲
 後賢製作餘芳沾溉來學今去先生三百餘年誦其書論其世
 亟欲起之九原而不可得古人甘棠枯竹之感猶致於愛於託
 過之迹矧名賢藏脩之地乎吾以是知斯祠之新不可已而劉

侯於簿書之暇敦崇令典其賢於俗吏遠矣侯名畿字子京與
余同舉庚戌進士將命徵文者黃鵬南包潤卿皆託居茲山而
樂相厥成者也予書其遷牲之碑以紀歲月因為迎祥神送神
二詞俾歌以侑祀焉詞曰
紫雲兮絳霄總文鸞兮逍遙忽衝風兮不見復鳴佩兮林標瑤尊
兮雕俎儼冠裳兮來下撫末俗兮澆漓恍無言兮誦古林霞兮
夕霏紛淑景兮依依願怡情兮桑梓獲終祀兮無違龍吟兮
華輶鳳舞兮文駟服翩兮降所旋天樂兮夷猶手遺經兮色
笑攀桂樹兮暫留松窓兮梅戶瀟灑兮塵不敢隨神歆歸兮何
之羗同心兮帝所林荔兮澗蘋采薦兮日新節時事兮戀德願

陟降兮孔頻

清深爾雅當行文字 虞堯拜誌

王謝祠記

吾甌山水郡也古昔吏甌者多名賢晉為王右軍南宋為謝康樂皆以治郡聞郡城之東里名墨池語傳右軍洗硯處里有右軍祠建自前守文公林嘉靖甲午拔於颶風將新之眾以其址湫隘弗稱先參議陸翁相地於華蓋山之麓重構祠專祀右軍仍故也迨前守龔公秉德廼合祀康樂榜曰王謝祠頃燬有司以時詘未遑舉復萬曆庚辰吾里人群造西華子及予第暘谷子曰君家以義舉廢既種之矣乃名賢俎豆遺置榛莽可無念

乎予兄弟惛然謀之遂命工庀材因故址為堂三楹貌王謝兩
賢像前為門翼以耳房繚以周垣瞻之竦然煥然按傳右軍名
羲之晉司徒導之從子年十三謁周顛器之起家秘書郎為
右軍將軍歷守永嘉郡嘗為書貽殷浩謝安條列數萬言皆經
濟大畧感時引遯樂會稽山水終為康樂名靈運玄之孫也性
穎悟詩文擅一時頗曠達逸不檢朝道嫉之出為永嘉守踰年
以疾去嘗恣山澤游為孟顛所中史氏文致而尚論者識其誣
夫右軍雅尚養性雖托為清真而志在明哲讀所為誓墓文所
謂鴻飛冥冥弋人何慕者康樂仕元嘉之朝而負才傲晚誦其
詩如曰韓亡子房奮秦帝魯連恥意以忠義自許而昧於遵晦

此其終始之際兩賢才同而識則異矣若綜其治郡之績世遠
 雖莫詳而任敬序郡志嘗曰永嘉自東晉置郡以來為之守者
 若王羲之治尚慈惠謝靈運招士講書由是人知向學民風一
 變蓋並以循吏稱而聲蹟流播泉曰墨池堂曰夢草坊曰康樂
 民至于今稱之兩賢遺愛則足徵於百世也合而祠之豈惟揚
 江左之英華所以鼓芳風而成令典於吾甌山水亦尚有耀哉
 祠肇舉於余兄弟而里之耆壽陳君文奎姜君銓董其成有司
 歲以六月致祭余為之記而侑以歌曰 華山峯兮城東濬清
 源兮流淙鄰太王兮啓秀疏靈境兮祠宮灑墨花兮飛霧茁池
 草兮春融撫遺編兮玉燦攬文纓兮雲中恍蘭亭兮色笑儼五

馬兮玲瓏相瑤尊兮雕俎互賡咏兮摩空羗遙歸兮帝左並道
遙兮閩風想山陰兮羽化悵孤嶼兮鷗濠肆明薦兮時惠願陟
降兮攸同

王謝二公儒雅風流百世瞻仰而泚吾甌則文章政績流洽
人心久而不忘此作典確渾厚而事實詳核論斷有合讀之
心怡而手不能釋也詹堯拜書

瑞麥堂記

夫明堂貴五穀而賤金玉卻祥瑞而尚豐年豈不以稼穡小人
之依穀粟民命所繫哉故思文以來牟碩月令以麥秋記周書
以嘉禾名春秋於有年特書若潁川漁陽諸循吏率稱禾秀連

穎麥穗兩岐以為惠政所致其與蠶魚花卉間見禎異輒相咏
歌以誇詡一時者不侔矣永嘉為浙東僻壤故稱樂土頻年物
力殫賦役罔均民蓋盛之然憊矣隆慶壬申歲當大造黃籍
適南昌蠡湖伍公來為令甫數月而邑大治已乃詢民瘼考治
原知里甲偏累之為民病而前尹丈田之籍可因也慨然稽田
平賦與民更始無何邇邑清通鄉以瑞麥來獻一莖連穗者數
十本眾以為豐登之兆德政之昭公謙讓弗居奉職逾謹於是
兩庠博士暨諸生請以瑞麥明名堂而屬余記其事余謂天人
之際勢雖曠而機甚神機何在心與政是已政運於心心通於
天天自予民而徵於物應感如響施報以類有不可誣者蠡湖

公銳意新政為民興利除患民心悅矣民心悅而天意順和氣
洽于郊原休祥見於嘉植即即指瑞麥為平賦之徵可也嘗稽
邑志前此平賦者洪武初有鳳陽梁公成化間有姑蘓文公兩
公明德休功昭垂永世余竊嘆方今民賦叢孽百孔如積垢沈
疴安得賢明令長如西公者一振滌之乃天今天錫循吏以甦
民困驩欣交通而天人協應殆非偶然之故矣堂標瑞麥願謔
天心將無一念不在斯民也念勤而志勵志勵而政脩政脩而
譽章異日應簡名握要樞以宰天下舉平賦之道措焉爾豈有
他哉夫致中和而萬物育脩五事而庶徵應瑞一邑而天下兆
此諸生祝頌之私亦吾儒體用之學也予記之以俟外史氏采

焉

鴻文巨筆垂之不朽 賡堯敬書

靜宜閣記

半山故有墓廬先公移構今址山人家食借仲氏陽德甫讀書
山中累寒暑十五年培滋松竹治溪上亭臺諸景稍之成名區
入仕以來林境荒寂墓廬間戒脩葺而諸景烟廢則置之矣萬
曆甲申秋予兒蘊有事茲山適山廬為風雨所壞山人感念前
緒命因舊新之脩復澗溪諸蹟而谷口滙水為池環以石塘浮
舟于上視昔則創觀也越歲林木交蔭庭戶薰芳兒蘊率孫言
藏脩於中山人數過視兒以燕息無所廼於舊廬之側闢闢地

為軒需子坐卧問名於山人山人名曰靜宜闔夫靜之說二有
外境有內境故厭紛惡囂而屏跡絕俗山栖川觀自足於閒寂
之樂外境也黜聰去蔽而滌慮澄源虛明順應以復吾純白之
天內境也外境靜以形內境靜以神先外而遺內將馳于轆擾
如釋氏之禪定一念不持或恍然而不知所歸先內而兼外將
形神之俱忘雖應煩囂而不為溷雖身勤苦而不勞聖賢之所
以為學蓋明此也孔子論仁曰靜而樂山其理壽諸葛武侯論
學曰非靜無以成山人老而思佚寤游故山意竊靜以長年而
孫子輩方樂群脩業期以致遠靜之說尤不可以不講也是為
記

字之理解而生平德業寔與之相符而不虛也

羅浮林氏為東嘉茂族自其始祖元一府君九傳而至壺峰公
閣啓先緒敦義好禮會宗人新始祖祠又會期公子姓作王考
觀山翁考東厓公祠並享以壽祠復相故居之側闢地作家祠
為身後許旁植亦木日偕昆朋宴聚其中予嘗謂公善於貽燕
一日走書屬記之惟昔先王範俗道民莫先于禮而禮追本始
尤莫先於祠祀豈徒隆儀節哉夫^世之人無問智愚老幼示以
先人之像則昧然以思過其墓則愀然而戚其感與思發於天
性然也性非外至然必感示而發故祠祀之設所以教民孝謹

而率之敦睦雖其制或不合於古昔而合於人情揆之先王不能易也壺峰公既專祠其父祖身致孝敬而家祠之作又思以孝敬迪其豫子傳之無窮割田需祭薦主於通孫而申以訓誡凡所創置預儲脩葺條理曲至俾後人知所遵守嗚呼公之所式穀而垂裕者赤微且遠已祠之堂揭曰愛初彼飲與食日所用也而持杯執已也必祝始為飲食之人不忘初也公愛其生長之故址卜祠於斯隱然聚族之謨而基緒肇貽勞勸憂惕則自公始今之子若孫咸法稟承矣嗣是曾玄而下繹思創累之勤作求增脩視其初弗替將世二服禮而聲稱于家邦於風教豈少裨哉祠成于隆慶庚午冬十月中為堂三楹旁為兩翼廳

外為門又為垣門通故宅之衢制軒敞而爽峻悉公所規畫也
 公名祥字時簡例授散官以行誼表于鄉予室人為公從女弟
 子蘊婚公女世泰姻婭樂其請為之記若祠田畝日友子派分
 屬語詳于公所刻副碑記

平陽府彭公去思碑文

多下是即義行

嘉靖歲乙巳浙大饑甌為甚公私交誑黎庶嗷嗷米價之踊朝
 羸而暮增菜色鵠立之癯相望于道維時見湖彭公令平陽目
 覩民艱惻然而慙感焉而嗟曰饑饉荐臻厥惟天災百里之命
 予實寄之是之弗寄恤而祿于止瘵曠孰甚焉廼振廩勸分節
 供縮用凡為荒政者罔不脩舉已而設糜粥擇邑中諸區布令

而聚食焉民之羸老者困瘁而幼少者咸駢首曳足賀之然來
朝斯夕斯饗殮以給歆之更生矣是秋邑大稔流移安集民狎
於野嬉游于閭里相與歌曰昊天降凶奪我民食萬室罄懸朝
不及夕匪公惠施久矣溝瘠譬彼涸鱗迎波以適亦若槁苗得
雨而殖凡厥餘生維公載錫樂爾婁孳恩斯無斁予于公之救
荒得於聲聞者若生此無何公擢水部郎以去邑丞張君過余
而言曰我令長公之惠茲邑也民愛戴之歌舞之矣將圖不朽
以昭去思而或者謂糜粥之施於荒政為細則何如予曰嘻是
惡覩所謂大者哉夫政無擇纖鉅擇於時與不期多寡期於厄
枵腹待哺簞食勺飲而死生以之民之困棘何如也興發補助

雖為令圖而施之困瘁則迂緩矣矧宋人青州之政活流民數
萬至今猶為設美孰謂施粥為細舉乎斯役也予蓋試行之即
陽之民回稿起悴予雖未獲覩然以吾鄉揆之則可占而知已
於乎彼方苦於飢瘡也已不有其身乃今耕作安堵飽嘉福而
沐膏澤咏歌之不足且因碑以志思若大田良邦之民所以報
答其上斯固情義之不容已而公徽謨偉績洽諸民者且以聞
於朝其大而可遠述遠而不忘者將有在也茲舉也豈獨為荒
政紀哉遂書以表於石

不瑞安尹朱公遺愛碑文

嘉靖壬戌秋吳江朱侯奉命來知瑞邑越四載政平教興以晉

秩行邑諸生林森輩謁予文紀于石余惟侯向朴而寧壹尚德
化不求赫々聲茲非侯意也諸生進而言曰先生誠知侯矣何
以志吾思耶侯整民以礼守官以介撫字行於催科教化先於
誅罰惟廉惟明惟勤惟惠播之歌謠聲聞朝宇誠不待紀而章
若夫經費裕民以貽窮海不背之利則吾鄉口碑而欲藉于不
朽者敢為侯頌之瑞海邑也多業漁籍漁者額有稅董於河泊
所歲久弊滋海上可漁之地雖隸于官顧侵漁者眾官稅多通
彼私籍者所入埒公稅率隱匿不上聞侯預廉其弊因諸生言
仍諭諸鄉民涂子潛等遂盡籍海上諸菴地定為稅若干歸其
事於邑按期輸納不煩所官督徵而稅可坐集且倍於故額凡

築堡犒師諸費咸取給于斯土其事于代巡龐公公嘉其議用
著為令仍疏葺河泊所官公私胥快利我瑞民甚大胡可無紀
以告將來乎予惟先王經制以澤之利固與民同之然歲有厲
禁後世澤虞水衡諸官要亦微綜利權以資國用侯茲舉集眾
議而斷於心取海隅自然之利以應家公不時之需又除沉冗
員而為國節費蓋酌古而宜於今日宜士民之澤思也竊念封
建廢而郡縣漢為近古慎選守令久任以考其成當時稱循良
者迹其政蓋若慈母之於子汲之焉興利除害燠休而撫摩之
百世之下案牘如見今去古逾遠長民者或矯情要旦夕譽以
冀遷陟見幸矣不復顧民疾苦為經久計因循故習於弊之所

積昔人所未行者雖心知灼見或虞怨謗之格輒諉于法不可
變如是民亦何賴哉朱侯之治根諸誠恪興利祛蠹足以垂賴
永久于茲可槩已侯名霑字某別號頤貞今遷廣東惠州府倅
遺愛碑於城北之江滸予為記系之詩曰聖人御極憲天
普仁四封分職維以保民凡厥司牧職專而親吏習不古仕多
為身溫之朱侯克間民麗養士惠農戢奸釐弊官府如家頌聲
四起鸞鳳雖和甘棠蔽芾飛雲之涯浩蕩峭峙我侯蒞止化格
鯨鯢崇文獎藝訓言惇惇澤遺渤海泊比芎波在昔循良卓稱
龔魯名譽彪彰卒登政府侯陟南邦風清海宇遐繫民思豈惟
茲土

茲土

嘉祐初年朱侯克間民麗養士惠農戢奸釐弊官府如家頌聲四起鸞鳳雖和甘棠蔽芾飛雲之涯浩蕩峭峙我侯蒞止化格鯨鯢崇文獎藝訓言惇惇澤遺渤海泊比芎波在昔循良卓稱龔魯名譽彪彰卒登政府侯陟南邦風清海宇遐繫民思豈惟茲土

玉命園附集卷之三十六

王叔果半山藏稿

族孫廣堯寢真子謹鈔

雜著

與用敬姪論調息

予蚤衰而多疾輔以醫藥久之屏藥物日事靜攝居恬養時取
參同契諸書共族子用敬論而訂焉間語及調息日久試習之
宅神于內而遺照于外庶幾惺然覺也因感而言曰夫息之調
豈區區脩煉形氣為哉莊子有云古之真人其寢不夢其覺無
憂其食不甘其息深深其嗜欲深者其天機淺天機之真候為

息至靜而至虛至神而至覺者也不為欲所乘則其氣自伏其
息自如養生家所謂齋戒為信解安處為閒解存想為慧解坐
忘為定解四門神通神為神解莫非息之調也或謂調息惟老
而佚者宜事之非進脩者所當務予曰不然人之多思多智多
勞奪于中而化于外其息散逸而莫羈矣水潛為五精火達為
五臭木盛為五色金寶為五聲土滋為五味化生之在天地者
不可窮人之一呼一吸其氣之乘乎五行者息為之也故能澄
之以無應之以虛舉形聲息味不以滑吾之息則居身者可以
清心寡欲用世者可以省事守儉而清淨寧一之福豈惟衛生
長年已哉莊生嗜欲天機之語程子嘗善其言朱晦翁晚而齋

居取調息以自箴予方習靜功且味乎息之調庶以養和心靈
為葆真之要旨因次其論述銘于座右彼曰爾默之爾冥之爾
毋以堅白鳴則為說具在亦何敢臆云

家誠論一

客有問于予曰堪輿之術有之乎予曰有之客曰福善禍淫天
道之常使必驗于一山一水是反其報施之理也予曰子之論
然矣顧人之挾是術行于世者所過丘墓曰某也吉某也凶某
也多福某也多禍無不奇中者而可謂無之乎客曰唯之願先
生終其說予乃析衷所聞而喻之曰地理之說吾不知其始而
易云山澤通氣詩云相其陰陽考經云卜其宅兆則其理固已

講于古矣然非以徼福於天也及晉郭記室持其說索李楊曾
接踵而出而其術始重於時大都以勢之變化氣之聚散濟以
時日孤虛旺相以為吉凶之應世之人尊其說而不疑謂可以
福其身及其子孫甚至懷覬覦之心而萌攘取之計畢其智力
圖徼福焉噫斯其術之流不為世蠹哉故孝子慈孫於其平時
擇慎擇善地候土而驗氣一旦有大故則奉安親之遺體以致
其慎終之孝程子所謂戒避五患朱子所謂必慎必誠不致少
有後日之悔者庶幾得之矣乃若福蔭之說死者既寧則生者
自昌昔人謂由根達枝殆亦理之不爽者也雖然易言殃慶而
必本于善不善之積堪輿家有為先天人八卦後天八卦之說

者蓋本諸易使其地吉矣時曰善矣而後人不蒙其福凡此皆
冥之中有以使之由不積德之故也故人有令德然後神以吉
地界之界以吉地者即天之所以報善也語云好穴在方寸間
脩德以俟天擇地以盡人亦存乎此心焉耳問者聞予言諾而
退中醫節言或常金言法慎言言以善去醫前命是又言其
孟子曰子路人告之以有過則喜周子釋之曰有今人有過不
喜人規如諱疾而忌醫寧減其身而不悟也予謂非忌醫也忌
人也人者父兄弟親戚朋友之謂也故風寒暑濕得之外感
者無不可對人言何諱也惟縱使怨怒出于內傷者言之恐貽

父子兄弟親戚朋友非笑故諱之夫諱既諱之則醫者得以轉
移其見強者劫以霸攻之劑弱者擇以活套之方其生者幸而
免耳噫惑也甚矣蘓長公曰醫之所謂明師者天下蓋一二數
亦因其長而護其短耳吾有疾求療必盡告其所患使醫者了
然知冷熱虛寔已定於中然後求診則脉之疑似不能惑也故
雖中醫治吾病常愈旨哉斯言可以為忌醫者喻矣又嘗見病
家有方者旁延群醫之來爭神其技發以盈庭之議而投之負
角執之方不將以身命輕與人試哉夫病由漸致脉因病遷醫
非虛扁末可以神異效也歧伯對黃帝曰臨病人問其所便又
曰必審問其所始病與今之所方病然後各切循其脉視其經

絡浮沉以上下逆從治之此非習於風知深與乎與者不能也
故曰求醫於平時默驗其工拙又曰病不服藥得中醫度幾吾
夫子慎疾之意云

王子性嗜書少從先大夫官部署京師多書稍之購收之越二
十年而王子守司馬部京市人故購書者間存因持以售復稍
稍收之比仲氏宦吳中所見新編必旁覓寄亦積之得數千卷
林居多暇乃次其甲乙藏之齋中或謂王子曰君於百物寡嗜
矣而於書係戀若此無乃癖乎王子曰誠如所謂雖然願有聞
焉司馬氏曰積善以遺子孫未必能讀予非不知之也見公卿

貴人家蓄珍竒古玩不曰商周彝鼎則曰漢晉名蹟覓以不質
之直飾以無根之稱銜觀而誇賞畀之子孫既以役其耳目而
侈其心志久之或鬻於人或攘於有力者所以役耳目而侈心
志者轉相無已也若書之為用取精而載道無論六經諸史即
百家眾藝以至稗官小說莫非生人之耳目心志所賴以推廣
也故上焉者會理道融法象窮天地人而為儒次焉者獵英華
博今古將廣幾乎作者又其次循習章句講解名物亦不詭乎
大義士又君子隨其過之潛見見其資之高下無一人可以去
書也即其後不類而或以售易近而覽誦於鄉之人久而覽誦
於鄉人之子孫視彼珍竒古玩之無益於世者相去為何如哉

噫此子之於書頗嗜也抑予又聞之人曰書室者集福之地居
之不見其可欲可以養心便其所適可以養性不近內可以養
神不接外人可以寡過心虛理明可以學文循序有常可以成
業其日用工程又無一日可以去書也如曰必期取科名必習
為文辭而後事書則將日之為噶矣矣書豈可以噶矣視哉

山人薄滋味而微輔以酒故飲雖啻於量日未嘗廢酒往讀書
山中每燕息則挾諸同志旋憩林壑集小酌或流觴澗中微醺
為節以入仕行役退公之暇率與僚友杯酌取歡歸而林栖家
居山游常具壺榼為觴咏由艾至耆飲之節如少壯也迨穉齡

適患脾恙每飲數行輒廢食 輩以為言山人輒飲者久之間
少飲食乃少廢飲輟之復無恙仲氏及內人數舉以告山人既
然其言乃作而嘆曰夫久有所嗜則難於制有習則難於返予
於酒無嗜也以滋味之薄取而輔之以少習之故晚而病之彼
世之溺焉而不返者獨酒為然哉故登壑罔市操奇贏而析秋
毫溺於賄也徵歌取艷恣靡曼以娛耳目溺於慾也墮體敗類
教然而無所拘檢溺於宴安也炫功能取聲譽白日而逞于市
朝溺于榮進也溺為賄為構怨之戈茅予溺于慾為伐性之斧
斤溺于宴安為迷心之鴆毒溺于榮進為陷身之機穽彼其初
以皆以一念之嗜為之遂錮焉而不知返非其家人子弟長慮

而却願肯犯所忌諱而為之言即言之亦豈能必其聽哉故戒
於構怨則儉己以裕人戒于伐性則澄慮以窒慾戒於迷心則
勤脩以勵業戒於陷身則養重以遠嫌庶幾明于自治而浩然
於天地矣詩曰夙興夜寐無忝爾所仕噫此可為溺者訓也

世之言習于奢者其狀非一而大端有三曰室宮室之華也衣
服之美也飲食之豐腴也彼為三言者將曰窮極土木以翔其
門闕而宮室之華為奢之尤要以生人之用與財用之流言之
彼縱于飲食侈于衣服者其盡心而災身未可以概語也夫廳
事容旋焉官鼎鬲而無樓臺古風不可及矣而有力之家美其

垣宇揆之容膝之論雖為無當願為是者度資是而舉量力而
經營且將以傳之子孫雖是其害曰三不得而已而非以禍身
也若飲食衣服之侈大都出于不肖之子弟故口腹之奉日用
有常需也而饜心于肥甘者窮恣意欲酒食徵會于陸海之珍
殊方之品必致而羅之雖一餉萬錢而無所顧惜韋布之素士
人分所職也而儉薄之子騫于藻繪紈綺繡縠之服日異月新
甚而褻嫚之屬亦以美繒為之如俳優之登塲旦夕易其觀焉
夫生人之福有限而飽暖之外八珍千襲無非長物庸人俗子
何足以語此哉頃見舊家之後一二無良率以飲食衣服靡侈
無節頌其世質而僅以身免卒為人所訾議此奢之禍莫甚於

飲食衣服饕餮之戒螭游之刺古訓蓋昭然已故家之為父兄者于其子弟幼穉勿使口體慣習甘美而身所躬行又示以率先之教庶幾養其中才云爾否則子孫之敗度豈皆其性為之耶

讀易家人卦

易家人曰上九有孚威如終吉象曰威如之吉反身之謂也或謂威文辭有孚象不為之贊乃偏舉威如而贊其為反身之謂傳義則於有孚威如而並釋之何也曰觀象辭溯事理孔子之獨贊威如者其義著矣夫家人合離與巽而成卦則合明與順以成德順固所以齊之也夫不巽則無所取齊不明則莫知用

巽不孚信而或以形隙間焉其心戴矣故終之以有孚有孚者
有相愛而無睽違乃家道之成積實盈成之際也積實盈成則
人情安焉而懈弛易生所謂閑家之法言有物而行有恒者亦
皆息而不脩矣故周公於此為威如之戒使人處盈成而知戒
畏孔子又以威如非他乃反身之謂使人謹于閑家而不敢肆
噫聖人之訓昭如也有家者能率而弗失則倫理正恩義篤修
齊之教始于家而達于天下矣

讀道德經

世之議老氏者或曰宗尚無為或曰間涉權術類以異端斥之
噫斯其說皆皮相而影求者也吾謂老氏深於道讀其書綜其

要旨以無為体以有為用以無為而無不為為体用自然之妙
蓋聖人之精蘊也故谷神玄牝之語養生者率附為脩煉然以
天地之根之言之太極動而生陽靜而生陰陰陽之精互藏其
宅以一而神謂之谷神以兩而化謂之玄牝其在吾人也太極
為心之生意為谷神感而動為玄牝生之不息融結為聖人
之仁此其言无粹而非可以淺近窺也若夫作用處大端有三
不過曰去甚去泰去奢而已夫甚也為虐泰也為亢奢也為不
豫噫世之患此久矣能反之而不為蓋以玄言而臻上理也又
奚病於無為也哉

又

禮以忠信為本忠信厚者老子謂之上理禮伯夷叔齊有言曰
昔者神農之王天下也時祀盡敬而不祈福焉其于人也忠信
盡治而無求焉是三皇之世治人事神之礼皆純乎忠信而無
外慕也老子仕周初為柱下史又為守藏史皆礼官也而處於
其位歷簡靈景敬曰王皆事君盡禮年七十餘而後去是又進
退以礼嘗自言欲處其厚不居其薄處其寔不處其華蓋確然
忠信之守也至其子宗始以武畧為魏將而家傳礼學始微其
其非滅倫棄礼明矣故孔子適周從而問禮者戴記諸語皆曰
吾聞諸老聃是已其戒孔子曰君子盛德容貌若愚蓋欲其厚
忠信也他如論軍旅亦欲以喪礼處之而哀恤之情溢于言表

是其處君臣父子倫物之間何莫而非礼何礼而非忠信也蘓子瞻乃曰老聃莊周論君臣父子汎々焉如萍浮於江湖而適相值也果何謂乎今老子之書學者茫然無所究心而蘓氏之說則日接于耳目且浸淫于文士筆墨間矣噫可慨哉

尊德性道問學說

嘗讀中庸君子尊德性而道問學為之說曰道由也言君子尊德性而由問學問學所以尊德性也非問學之外別有尊德性之功致盡極道溫和知敦厚者問學之目也近讀吳氏凝道記曰德性一而學問之目八先我得我心矣又曰尊德性一乎敬而道問學兼乎知與行盡之極之溫之知之問學以進吾所知也

致之道之敦之崇之問學以脩吾所行也是問學所以尊德性也無疑矣問學不以尊德性則問學自問學德性自德性殆口耳而不身心者何用乎問學哉且朱子嘗譏俗儒記誦詞章矣今人學問不以尊德性將不為詞章乎近代陽明先生曰理一而已矣故聖人無二教而學者無二學博文以約禮明善以誠身一也陽明講學何啻萬言惟博約增一以字最有得於孔門之真傳尤有救于朱門之末學也

儉說

世之論儉者惟曰可以養財而宋景文論儉有四益曰不貪不淫可以養德受用省嗇可以養壽清節飲食可以養神無事妄

求可以養氣其為說粹矣夫養德養壽養神養氣皆所以養身也予則以儉之益切於人身而尤裨於天下之風化彼天下所以多事政教所以不行習俗所以頽靡者皆起於奢夫子所謂不豫者是已惟救之以儉則上無越禮下無踰制舉宮室械器以亙衣服諸具雖不能盡復於古而戒其僭侈去其太甚將日就于清寧之治老子所謂無為而民自治我好靜而民自正我無事而民自富我無欲而民自樸者庶幾得之所以養天下人心於和平者儉之為也豈徒曰養財養身已哉齊丘子曰有保一器畢生無壘者有掛一裘十年不做者斯人也可以親百姓可以即清靜之道噫是亦明於論儉者矣

忍說

肯有為忍卦者於古所稱忍語及能忍之事詮叙備矣予每喜
誦之顧忍之文為刃為心之火屬也火廢物而後有形心宰物
而後有造利害之文撓焉使非持以定力吾恐觸于意氣激于
盤錯而能忍者寡矣故文之以忍如釋氏所謂剛云者蓋以研
破凡欲則其心堅定而不以輕發取戾此忍之為義至剛而至
柔其相成者以道也或言忍人所不能忍斯能為人所不能為
要之識人所不能識斯能忍人所不能忍佛子云識得破忍得
過忍不過識不破有味哉斯言也

年下乞醯說

其後諸辭是夫養熟養熟養熟養熟養熟養熟養熟養熟養熟養熟

子曰孰謂微生高直或乞醯焉乞諸其鄰而與之論其事玩其辭夫子亦無所褒貶也而讀者祖朱子曲意徇人掠美示恩之說遂以微生高為詭詐之流此其說亦固矣予以直之義不專於正直即徑情直行亦為直高之為人意其竟直者也故夫子曰孰謂微生高直哉或乞醯焉乞諸其鄰而與之何其婉於用情也夫子之論高似亦止此如曰曲意徇人通其有無以應人求何狗耶曰掠美示恩醯為恩幾何已而耶夫子與人以恕乞醯微第而頤病之不己甚耶記者詮叙聖言先以夷齊繼以微生高又繼以左邱明要皆與之也而豈獨嘗一微生高耶

山名雜說

本草不以養其體也而歸之於地也

山之恃土石草木以崇其勢况而視之歆邪破碎叢雜蕪穢不
可勝指也其在百里外烟朝烟暮靄紫翠如滴橫如蛾眉矗比
螺髻其不以速為美乎江河之流溝渠泡沫潢潦汙濁以益其
委白而許之臭腐垢澆溢濫灌注不可勝道也其在千萬頃間
涵天浴日上下同徹圓光藏珠方景凝碧其不以大為潔乎嗚
呼美以遠著潔以大致弗崇弗益則亦弗能至矣君子觀此置
身之地弗遠大焉可乎道高上為入意其竟直谷山故夫七
夫鯤之為魚潛碧波泳滄浪沉鯤於渤海之中掉尾於風濤之
下而濠魚井鮒自以為可得之儕焉鵬之為鳥刷羽毛恣飲啄
戢羽于天地之間宛頸于江海之畔而雙鳧乘雁自以為可得

而聚焉及其化雨垂天搏風九萬振鱗橫海擊水三千豈借翰
於槍榆假力於在藻資江海涓流之水待土卷揚塵之風哉

豫章產大江之隈干霄拂雲株幹之圍巨蔽牛馬匠氏採之以
備明堂大廈之需其視小卉眾木爭葩競秀者眇矣豐城神劍
沉埋泥土而光芒上徹牛斗一旦出而拂拭之淬礪之用以陸
剗犀象水辟蛟螭與鉛刀效一割之試者殊矣蓄材而含曜於
人也亦然

風之噫於大塊也必有所由起彼其起於青蘋之末離披昉渙
獵蕙披椒以凌蘭臺之上而號為清穆也王公采之以御六氣
萬品以和若乃嶮然起於窮巷堀堞潤鬱邑甌溫造熱則君

玉介園附集卷之三十六

王叔果半山藏稿

雜著下

族孫詹堯褒真子謹鈔

東西二周考

春秋三傳及戰國策稱東周西周王城成周高誘注戰國策曰
西周王城也今河南西周成周也故洛陽今之河南各為一城
故後之讀者難為分析胡傳考之不詳元吳草廬有東西二周
辨按尚書洛誥云我卜澗水東澶水西惟洛食我又卜澶水東
亦惟洛食孔安國注云澗水東澶水西王城也朝會之地也澶
水東下都也處殷頑民之地王城在澗澶之間下都在澶水之

外所謂下都即成周也以此參之王城成周自是兩處明矣昭
公二十二年秋劉子單子以王猛入于王城公羊傳曰王城者
何西周也是年天王入於成周公羊傳曰成周者何東周也成
周在王城之東故公羊以為東周襄弘以子朝為西王茲說考證詳
成周之西故公羊以為西周襄弘以子朝為西王茲說考證詳
晰足訂胡傳之說矣近代即文莊曰天王入于成周下都也既
入成周矣曷不遂入王城子朝之餘臺在焉故也噫文莊斯言
亦核矣哉

於此蓋真名

王詳晰

王介恒山考卷之三十一

蔡氏註禹貢恒山在常山郡上曲陽縣今定州西曲陽也常山
今直隸真定府曲陽屬屬之我會典載祀北岳恒山之神蓋廟
曲陽云然廟曲陽平地謂恒山飛來石在焉非恒山也恒山在
今山西大同府渾源州南二十里舜典十有一月北巡守至于
北岳者此有蹟焉飛石窟是也蔡氏引北岳廟為北岳山知有
曲陽不知有渾源者蔡氏宋人也宋與遼以白溝河為界所謂
渾源者屬山後應州石晉賂遼已有之矣非宋有也蔡氏不知
也我明一統五岳氣完勢強寔萬世無疆之休然而載祀北岳
恒山之神猶曲陽云弘治六年馬端肅官大司馬嘗題釐正廟
祀乞廟北岳之神于渾源恒山故址移曲陽之祀祀焉豈非欲

禮之脩天下復見五岳之盛即當時典禮者乃尼馬不行而弘
治末年所脩會典猶仍曲陽則不知何說也

書小塘承考卷

予偕對峰張子卒業南雍寓雞鳴山房數相朝夕有臭味焉詢
其世知喬出古城蓋饒之著族也張子間出小塘承考卷以示
且曰斯卷之作紀往而詔來吾世家弋溪之上有塘而洲居其
中宜于祠吾先世有志焉而未遂也適乃得于里之人而祠建
焉祠成復輯宗譜定祀禮撮其略為卷願子為吾志之予撫卷
而嘆曰張子其知易哉夫闡揚先烈得盡之承得祠統宗得萃
之極酌義起禮得節之通託譜傳信得同人之辨故曰知易張

子又曰何以最我子曰易之義則既脩矣請得而繹之夫蓋以
 意承稱有子矣而又厲之為戒先甲後甲聖人所以同於天行
 也萃渙並言格廟要之聚人之道先於本原故觀其聚而物情
 可見矣中正以通節道斯亨節文孝弟礼之寔于是乎在類族
 辨物厥由分殊以通天下之志斯大同也苟于宗而吝焉其何
 以廣吾萬物一体之意噫斯易之所以為訓也神而明之繹而
 行之是在吾子張子間予言有感於同聲之義遂屬以書于卷
 末

彭江樂遺稿跋

舟中見即老存學子才見既生私錄七林秀才祀世表

江樂彭先生歿且三紀乃嗣茂林君珍輯其所遺詩文間出以

示予讀之憮然曰先生蚤歲以文學擅場而所撰著乃僅僅止

才

此豈散逸邪抑志在經濟不欲以藝名耶載稽先生明經起家
授倅永平甫數月即引疾乞歸如太阿出匣未試剗割善鞘而
藏之其于經濟又何道邪予待先生也晚嘗仰風猷參士論而
知其為金玉之君子也蓋先生內宣朗而外檢飭惟恐一置其
身于玷闕故見幾勇退不俟終日其深衷殆未易測者然則綸
經綸文采雖不盡著而本寔既茂即枝葉又何算焉夫閱錦尺
幅知為美繪嘗鼎一臠識為珍味先生篇什不多遺而藻思概
見矧雅馴有矩矱與其行符美而傳可必也茂才君能世其家
論者謂先生有子則志業所未竟維其肇之庶其述之矣

子八朝鮮高麓考

曰是之集俾願舒矣龍君亦勤之夫盡以

朝鮮箕子之封國也漢興燕人滿王其地以俱溟水為界傳三世右渠嗣武帝元封二年殺右渠克朝鮮為真番臨屯樂浪玄菟四郡唐興高句驪朱蒙高氏王其地國號高麗傳若干年喬豫建武都平壤城即樂浪北靺鞨西北度遼水與營接州大對盧蓋蘓文弒之立其弟藏自為莫支離事國莫支離者猶兵部尚書令也于是太宗自將討之濟遼水攻蓋牟城拔之為蓋州攻遼東城拔之為遼州城攻崖城拔之為崖州無何班師終太宗之世不克至平壤至高宗龍朔三年李勣薛仁貴始圍平壤城南涯也平壤在鴨綠江東南則漢朝鮮東南距海西北距江平洲島耳國小而弱故漢取之易唐高麗接營州營州者舜分

族譜小引

世系圖序曰譜不作則系不明序世以昭系一人而百千可以

疏戚視乎

曰其古之

世系圖

序世以昭

系一人而

百千可以

疏戚視乎

世紀序

叙

曰序倫次教敦睦也書生書配書卒書嗣而人道始終

脩矣

恩紀叙曰錫命至榮也對揚考成世以彰國典徵家庶焉

文紀叙曰夫所謂世家者有三曰開先曰垂裕曰濟美非撰述

曷闡焉而內則則家之基也胡可遺耶

年表叙曰年表以考世也吾先世行事宗

元時靡述明興以來

則班之可觀矣

行次名字表叙曰名諱不表則相襲吾宗姓十二傳矣既次而表之仍預有擬焉以俟來許庶繩之秩之可稽也
宅里志叙曰族大斯蕃之而渙勢也吾族居布徙里賦更析亦渙矣著其蹟以萃渙豈華腴夸哉
祠墓誌志叙曰古營室先祠中古而封墓示孝思也不籍而表之何以貽世守
公田志叙曰世田祿者脩祀事古之制也今之制非古矣士族有祭田義田其古之遺意乎
圖籍志叙曰論家世者以文獻詩書之澤濬自祖先而似續衍之文不在茲乎

題思邊將略

將當作集

留守南坡游君以京衛名胄奮迹武科嘗提兵雲朔間於閑塞
之險隘虜情之狡獪戢守之機宜靡不究悉也著論若干篇
署曰思邊集畧綜往訓覈時事其言經武之道詳且哲矣古
之善謀國者若鼂錯之言脩邊趙充國之圖方畧諸及孫武子
李衛公之所著述後世非不知誦習然而有效有不效者神而
明之存乎人焉耳蓋將之于兵善設者未必能用能用者必心
悉而躬試焉譬之醫師之藥人雖嘗討論方書若夫君臣佐使
之宜內外虛實之辨則必以按習而得也游君是錄率鑿之有
倫而得於歷試者居多非徒張口設者今邊鄙震聳當宁拊髀

思良有材如君豈容置散地耶予往為職方雅知君頃同事鄧
中益窺所蘊負蓋武而嫻於文者也旦夕登坦推轂而是編殆
其先資云為醫之醫相之藥入難善博論古書若夫醫之醫
三檜堂卷跋蓋於二十其善詩音未必須風雅也
我王氏三傳為樂善翁之子樵雲公性至孝嘗購三檜為翁壽
因以名堂少保黃文簡公訪樵雲公之子自足公為詩倡咏諸
搢紳各有作容直劉君敘述詳矣時哀次成卷歲久遺失頃族
子進士繼明得之黃田林氏家屬族子玄哀藏焉果展讀終卷
先哲翰藝斐然擅工為之斂容而吾列祖雅尚文行取重名流
亦所謂美而彰也讀已令兒輩錄之藏於家塾二百年故物其

尚寶愛於弗替云

書槐陰集後

先四世祖樵雲翁著詩三百餘篇樂府二十六闋蔚然成家先
正章恭毅公校而序之族祖夢竹公刻置家塾歲久散亡過半
此族子如珪出示家所藏舊本果喜不自勝隨命兒輩校錄重
刻以示子姓夫翁當草昧之餘幹蠱貽燕日不暇給願寄興林
泉研精翰墨即其感遇紀述不惟想見襟度曠夷志識軒卓而
生平履歷固可概徵後之人誦其詩論其世仁孝之心不油然而
生哉槐陰名集翁託意微遠樹德發祥開先有自賦之藝文又
其緒餘焉爾矣

其譜書盧氏族譜後

盧氏先世多顯人侍郎秘監而下可稽也秘監之子英憲侯璿
奮義協忠守城禦寇卒膺封爵列祀典偉哉烈矣其後若雲山
密菴父子或乘時奮庸或隱居脩學皆可謂善繼述能紀綱者
也兵燹之餘空室盧蕩空門祚衰歆自其先迄今殆四百餘生
載而其子姓不絕者如綫傷哉夫消息盈虛天且不違况人乎
興亡治亂國且不免况家乎樂却之貴房杜之賢猶不能保其
後嗣况其下者乎吾溫在宋時多賢達其後無徵鮮有聞盧氏
所可徵者茲譜之存也予有事宋魯山中主盧氏家其嗣孫永
陽出舊譜以示子弟陽德甫為續其世系仍漫書數語以志感

慨且俾盧氏子孫世守焉
短節密收精義微言斷續回顧處自合天然妙作難名

廣堯
謹識

夫會以成礼以合情類則煩則有息心疎則奢則非厚
道要之情礼未協也往同署諸君子宴集率于近冬迭舉事涉
煩瑣眾稱未便今擬每歲四會四司按季而行先期二日遣使
吏奉簿註知當日不再速散堂後即齊赴期畫竟日之飲有他
務則豫告不至者議罰不用劇戲但取歌童三四輩侑觴而投
壺令盤碁局之屬悉陳備用四時之會武選于上元車駕于端
午職方于中秋武庫于冬至司廳擬入車駕會諸君子謂是舉

也有六善為過時必會晴可洽已矣同日釀辦費有經矣不速
而集主則逸矣屏去雜劇侑觴有具燕無譁矣百日之澤乘間
而舉政不妨矣請書載簿氏號具存聚散有稽矣然不可無述
乃屬予言此以引其端云增堂 賦 吟 齊 賦 賦 盡 竟 曰 之 終 前 四
賦 文 情 宕 逸 命 意 閒 雅 讀 之 翩 口 欲 仙 瀟 灑 謹 誌 賦 二 日 賦
意 會 約 味 未 耐 出 蘇 同 焉 能 吞 吞 宴 舉 幸 王 此 去 茲 舉 幸 幸
西華山人曰宋司馬溫公有言先公為郡牧官時客至不末
嘗不置酒會數而礼勤物薄而情厚後來遂極豐腴而風俗遂
以頹弊然則世變日趨於奢靡殆自古已然矣今與諸親約各
依後擬行之有或謂簡褻者未免拘於俗見可弗恤也有仍用

豐腴者是不能以古道相與可弗享也惜福而養財約已以脩
德茲舉也有禘于世風願與諸君子共圖成之

祭七約

喪家祭七乃吾鄉相沿舊習然祭用羊豕奈心窮以為非宜昔
梁武帝于宗廟以麵為犧牲雖非正禮亦是仁心諸葛孔明祭
壚水以麥粉為人頭用變夷風寔為仁術禮天子無故不殺牛
大夫無故不殺羊豕即用之祭祀亦止取其首與四蹄載之於
俎未有舉全體而加席上者今大家喪祭殺牲口累十餘暴於
庭中有乖仁禮且不雅觀况有事祭七者不過姻親族屬但備
一席加設果肴餅餌十數品足矣何以牲為予嘗以是言於家

盖為己他日地也不意乃有家婦之變今擬行之諸大族如倣
效焉亦脩礼整俗之一端也

華翁忠厚積德好義樂施然自奉樸約一如寒士惜福愛物
不欲稍奢其寧靜寡欲如此故今後昆昌熾繼起多賢豈非
勸作之有自來歟

履堯謹誌

果海隔鄙生忝辱世講之本雖未緣瞻侍誨帳側聞高風懿範

神馳而心慕者有年矣頃覽遺家兄書仰見情誼勤懇捧誦竦
動友道之隆何幸于公見耶公天在天下如威鳳祥麟無貴賤
智愚莫不知其為瑞凡引領門下者咸冀一出以慰蒼生果之

意顧獨異焉嘗聞古之稱鳳麟者曰翔於千仞曰不畜於家故
二靈幸出而應文明亦惟聽其游于數澤足矣固不必引置廟
堂乘以園檻而後為國家瑞使鳳麟不愛其靈而輕其棲止其
不為鳩梟所嚇狐狸所侮者鮮矣狂生管窺僭以是論大賢出
處何如當今士習靡敝已極賴公一鎮中流庶幾海內嚮風有
所興起其有裨于名教甚大若廟堂數公素以道德經濟自命
者遇蒼守轍難稍二補塞其功業所就視公竟何如果蒙昧無
聞知者在南雍嘗稟教于南野松谿二先生過承啓誘企想景
光顧未能獲窺寔際何敢妄議飾辭以瀆尊聽然一念向善慕
賢之私頗出於誠惟公俯鑒而督教之庶裨頑懦有所警策而

竊附于私淑之列何幸何幸潔誠展候無任瞻跋

奉宮詹程松谿公

我師暫孫碩膚過歸梓里所謂教成而道益尊身退而名益盛
此天下百世所瞻仰矧門下士素切依慕者情何如耶賤兄弟
辱教至深蒙恩至厚撫臆論報莫知所圖自先人捐出門祔祔
侵顏志意荒落重以道路多警朝野未清故釋服踰年尚依戀
丘壠未敢即出自分迂拙不堪世用甘于山栖野處以畢前脩
永懷不負乃所以終教誼也頃聞頽駕有日即啟躬叩門墻顧
瘡疴病未遂鄙私謹頌人上候敬此致區區

奉方伯胡慎齋公

辭履綬昔曰賦詩下外曰不意

果庸劣下乘伏在槽檻有年矣辱公道眼照臨俯知加鞭策欲
引而納之周行顧偃蹇泥塗方起輒躓然下駕之功終不敢舍
所期奉答知遇以無負門墻者蚤夜勗之而已往家叔諍自楚
歸道公眷矚之勤既及家君并齒賤子千里拜辱感激彌深輒
擬馳一疏以謝海隅寡便竟爾蹉跎踈迂積譽其何以自解去
冬北上登堂祇謁儼然若公臨之初冀公入覲尚得參侍都門
比乃聞東粵之命且下我公駿業鴻名日新時盛行且躋要獵
華以方軌茅社世道攸賴匪祇公門桃李幸也歸舟南下日與
黃文振誦舊息感殊遇望淮陰躊躇不能舍去古人思其人猶
愛其樹况大賢梓里門下獨能無情乎敬勒尺牘以附閭人款

欵不盡之懷伏惟鑒亮
往聞翁持制南歸果通家子也詎當東芻門下方以先人丘壟
之役皇天奔走竟爾瞻違多罪多罪即春釋服當待除北上初
擬取道回明負荆操几敢以區區未伸情事就長者而圖維焉
願內牽沉病外虞魁警未能出門又恐遲延歲月後貽罪戾益
無以自解仰惟我翁德茂儒宗功追作者海內跋寵光而沾教
澤莫不喁喁引領矧先人忝窻年家曾辱交于左右者乎果不
肖無能貽令于親所冀發潛表微以託附於不朽寔惟明德大
賢是賴而因緣世誼想慕名言可以徼惠者莫踰我翁故輒忘

其鄙陋顛哀布狀而屬家兄臣代馳以請伏惟我翁篤念風雅
俯鑒頌誠載筆而寵貺之豈唯賤死子幽明感戢而鶴山先叔
有知亦必以果輩請銘得人而私幸于冥之也冒干鈞嚴不勝
惶悚

答吳繹泉憲副

漢川一別幾易寒暑弟年來屏居野外期息交絕游而于海
內故人則又竊勤寤寐矧知己篤愛如吾丈者乎省中交懽荆
西同事區之缺矣失仰藉于有道者真于古人求之頃聞持憲
浙臺私切慶幸比接敝邑王尹又知旌纛震臨有日方戒走家
力緘尺書以候而高誼不遺乃先辱貺問殷勤誨語如奉面設

契濶之私用以自慰而悚疎懶之狀則惟門下能亮也第檇散
乏材畢志丘壑引嶺吳山西湖有東道主如門下在俟春明發
興擬裏從游握手道舊故及時事度不負夙期爾清風戒涼伏
想政暇燕喜之慶使者報命敬修以謝不敏

與同年劉羽泉侍郎

吾文請告以來弟濶于修問然休戚閔情每因咨詢有聞則以
悵以慰常對妻孥發之恨不能奮飛一頌叙也頃接翰教宛如
面設仕路夙稱畏途有道者明于進退吾文功成名尊而豫膚
養素所謂愛以身為天下者可以託天下靜攝中當得此上乘
矣弟檇散多病畢志丘園日謬承推轂挂名朝章雖不敢效嵇

生自絕於山公竊期保終微尚以無貽誚于梅潭之靈則所以
報知己也

答中丞洪芳洲公

往歲都門獲持誨幄深慰平生願見之私別來曠候方愧疎邈
近舍第差歸顧屢長者存記遠旣德音副以華帙錫踰百朋感
作文集身惟公望峻道尊善類傾跂跂比聞開府東省運際休
明振鄒魯之風聲樹姬孔之猷業固海內所共引領匪獨鄙人
區區之私也不佞自分疏迂甘心肥遯然不敢自惰棄冀少展
效於族黨而謏者無庸離索寡助幸高明有以教之茲黃貳運
便附致候私并謝來辱引望泰岱不任馳仰

與鄭鄒山方伯
都門奉違倏且三紀契濶情悰無從叙說緬懷夙誼惟是心銘
家誦間閱仕籍知兄文官輟所至聊用慰幸願一時同游諸公
升沉利鈍迥爾不齊則又不能無太息于門下也弟于甲子春
自楚藩叨轉即引疾乞休旋繫海曲竊冀兄文闈府兩浙行部
東甌庶幾一握相勞又思賢郎學士偕計春官小兒或微徼一
第追躡光塵踐脩世誼然竟落莫遂悵如之何是歲入夏涉
秋抱痼遵閑遊處林野情緒荒索尤有難于縷悉者適姻人某
從事幕下於其告行私心益戚戚焉倚榻占候遙瞻不勝依戀

自答莊梅谷太史

蘇州府志卷之八

不佞熒然倚廬承高明遠垂弔唁教言勤懇過于抑謙世講中
篤誼如門下者耳目所希感激莫踰當今人文日盛門下生于
其鄉茂承家學方翩然于著作之庭緬視前哲能無齊驅軼駕
念乎不佞畢志立樊了無他想惟於海內舊故往來於懷乃若
蒙恩受教如石山翁則夕日不敢忘者私藏莫報尚圖徼惠名
言紀其始末庶以示後人而敦世好也

與陳蘓山同年

省中參侍累年荆西又獲良晤闕失引掖所藉於有道者多矣
同榜兄弟之好加于恒分沔州別來感舊懷私寤寐常不能置
弟自分疎迂甘心引遜日者青藩之行已非夙期茲幸謝吏事

益切尊鱸之思旦夕指海東擬走疏乞休以畢餘生而踐脩世
誼俾無曠聲跡則深美于高門後賢而賤子孫或亦當勗之也
役回附申後會靡致悵望不任依依

答少參莊石山公

李平陽至拜頌翰教情辭懇惻而瑤章賸幣貺及先人展對感
泣海內篤舊如我翁者可多見耶伏審林泉燕適恬素日深二
郎世兄趾美競爽翁懷竒韞碩而未究厥施刺福餘芳其在後
之人無疑也果昨春免襄先人大事釋服已數月例當待除北
上願吳會間冠警戒嚴亦自揣踈迂罔諧世用方與弟姪輩結
跡山棲稍理舊業出處事意且姑置不識高明何以教之賤父

子辱翁恩厚不啻骨肉俯仰今昔惟當銘畫中心傳頌弁世期
無負於終始徒託楮筆間以寫區區則不知所云也

與申潞石考功

奉別踰時有懷耿耿蓋吾文道義骨肉之愛非恒情可擬豈惟
銘刻肝腑日與兒輩誦之弟息肩未幾而楚人催發者踵至緬
思宦途跋涉窈有倦意畏心而家族諸務又若不能釋者用是
決為丘園計專人引疏乞休迂僻之見友輩或以為訝在知已
當亮之也疏下具覆正屬貴司寔天假良會願蚤賜曲成乃見
生平之雅方今友道日喪接膝膠漆退而秦越者多矣吾文操
履既貞而信道彌篤知我愛我當不以世情相視弟微尚內斷

久已久數千里。懇于陳乞，蓋非姑于嘗試者。倘所請未遂，再致
往返，耽誤出處，依違非公。所以處嵇生也。特申頌託，餘情觀
縷未遑宣布。
與張虛江掌料
敝邑程令君持來翰，貺不佞于郢中。拜領矣。謝之近接，即報知
執事。榮補諫垣，龍峯同省，而雲澤又入臺中。深于吾道，有光所
謂喜而不寐也。給諫稱要秩，蓋耳目當乎。而綱紀百司者，嘗見
諸公。凡初入垣，必論列以示風采。願事体有緩急，更張有次第。
言者當筭其大者要者，執事今為戶科中朝事，不佞不敢知。若
東西之財賦，與京儲邊餉，試先借箸一籌，亦救焚止渴計也。不

倭回轉嶺泉行間賤疾陡作專人走疏乞休仰冀周旋蚤遂題
覆俾麋鹿野性安于山澤為幸當何如數千里遣役所倚托者
惟貴同門諸公而於執事尤屬厚望伏惟鑒念

啓座主閔水翁

去冬游留聞入賀附程台履仰蒙賜教深慰下私伏惟我師懋
膺聖眷宅秉國鈞中外元氣賴以調護為世道稱福願緬懷
門墻冠紳趨伺者駢集而庚戌同房士乃無一人在列可為慨
嘆我師吐握之際俯視今昔當亦憮然也果處節將越歲菲才
適當衝疲注措莫知所適然銳意澡飭勉圖策樹期無負於門
下此心之耿耿何敢忘耶

與祝華封少參

任
去
云
去

不
行

昨諸役遣迎具啓上候想蒙照悉荆西所轄承德二府一有陵
寢一有親藩應酬多紛事体牽制人皆難之然所甚難者在局
邑若監司則惟在執持于上而調停其間以不任迂顛尚能勉
力支吾以僥倖脫云如公鴻才碩望處之恢々乎有餘地矣而
鄙人猶不忘于煩言者則狂夫之見竊附于楚令尹云爾興都
志舊不編寔為未成之書近日館閣暮脩擬為十二紀聖制於
地方事不復及則府志固缺也不佞因取舊志稿屬京山高麗
鹿坡刪潤作承天府志鹿坡以長史宅憂于私家獨纂凡事省
約不佞猶恐去後弗竟所事其謄寫刻板刷印諸費已預處下

銀一百五十餘兩不必派取各州縣足用矣顧公留意成之若
有司官日不暇給難以責望也鹿坡行誼甚高文學亦邃貴鄉
李北山交厚皆詩社中人在刑曹以忤權貴故徙前職道中所
用鋪陳什物不佞行時照原數逐一點過付門子孫輝孫大節
及工房吏收在往守道新任屬縣例派供應物件約銀百餘兩
今用前物量加修飾或可免再辦也鍾祥縣原開印信守本并
留查照

與程景山邑候

竊謂郡邑有志所以紀一方典秩匪是則無稽焉近偶閱新舊
府志在今日似當更輯而不可緩者舊志成于王文定公其間

拱甫先生
於志見
序變元

纂錄已不免遺議及張文忠公作新志則取王公舊錄而大削
之又多闕略往太府宋節菴公屬王拱甫集諸生續脩前志其
稿亦多狗情猥雜仍踵宿弊故竟置弗問節意謂瑞安已有專
志宋公續修卽志時行樂清撰次彼縣故寔其豪家爭論大開
樂清殆未有易處者今擬惟作永嘉縣志然非明公主裁于上
何敢擅舉修志情弊不佞頗悉其一辟諸生聞館浪費供饋耽
延時日而鮮寔功其諸大家各以己私干請而難于拒却不佞
在鄂中修承天府志私屬之敝同年高鹿坡不使眾知鹿坡但
用一二子姪抄謄草創供費甚約且免于賂不踰時而稿遂具
通計紙劄贍刻諸費約一百五十餘金公毫皆出自敝道處給

公志作也

不擾有司昔年奉旨脩興都志費數千金承天屬邑京山近修
志則費數百此在任事者何如耳若今縣志視承天不啻減半
惟明公肯留意為不佞當約拱甫勉卒前業具稿就正雖不能
成一家言或亦可免前弊而稱寔錄也謹啓請命伏惟裁亮

奉薛方山先生

公往歲督學浙中果嘗幸覲光儀嗣以賤跡參商川途修阻無
緣揮几杖以聆教誨徒企瞻山斗結念緇衣爾矣公員命世之
才而未究厥施解其纓絡錫之壽康俾高蹈丘園專精著述闡
翼翼訓殆天有意于斯文乎乃今鴻業偉製昭垂寰宇海內人
士得徵惠片辭即珍同拱璧寵踰華衮果私心夙勤歆慕惟是

先人曰建寧祠嘗思得名賢叙紀以詔示後昆引領記室而未
及聞名不敢冒昧遽瀆敢托舍姪玄端走請倘蒙不鄙俯賜俞
諾秋間小鬼借計北上當遣候祇領果自分疎迂甘心永遜麴
繫海曲參侍無階臨風第切馳嚮附上家刻二種內載建祠始
末并蒙家世事伏需鑒采

謝薛方山先生

果前以宗祠記上請即蒙有道惠然頒賜仍彙刻大集中得以
附託不托朽豈勝感幸我翁著述日富名德彌隆士林宗仰比
覽考亭淵源錄存闡揚正學剖析微言俾海內學士紛如角議
者有所折衷誠千古一快果竊有志于學而顛蒙孤陋無緣捧

席振衣仰承訓建徒切傾企嘗念寓書舍弟令于大賢門下特
致尊礼以申嚮慕之誠然聞其苦于吏事紛劇恐卒卒未得間
如所囑耳肅啓謝教并布候私

薛公碑記現存大宗祠前觀此足見吾伯祖與吾祖伯仲同

來心經營創造之勞瘁吳履堯謹誌

答撫臺谷近滄公

日在楚中參侍教惺微謨道味身師而心醉者難以恒喻別來
聲跡曠疎比聞節鉞鎮臨浙海東南士庶莫不喁喁傾嚮鄙人
斃繫荒仄未緣瞻挹乃辱翰貺遠頒仰初高情不遺謦芳感激
何可言既果偃息丘樊混跡樵牧私所願望者惟文武先聲宣

布海外俾糶散餘生安于桑梓為幸多矣便次肅啓申謝附有
所陳浙中海防方殷兵餉告棘公鏡意揮節以裕紓民困恩至
渥也嘗聞居妄聽有不待加賦于田而可以給餉者如本縣馬
價銀民壯銀田租銀三項是矣其事覩縷未易遽悉亦以此議
即撫臺肯賜金^張王^主須自有司條請非鄙人所宜預者既郡新守
來謁幸試屬之近見車參將有海上屯田策亦為兵餉長計車
與胡震把總嘗密議之雖若迂濶然楚門軍田于玉環山者已
事似可徵也車慷慨足任胡經略可取或令二人集議取自尊
裁何如不揣僭言仰恃尊亮新募邑志附獻記司間有管見贖
言并祈覽而教之

居林下而念切民依對知友而囑以時務蓋無時無事而不
作德者今安得斯人以柱石吾甌耶

與撫臺同年張岷峽公

往者中相結甚歡非直手足戚也一別逾二紀竟爾疎闊然于
門下勛庸茂樹簡命游膺未嘗不神注心艷為同榜私慶比浙
中兩變可謂大鑿借鎮袞鉞賤兄弟蓋預籌得之碩望鴻猷朝
野倚重東南保釐之績湖山游豫之雅行當並收之尊俎間不
佞踰伏海野未緣參觀旦夕行部浙東庶幾一握相慰勞耳肅
啓申候附效芹獻若循例修賀則不敢噴也

答大司寇舒繼峰公

生往于邨報見翁省中諸疏練達明達愷知公為振世之英比
舍弟沃領教益兒姪沾沐德潤又知公為有道之士方切景仰
未申悃忱顧塵翰貺先施高誼純誠溢于展對不知海隅鄙人
何以得此為大賢也慚悚慚悚生自分譴薄不敢多取疎迂靡
效故甘心隱約公乃獎借過情豈以賢勞方殷願有羨於拙逸
耶然柱石邦家康濟寰宇固大賢分內事非坐守窳奧者所敢
仰覲昔人謂已有卑憂安社稷不妨巢許卧江皋敢為門下誦
之

再答舒繼峰公

夙仰高美未由瞻覲嘗欲脩起居噴教益竟以疎懶曠廢罪媿

無地頃於舍弟處兩奉翰札猥辱記存通家懇悃披示藹然相對感嘆無已翁望隆鴻鉅而志在引恬老氏所謂貴以身為天下者可以寄天下廟堂簡注之意其在茲乎竊願委心勉留以鎮軌顏競甦贊國成斯道幸甚不佞年來抱痾衰朽日甚常屏處野外一意韜匿日惟悔吝之虞若舍弟則甘於丘壑而勤於仕未故猶不免于動來教謂借靜間以澄習心体寔對症之劑所宜服膺者切惻之誼何幸得於門下為蘇州知府與王雲澤總漕安州知府自虔臺使旋倉卒報書竟濶嗣者以安于疎懶不敢通朝貴也宦海狂瀾而公屹立砥柱僕嘗偉之歎之以為有道作用自爾

卓越頃聞開府總漕益見簡注有在公論乎章矧淮南為公司
理舊疆遺愛不泯士民後從之思其交懽慶慰可知也僕老矣
年來屏跡海野謝息交游日惟侶漁樵課耕讀更無歆念願於
霄漢故人有望望者庶幾收薦賢之效以補明時萬一耳便次
敬脩起居有懷不盡
答何心泉少宰
昨歲遯兒蘊計偕登謁龍門過蒙眷矚蓋及哀朽不佞拜荷勤
情感激無地比聞宅揆陪京方期脩候手長者疎懶未逮乃辱
翰教下錫副以腆儀愛厚疊愧非謙薄所宜蒙也伏惟先太
保公明德美功覆庇甌土聲澤昭垂行與天壤不朽不佞謹次

道聞竊幸附名其間得效邦人之私門下願乃謝及仰見大賢
篤念甌人視太保公猶一日也方今明良際盛我公清英宿德
善類依歸而簡命日隆旦夕晉司宥勿纘戎先烈不佞老矣無
由沾溉沐澤因緣宿議踐世講以丐餘息則他有所冀耳

傳

吏部尚書何公傳

太宰何公者江右廣昌人也名文淵字巨川號別東園先世諱
坦者仕宋為寶謨閣學士廣東提刑階宣奉大夫謚文定坦生
聖能紹興太守聖能生行武平知縣行再傳而有桂芳生德源
公之祖也德源生景雲公文也俱贈正議大夫資治尹吏部左

侍郎母吳氏封淑人公生挺異七歲入社學讀書過日不忘群
兒有竊瓜果以咬之者公却之曰若方童奈何習為盜也識者
已覘其不凡永樂初補邑庠生時父兄繼喪公日以幹蠱為事
夜則攻苦誦讀博通群籍文譽日起戊戌登李琪榜進士越二
年拜湖廣道監察御史立朝正色即以天下為己任已而奉命
按山東山東豪右多崎嶇齷其民且軍衛搶攘公相機檢覈而
摘發奸伏若神吏民尤畏讐焉仁宗皇帝即位命考四川吏治
公察其殿最而黜陟之劾工部侍郎楊和黜參議全文試副使
張銘僉事張明等三百餘人貪暴聞風者往之棄印綬去時蜀
旱所臨郡邑輒雨人謂御史雨云烏蒙土官知府祿昭妻與耆

民什伽通昭曠之欲殺什伽什伽潛赴京告昭謀反詔四川雲南貴州建昌行都司以所部兵討之昭訟寃公慮其情移檄止所調兵具以事聞竟且其寃由建昌行都司經播州楊宣慰以銀器文綺迎謁公笑而却之宣慰出語人曰咄之何公不可動以利宣德改元正月奉勅清理山西戎伍則於其寃濫者直之欺隱者摘之無幸濫者十一月詔選有風力臺臣糾察南京弊政公獲命因奏小民誤觸刑憲初犯者宜令納贖郡縣老人當選耆德俾勸民為善毋任匪人以虐民害政請通行禁約上皆從之庚戌五月上以蘇松等郡稱難治詔舉賢能者在之都御史顏佐薦公等九人公出知温州至則延礼郡中耆宿以咨民

瘼於地方利病政務得失銳意興革之舊額率田十畝以三
畝為陸田輸麥稅民苦麥稅之重造版籍時莫肯收陸田者訟
聚弗決公疏請均陸田之稅與水田等民賴其利郡屬四縣稅
課司河泊所商稅舊輸鈔厯後民苦輸銀公以稅銀例禁請復
輸鈔上從之溫衛金鄉磐石軍士素獷悍以不統于有司廣置
產田善逋賦陵上侵民公束之挫之始知有國法焉每歲中使
至取上用海味果寔供饋煩苛不勝其擾公調脩有方民不病
而事集濬石江周陟門築墾壤壩灌田數千頃所在立石頌功
德振舉學校脩明條制祠先賢舉逸民興禮讓時嫁娶重喪祭
時儲積別善惡由是教化旁洽盜寇屏息訟簡刑清境內翕然

稱治鄰邦之民不有不平者亦赴愬焉青田葉孟圭徐成兩大家故有怨成長糧負賦縣遣孟圭督之孟圭乃率五百人掠其財而壞其居成訴三司調軍追捕之公聞之曰青田崑邑民易聚為盜今以五百眾據築穴將釀亂無已乃遣人召孟圭諭以禍福命還所掠財完其居孟圭回首謝罪曰昨聞調軍追捕自謂旦暮鬼耳今幸示可生之路敢不唯命人謂公以片言止亂云予子冬入覲道經括蒼馮公嶺永嘉丞于建遣其子饋公金于旅館公却之後聞其事者扁其所舍館曰御金至今存一日上問吏部尚書郭璉曰先所簡九人為知府者今其來朝乎璉以公等九人名聞乃召入便殿傳詔獎勞廷宴又以御製招隱

詩賜之所以寵賚之者甚至既復任感上知過益恪供乃職知
無不為政暇輒詣學宮進諸生周旋章綸等講論大義親為授
業未幾周旋狀元及第章綸會試魁選拜為名臣其餘仕進者
皆足有樹立公之教也癸亥歲大旱齋戒泣禱於山川其禱祠
有云薄命請從今日止甘霖望而九天來又進耆老而問曰昔
東海孝婦以冤死天不雨者三年今吾郡久旱屢禱不應意或
有冤乎耆老林湜以烈女俞姻奴事對公驚曰此大冤也即自
為文祭之明旦果大雨乙卯春處州盜大起官軍討之敗績公
乃於要害設關防守有一人逸入境守者執之乃殺官軍者也
公詢知賊據烏風洞為巢穴遣經歷黃誠潛往捕之得渠魁數

人以歸時都指揮李貴捕盜無所獲乃妄執平民烙以火供誣服公移文言盜已獲若無苦平民貴怒必欲寘所執者於死公抗言力爭不為撓所存活者二百餘人永嘉民朱良觀良旦兄弟以爭財訟公諭以兄弟天倫大義因書其狀尾有祇緣花底鶯散巧致使天邊雁影分之句于是兄弟感泣退修親睦之行是歲五月浙江布政使黃澤以公治行聞于朝上賜璽書獎勵增秩二級命甫下礼部尚書胡濙復薦公宜大用擢刑部右侍郎去之日合郡官吏軍民扳號塞道沿江之民亦皆望風拜泣于听側如失慈母在郡九年無錙銖取于民布裘蔬食恬如也民思之不已為立生祠以祀之既登朝數上章言事皆聞于治

體每朝有大政百官廷議弗決公從容辨析眾亦周弗服前後
辨鑿者之寃無慮數十家又常命典獄者洒掃圜囿夏月則寬
其桎梏正統元年九月詔往維揚理鹽法惟私販情重者罪之
餘悉寬貸庚申八月勅公經理京畿荒政公賑濟有方半菽之
民賴以全活者眾初麓川思仔發苦邊吏侵刻而叛都督方正
往討死之已而遣使入貢謝罪有欲邀功邊徼者復請討之公
上章力言用兵非宜與群臣不相中卒以山川險阻轉輸疲困
弗能克始悔不用公言公引年屢乞歸少師楊公士奇少保楊
公溥勉留之後以疾力請上乃許己巳八月乘輿北狩邸王攝
位詔起公吏部左侍郎會北虜也先遣使入貢請遣官迎駕廷

議弗能決公曰大此大義攸關何可憚已乃毅然草奏率群臣
伏闕請迎乘輿南還明年陞本部尚書惓惓以進賢圖治為已
任而賢不肖好惡不一公力求退避五上章始獲命致仕既抵
家杜門養痾絕不與世事日惟課農訓子邑大夫問候輒使人
謝之竟不竟見天順元年四月十一日有疾謂諸子曰吾昔為
溫郡守溫人戴吾寔深今去溫數十年心未嘗不在溫也吾死
神必歸溫矣越三日正衣冠坐口占一詩而逝贈榮祿大夫太
子太保吏部尚書有子六人曰喬新者為刑部尚書謚文肅以
德業聞望名于時喬孫洛嘉靖間倅溫郡廉介有聲曰源曰濤
曰沆曰孔陽咸以科第顯而源為吏部郎則奮庸續緒于二尚

書有光者公所著有東園集尚書直解鈍菴奏議牧民備用司
刑備用書義庭訓四書講義禮記解義若干卷藏于家
論曰鄭子產賢執政也而孔子稱其遺愛黃霸亦漢名卿乃班
史以循吏傳亦惟其著焉耳東園公勲猷炳焯父子並為名臣
蓋不獨治良于治郡也然其先有文定後有文肅開先繼序奕
世載德慶澤之遺殆未艾矣哉

何公德業盛大此傳詳晰而名益彰

墓誌銘

明故豐城侯緝菴李公墓誌銘

李公諱熙字仲光號緝菴其先鳳陽府定遠人也祖彬翊高皇

帝啟運累功為都督僉事永樂中以征討功進榮祿大夫柱國
豐城侯食祿一千石賜鐵券世襲暨錄平安南功加祿五百石
遂家于京師彬生賢、生勇、生

及于公之則旻之姪也嘉靖

營操練軍

隨以廷臣會推掌中軍都督府及提督神機營壬寅欽命充總
兵官掛平蠻將軍印鎮守湖廣乙巳楚世子弒逆株連數百人
公惻然慮其冤謫于直指伊公相與平反釋其無辜幾二百人
沅州麻陽洞苗作亂遠適繹騷公調兵征勦歷三載底寧諸凡
絡出自已裁不少假麾下而悉中機宜敵愾奏功勲庸顯於遐
服公處之則以謙焉庚戌奉召命回京掌前軍都督府事公庶

府中宿弊嚴為嚴革人不敢干以私辛亥奉敕提督京城九門
官軍壬子總督京經營戎政時軍伍疲耗往者率因循行事公壹
以精明振刷而綱紀之諸材官咸凜之奉法大司馬良御卿趙
公永豐聶公並嘉其賢以為勲臣可倚重者而公忽以疾告終
乃嘉靖癸丑二月二十七日也距生弘治甲子十一月一日得
年五十訃聞上憫悼遣官諭葬凡七壇仍命有司備材營葬配
戚畹王氏封夫人嗣子儒以倫次襲前爵卜是年四月二十六
日奉窆公於欽賜蘆溝橋西祖塋之側儒謁銘于予未及識
公頃在職方討故牒因知公歷官中外勲績而讀公家狀則又
知其博涉經史善詩文蓋不徒將略之嫻而又飾之以儒術者

宜乎中外歸重以功名終焉是可銘也銘曰
桓桓李侯奮起
賢友有碩其才其有偉其議顯文經武廷論咸推受帝簡命仗
鉞南陲鯨鯢既翦江漢平夷乃膺內召職任保釐橐覽戰轟以
統六師倚毗方殷天不憖遺皇心孔悼恤典弘施懋彰佳城我
我豐碑論世考烈鑒我銘辭

故上海訓導海壇王公墓誌銘

余與海壇王公夙同志以文行相勵比余官司馬郎公上貢來
京師旦夕燕叙及子之告歸而公方宅憂又時相過從余蓋兄
事公也無何公卒卜葬有期其子夢齡謁予志其墓余戚然思
曰知公莫如余遂不辭而志曰公諱應辰字拱甫號別號海壇

世家郡城五馬坊徙居城南之蟾湖則自公始曾祖漢彬以尚
義翰粟授七品散官祖輔宛平丞父翰鴻臚寺紀事序班母鍾
氏以弘治乙丑六月二十九日生公于京邸聰敏絕倫髫年能
對客賦詩眾目為竒童未冠補郡庠生每試高等列廩籍潛心
懋學竟日下帷不問家人生業淹貫經史嫻習古文嗣而尤工
於詩通議張公橐參政黃公峴皆海內名流引為忘年年交先
後督學監司守郡諸公鑒識之咸屬厚望屢試願不舉嘉靖辛
酉乃應自上春官廷試擢上第受知大學士袁公煒諸薦紳聞
其名爭從疑識及注選袁公欲處以京秩公辭曰母老願得近
地便就養乃授上海縣儒學訓導命甫下而母安人訃至遂奔

歸杜門讀禮一意玄脩間同余纂輯邑志屏跡山居即之氣息
深之而歸於恬寂嘗以疾苦有拂鬱者蓋為貧故就祿仕而非
其志也服闋將北上脩中風疾奄逝時嘉靖丙寅春二月二十
五日得壽六十二公孝友天至性度冲夷而持以廉介志行純
恪而澤以謙和與人交一于誠雖燕居無疾言厲色其克養淵
邃有不可以澄撓者蓋自蚤歲肆力辭章晚乃遜志聖學雖不
以理學自命而于白沙陽明二先生之學大端歸指日究而心
賞焉因更號體齋子所著語錄有省言詩文有正情集簡漫集
有茗齋詩話尚論者謂公文宗秦漢詩則唐其學靡所不闕心
潛理窟旁通內典可謂知言矣配金氏生子一即夢齡要荀指

揮張公浩女女一適庠生朱錫延孫男二懋儒懋侃莫以是歲
十二月附于郭溪祖隴予悉公生平謹述懿雅表于墓而系之
銘曰 卿稱鄒魯猗興昔賢維公蹕起嗣武比肩躬秉明德悟
超上立才不究用功垂立言我銘論世是謂為有道之行

故處士一鶴林翁配朱安人合葬墓誌銘

予外父林翁暨外母朱安人先後考終葬且數載矣其嗣君珂
瑾語果曰先人墓有宿草而銘碣尚虛惟吾子圖之果曰是誠
在我之易箒時以後事見屬且致厚期雖不及銘墓事予固心
願之且翁與安人予悉其賢懿蓋無待于狀者謹考世系而志
之翁諱蒙字彥灼嘗蓄一鶴自隨因號一鶴主人先世有元一

公者宋末徙居郡城之江北羅浮里其後族支蕃衍以賢雄一
鄉為邑著姓翁藉父祖業操持勤毖振起有加而務以仁厚濟
之忠信孝友過族屬雍二不少失和氣即有虧損及乘侮之者
直受弗與較性樂施所見人窘急輒煦二憐恤倒囊指廩無靳
意閑家以嚴而性任夷坦不煩拘檢陶情花鳥寄興林泉悠然
殊自得也晚年益務韜晦累歲不涉城府于所居之後園構小
樓宴憩其中每客至輒欣然款迎引杯酒叙殷勤無貴賤盡歡
醺即就寢日以為常其於毀譽榮辱順逆得喪一切世故置之
若罔聞蓋寤寐醉鄉欲託而逃焉者也配安人朱氏世家郡城
雁池婉孌性成事舅姑孝敬遇妯娌雍睦無間言翁性嚴急安

人佐以寬和而多所庇護視庶孽若已出其愛鞠而成全之者
曲至焉燕居侍翁如賓言笑容止一不妄外莊肅而內惠慈有
以空乏告者隨所有應之即身服用美好之物弗吝也翁祖諱
振堡父諱紱母李氏安人祖諱珊父諱愉母李氏翁卒于嘉靖
乙巳十一月五日距生成化丙申三月十八日得壽七十安人
卒于嘉靖辛亥七月八日距生成化戊戌正月二十四日得壽
七十四其葬皆以卒之於次年合窆於華嚴山祖隴男子二長
珂次瑾女二長適陳賀次適叔果以果官兵部郎中封宜人皆
安人出庶子二珙珙孫男八宗英宗案宗藏宗宏宗騫宗春宗
寶孫女五翁兄弟八人俱鮮壽而翁安人偕老媪德論世考祥

是所宜銘也銘曰全生樗散混跡希夷醉鄉是託一鶴自隨
古稱大隱公其庶幾作配士女家室攸宜女中長者維其令儀
鹿門曩野比德無虧羅陽華嶠卜吉同歸沒世考德徵此銘辭
故徵仕郎秦州碎鳳南公墓誌銘

鳳南金公致秦州仕歸老以令德考終卜葬有日其子太僕
君邵等奉博士三溪林先生所為狀請誌其墓予稔金公賢且
介在姻婭誼其敢辭按狀公諱誥字榮卿別號鳳南世為瑞安
永豐里人其先世有諱璩者仕元為教授贛李提刑女五傳而
生某某生孝嘗輸粟賑饑例授冠服不受孝生殷字天倫公又
也儒雅好脩郡侯徐公廉其賢壽祀為鄉飲賓配蔡氏副室李

氏以弘治十三年戊午三月二十四日生公公穎異懋學弱冠
試於督學五清劉公為邑諸生有敵尋以例貢入太學適吾邑
張文忠公東國鈞遇公為優公恂恂引避及文忠歿乃與其從
孫評事公締姻焉嘉靖庚戌授直隸秦州判官秦民困于馬役
往多逃徙公察其偏累白于上而調停之著朋黨之令減歲輸
之直而民困稍以蘇諸所委屬如督漕儲戢盜捐理鹺課及
清驛傳事皆立辦而宿弊以蠲賢能著聲為當道所嘉與撫臺
應公大猷直指高公鏞龔公誥王公士翹皆量其績而優獎之
三載且報政念母太安人哀疾遂解組歸則手甘旨嘗湯藥
中涓委瑣必躬視太安人病痿近百齡乃終公執喪哀如孺孺

友愛天篤處異母諸昆弟妹怡之無間言有價之則賑之靡倦
所居故在郭外頃被寇燹乃治第於邑城紫霞山之左以娶聚
子姓願故居荒址則愀然曰此先世遺蹟忍委棄邪遂圖堂構
而率弟姪共成之初初祖祠于豐湖尋亦燬捐貲載建諸為先
後計墓有廬家有塾奉祀瞻儒訓蒙各有田凡所誡約皆公手
書也公性行瀉篤遇交游姻舊恩礼周洽平生不干鄉曲譽亦
未嘗迂于人望而接之者知其為長厚予欽公行誼比詢其起
居如少壯以為壽康當未艾而倏以訃聞則萬曆七年己卯九
月六日也享年八十二配孫橋章氏早卒繼東山陳氏先公二
年卒副室李氏潘氏子男五長郡早卒次荀陳出為醫官次邵

李出任遼東行太僕寺主簿次郁李出為太學生次郭潘出女
二一適庠生李慥一適屋州吏目張蒼廉評事公子也男孫六
思敦思椿椿思道思進思鍊思佐女孫五一適子孫庠生至言
一適庠生黃秀生一字同里林春元之子復春太僕君邵等卜
以庚戌歲正月六日奉公厝于先隴鳳山之原惟公才未究而
竟抱之家年彌高而慶衍于後其視世之人藐義務忽遠貽齟
齟而無聞者有間矣是可銘也銘銘曰 鳳岡南峙毓秀發
祥爰啓宏祚俾熾且昌篤生令哲金玉其相蜚英胄監如鳳斯
翔剖符南國遺頌甘棠斂忠為孝愔睦彌光厥用未究維家是
綱介齡戩穀錫允繩芳馨彼鳳麓碩人攸藏我銘考德百世不

志

故鄉賓瑞南林公墓誌銘

瑞安林氏為郡望族而長厚責行則推瑞南公公卒將樹墓伯
子司城君守經偕其弟持吳博士所為狀謂不佞使勒志若銘
謹受狀而志曰林君名季字太處世居邑南郭眾稱瑞南公
始祖元章從自閩之赤岸元章生願叔淵叔宗時同舉進士所
居號桂林里九傳為友梅公仍生逸菴公松配鍾氏松生竹屋
公壤為吉王府典膳配蔡氏有子五人最少為公公幼性醞篤
長而敦行明倫理孝友天至兄弟子孤撫視有成立女孤擇婿
厚歸之旁及姻族嫠而苦節者贍之田貧不能婚歿不能殯而

葬者給之資有差歲嘗若履指摩乎糴于窶乏數賑以粟間折券以寬貸者令君周公書賙貧恤匱表其閭尋祀為鄉飲賓辭赴生乎重然諾意氣恂恂不為畛域與人即疎微咸悉其情治家倣古礼諸子弟有過動面創無隱他以非理忤者恒斥之茹納有躬行之教焉萬曆癸未春際朝例優老奉部檄膺冠服之錫諸薦紳樂道其事詳具金博士侯方伯及不佞所為文中公素凝重起家饒洽晚年深居簡接精神充腴析生以畀諸子儼然稱素封云萬曆丙戌夏五月十日忽病眩時在他室命穿至正寢衣冠而瞑距生正德甲戌七月十七日壽七十三配安人趙氏賢而偕老子男四長守經授兵馬司副指揮次守礼太學

出次守道礼部儒士次守綸太學生女二長適倭不佞子先祿
寺署丞光薦次適別駕鳳南金公子太學生郁孫男八之鸞之
鳳之鵬之麟之鯤餘幼未名孫女七公卒之歲卜以冬十二月
二十五日奉厝于邑七都仙巖之原從治命也嘗稽漢時旁舉
孝弟力田故治多長者後世登進類以諸科而閭巷之士砥行
潔下缺

王介園附集卷之三十二

王叔果半山藏稿

族孫賡堯癸真子謹鈔

祭文

祭文昌祠

粵稽甌郡文獻夙稱風沿鄒魯運際休明海坦沙漲白鹿蟠城
 開先迪啓夫豈無徵仰惟魁宿斗極儲精文章司命奎壁光繩
 九山環峙上應列星南杓異吉文筆淨嶸魁三懸象崇祀妥靈
 頃歲龍集載舉鹿鳴賢閔肆啓多士雲蒸行承賓薦尤為國楨
 惟神賁止適觀化成尚祈翊贊奮拔群英江山出色霄漢蜚聲

日躔鶉火士戒鵬程吉蠲胥禱肅將茲馨靈光炯之鑒此虔誠
築海塘祭文

國家正策于海開中于邊賦此廣斥用絕利權厥壤半瀆國課
罔蠲額之窮靈海若其憐星移物換陵谷猶遷隄障不設民何
賴焉爰稱議略眾口騰唱屢經當道成之惟而外防寇警內護
沙堞人謀伊肇厥相由天卜吉敷土刑牲告虔尚祈毘贊不震
不騫橫沙巨海永保萬年

祭漢東甌王廟

惟王肇封爰漢崇祀皇明厥有功德今古攸徵相茲海國並履
憲民御災錫福允賴威靈頌屬春旦寔王降生載忭載忻士庶

咸蒸有牲斯碩有酒斯馨殷荐時若儼陟在庭

其節祭宋胡文定公祠在當陽縣龍泉山

先生道德隆茂志節剛明學術卓有所自進退不失其貞雖未
究施於當世固已闡術于遺經故誦其書者懷私淑之誼而論
其世者興仰止之誠果竭來行部祇謁佳城適際時饗敬薦芳
馨瞻松檜之挺列若恍接乎儀型刑

祭歐陽文莊公

吾聞哲人之生斯道攸寄或演教以淑人或程猷以經世翳二
者每繫于遭逢雖伊周孔孟有難于兼濟惟公稟秀孕靈道高
德粹蚤降昌期蜚聲甲第政事文章卓冠流輩學術淵源莫窺

宏遠傳心論學見精義之入神立朝宣猷見大道之不器以唐
虞三代為可期視天地萬物為一體倦々乎納約自牖之忠懇
懇乎誨人不倦之意後學望為指南斯民仰其麻底陽明先師
之學得公而益彰伊周孔孟之所不能兼者殆于公而體會胡
柄用之方隆乃乘化而奄逝嗚呼存順沒寧帝恩游被有子象
賢曰維善繼締觀平生諸福已脩天下為公而缺歎者蒼蒼
之未登而公之所以不朽者則與天壤而俱散果忝廁門墻
過承陶鑄驚訃音之忽聞悵儀刑之虛企聞塞顛蒙孰啟啓
其蔽類情委靡孰作其氣效十駕于脩塗竟莫知其所稅所
期不負于幽明惟蚤夜六相策勵哭奠未躬俯仰有愧拜使

西瞻憑雲洒淚送靈旆
西風卷雲風卷大旗回
旆旆西

王川祭李封君
二前蘇貞
計
七中化茶固
即日
西

時雨將降山澤雲蒸碩果不食枝葉春榮克昌厥後開先有徵

惟公雋茂邃學明經用賓上國試宰專城愛遺棠芟志尚鴻寔

爰有哲嗣奮迹雲程諫垣風采淮海頌聲聿昭家學允惟國植

濬發有自樂觀克承煌煌二誥錫恬曠存貞松筠陶徃蘭玉謝庭

身膺純嘏望叶鄉評優游蔗境茂享椿齡方隆鼎養隆夢奠楹

哀榮式脩哀愍幽明果叨分句察夙仰典刑况稔令子誼辱知

生適間而遠愴忱曷勝末由執紼薄效芻蕘

祭叙舒健菴學憲

惟公鄙川毓秀廬嶽鐘竒夙承芳于家學蚤通籍於金閨司理
西曹而履嶽克允分憲閩臬而百度咸熙迨貳參於湖省肆轍
望之飄馳蓋公存心也以博大泝政也以明威練達之才裕于
適用清白之操臈不容滯故仰其風猷屹屹乎萬仞之壁而挹
其德量汪之乎千頃之陂論議發乎淵邃著作擅于瑰竒允矣
士林之型範而為善類之師資夫何文衡之命甫下而溘焉
奄逝而未究其施嗚呼百年一瞬萬劫同澌故臣不必卿相壽
不必期頤苟脩名之克立即不朽之在茲公之英靈雖已還歸
于川嶽而平生之所蘊負以措施于中外者固昭日月而薄虹
霓亦何計于修短過抱恨而長咨果夙欽大雅同役荆西感一

時相與之誼悵幽明

永隔而不可追陳詞潔奠用表哀私

祭高封君

維公眉山家學洛社耆英蚤歲踔厲奮跡明經彭山振鐸爰樹
風聲菁莪樂育丘壑嬰情遺榮履素望著鄉評天祚明德哲先
騫緇翮三鳳接翮雲程遺芳剌馥垂裕有徵慶鍾伯氏載際
休明內曹司理于張並稱出相王國賈童齋名帝用寵嘉貶恩
載膺立園增賁祿養歡承方綏晚福茂享遐齡云何厭世溘焉
上界吁嗟邦瘁喪此老成果締文令子誼篤平生竭來行部拜
公在庭恭詢壽履喜遂康寧修聞訃苦短怛然內驚即遠有期
執紼靡能薄陳祖奠聊表哀誠

祭學士華鴻山公

範福莫先于壽考有子未必其象賢祿位兼得名範或愆人生而脩茲數者殆絕無而僅然公以雋才而應制由郎署而躋翰苑膺簡命使夷邦侍講筵典文衡掌留院清塗華轍游歷而遽遷已乃見幾引遜韜賁丘園傳經戲彩絕意旌旗暫移忠以為孝亦知白而守玄篤親濟衆義問昭宣擇幽結社詩酒聯翩其樹德于鄉為政為于家率本乎大公至正而隆礼于先貽謀于後皆以為可誦可傳鳳毛麟趾昭文明之瑞玉輝蘭茁表慶澤之延席華腴而養素抱朴履盛滿而挹損為謙康躋壽域廣執福田凝神時乎觀化齊居託於逃禪人或擬之若水公則慕乎

樂天胡曷養之方涯而慈館之俄捐相隆亭重興乎偉構蕭塘
預卜乎新所以公之高明曠達固通乎幽明之故而無憾于福
履之全顧山木已頽典刑隸喪而邦人門客安能不愴悼于平
原果夙叨世講數奉徽言情固馳于雲樹跡則限于山川悵奠
楹之見夢愧執紼之靡緣擘江籬以寄悃望鴻渚而涕漣

祭鄭秋江

世變下趨友道中此海內朋儕如兄有幾惜昔定交粵踰二紀
意氣勤勤道義疊疊休戚窮通同情一体管鮑雷陳自謂可儼
余返鄉閭兄淹京里旅食經年壯心未已余赴春官載會京師
格合脩辭以悲以喜二十年間有如夢寐况既策名余亦登第

庶幾同朝早暮依倚云何弗祿溘焉奄逝念兄初懷唾手青紫
以身殉官反貽身累北堂中閨汪汪淚皆亦有遺孤藐焉寡恃
善人弗祐天胡惜矣念之痛心潛焉出涕悼亡恤孤朋友之義
敢負幽明以辱知己陳辭告哀靈其鑒止

祭外父林翁

嗚呼翁之生也七十年而其蓋棺結衾也奄七七于矣茲矣哀
人生之幻化感日月之徂征想音容于冥漠腸刃劍而涕泠慨
幽明之永隔而臆以擊公之生平夫其居易履坦塞兌褒貞托
醉鄉以逃隱謝聲利之樊嬰竟削跡于府城狎魚鳥以忘形略
錐刀于出納而尤加惠于困窮若我公操心履行蓋羲皇之逸

老而葛天之遺英方古禘之初度偕令女以歸寧群牽衣而介
書壽圖効祝於岡陵胡松栢之貞質乃望秋而遽零緬懷曷箚
執手丁寧囑果以後事勗果以令名以吾之薄劣其能副公之
望與否雖難必於竟成而凡以任公之托奉公之終者惡敢不
竭其情矧諸舅氏咸克敬承燕謀垂裕善慶斯徵即未必超三
千之界而可以慰九地之靈

祭姜四山

先生考友忠信可通於神明整齊嚴肅不違於造次信可謂獨
行君子矣應貢來京待除甫及竟以客死天之報施善人乃若
茲焉傷哉命矣然先生曷箚之辰吾鄉士友莫不歎歔痛盡而

歎善人之不佑匍匐周旋凡附於身于棺者畢用其誠此則先
生平生好修之所致不能必于天而徵于人者也彼有馬于馮
者無稱于死之日九合諸侯者委其屍而莫與收視先生又何
如似可以瞑目矣僧廬蠲潔先生所安靈其暫止幸戒過歸例
有渡遣當為圖之哀賢之情吾輩誠不能已達生之論先生其
取以自廣焉可也

祭司訓陳雪峰表叔

惟公秉介特之資負剛直之氣聽其言侃々而無所詭隨充其
志耿耿而期於踔勵蚤業明經竟厄一第應掄秀以賓興爰師
表乎閩士望譽方歸休閒遙計膺禮養于膠庠肅鄉邦之瞻企

既引息以謝交亦韶光而塞兌茂介遐齡翱翔樂地蘭玉緜芳
箕裘克世乃優游以考終可無憾於仙逝果忝窈世姻夙承高
誼悵即遠之有期傷老成之莫覲薄祖奠于東芻望煮蒿而悵
場

祭查近川京兆

繫天日之磅礴介湖海以韞靈鍾人文于濬發紛霧瀾而雲蒸
惟公家世趾美簪纓蓋已擅一方山川之秀而士林厚見於周
稱載稽名業過歷可徵諫垣風采銓曹典型暨荐陟於卿寺屬
台序以允升何五日之京兆乃奄忽而即宴噫嘻人生幻化誰
能百齡位至尹已列上卿矧傳芳之有託而鳳儀鸚薦又接武

於靈雲程斂厥靈以還川嶽留有餘以遺後昆其可以無憾於
九京某等忝同朝列稔辱平生方相期以經濟悵永隔于幽明
薄陳芻束用表悃誠洋洋英爽聿來廣庭

祭王海壇司訓

世道交喪哲人山頽我欲天問冥之難期噫嗟我友夙負瓌琦
靈識超詣能自得師文行燁茂聲望颯馳藝林翹楚鄉邦表儀
共瞻鳳舉忽愴麟跽名高鬼忌才雋數奇重悲友道日見式微
掩袂懷眈絕絃為誰翳人產世薤露易晞富貴無述永泮同澌
君有令聞不朽在茲學通幽明修短奚疑靖節垂老責子有詩
亦有長文侍祖以嬉達人委命仁後宜祁齋咨軫悴寔維我私

死生勤恤誰何敢渝行矣即遠祖薦生芻昭茲英爽聿鑒矢辭
祭林虛白內兄

嗚呼天人交勝禍福靡常以公純心篤行無愧于古人素享於
鄉族乃不獲躋上壽而永康福予惡能已于痛傷念予賤齒與
公同庚貳館之初同為少壯而家慶方穰轉盼寒暄重罹變故
實賴公以紀綱嘗譙公坐致豐裕可自優逸而何拮据之不遑
計公嫁婚且畢家緒可托晚福庶其未量頃予與令妹定居祖
里擬邀公杯酒傾叙徜徉詎意訃音倏報致予舉家之徬徨令
妹同胞者四人陳媿蚤世伯氏繼亡所期以同白首者惟公其
尚強奈何溘焉奄逝俾其匍匐遙歸驚覩素帷之在堂又何忍

見諸孤之栖惶然予所持為公慰者曰仁者有後公嗣則良脩
文殖業克遵義方是公之平生崇儉惜福未克盡享者其留以
畀允祚之昌天之所以報施善人者夫豈渺茫

信公祭侯小谷

惟~~君~~質侯圭璧業紹箕裘既掄鄉以擢秀亦慕古而好脩雖身
處~~華~~腴而志意惕然不殊乎韋布之素即時方遵晦而才猷卓
爾夙見于論議之優清時雋才坦道驂馱德門偉器玉瓚黃流
何燕山椿桂方慶其向榮而謝庭蘭玉遽隕于先秋琴書遺慘
花木含愁痛百身之莫贖欲天問而無由昔子安絕筆於滕閣
長吉徵賦於玉樓卜夏~~天~~嗣于西河之上延陵葬子于贏博之

取自古英賢多厄於數人生福履罕覩其周噫嗟人世噩夢浮
 漚固知齊彭殤為近誕殆有超浩劫而長留予詎叨世講情閔
 戚休茲即遠方具有期悵永隔乎幽明而顧稱達生設委命者
 下以慰九原之齎恨上以解高堂之煩憂

祭莆田陳翠谷封君

惟公席簪纓之世美紹詩禮之遺芳躬潛德而葆素表行誼于
 大方爰發祥而啓允騫甲第而騰翔嗟我下邑頃承稷荒辱令
 子之撫字軫疾苦其如傷歛晶神於大雅粹玉質而金相教化
 先于讞罰德義貴以文章潔持身于冰檠新百廢而具張舉賢
 愚小大均受其賜熙々乎沐膏澤而嘘春陽于此見公之詒穀

而惠我民士以嘉福者孰非明德之將比者我侯奏最公履壽
康冀封章之過錫瞻具慶于琴堂胡厭世而倏逝慘失色于鄉
邦念我侯之哀毀走者裨而徬徨奪父母于待哺嗟四境之靡
望果等奉教令子籍庇周行合私門而念德能已夫朔風而涕
滂嗚呼甌山閩海雲水蒼々悵靈輻之逸即徽慶澤于無疆敬
陳哀誅薄侑椒觴既以慰我侯孝思之永亦以展邦人報稱之
常惟公神其鑒止庶來格之洋洋

祭族祖尚書南渠翁此是台州黃岩第十九世諱燿

稱故國者必有世臣以為之楨幹稱故家者必有大老以為之
典型維翁夙承家學晉涉王庭奮庸樹績邁德流聲遺愛昭于

尸祝嘉猷炳乎丹青忠孝兩盡出處有經故論天下達尊累朝
 夕德而為邦家之基者咸于翁而首禱及夫辭榮請老龍卧鴻
 冥香山締會洛社聯盟普庇庥于族黨收雅望于鄉評福履純
 備允祚光繩維寧溪發源南門祭祚所以奕世載德者殆于翁
 而益徵果瞻依孔邇教誨屢承嘗期登堂以奉杖屨悵今已隔
 乎幽明歲聿其暮柳車戒程不獲躬奉几筵從事丘隴以效區
 區之誠信愧負之靡追徒溯風而涕零

祭族祖南村公

於惟我公高朗敦篤庭訓幼違蹕厲自夙雅度清標迥出流俗
 弗剛以戾弗震以縮簡節寡辭動式矩矱寄興咏歌放懷丘壑

孝奉慈觀歡安分自足吾族實蕃賴公收睦式教有訓備教有
朴郡伯載聞首舉鄉約敦孔脩令咸資揚確素履如公可謂弗
辱天祚宗枋公宜禔福云何甫耆而竟弗淑念公在生為衆耳
目今也云亡義當匍匐老母遺孤情事多蹙敢不周旋以慰冥
莫釀奠陳辭聊盡一哭

祭季父寺丞公

嗚呼叔父智足以料事揆變而禍蹈于不測義足以保鄉庇族
而身隕于非命仁足以恤窮賙匱而不獲耄耄終以食報于天
此皆理之不可信而果輩所不忍言惟我叔父英資天植正直
無偏處勢若退見義必前以具履而躬乎甘旨遂樂志而畢志

乎林泉藉燕翼之餘享安榮之福垂七十餘年迨我先公肇建
宗祠敦舉族約凡以講信而脩睦者寔賴叔父以周旋島夷肆
亂毒痛海壖叔父倡義糾旅威武布宣壯猷義瞻老而彌堅往
歲夏帥戰歿黃侯陣殲眾皆悼惜而叔父獨羨其賢謂丈夫生
世能以身殉國何必於首領之全又嘗忿官軍之畏縮致賊勢
之蔓延謂使我秉旄麾仗鉞必能殄滅群醜廓清瘴烟果謂兵
凶戰危未可易語而叔父顧以為不然嗚呼豈意平昔所推論
者遽以身蹈之而一逝而不可援身無民社之寄職非將帥之
權徒以義氣感奮蔽扞閭里而竟厄于逆運此果之所號呼痛
憤直欲叫閻而籲寃鄉人哀慟如喪所失且將謀尸祝請國典

圖不朽于萬千嗚呼有生同盡芳譽永傳英烈之氣炳乎貫日
星而亘山川第吾宗隕此老成吾鄉失其屏翰奚所依賴而仰
瞻果情關骨肉痛切潺湲薄陳牲俎敬薦誠蠲維英靈之有赫
恍陟降于几筵

祭中丞竹巖叔文

士君子之立于世也進則思澤天下退則思表一鄉使非出處
有道亦惡能身際其全維我叔父孝友質直純于天性淵閣博
朗邃于精研而鴻猷遠略則孑于負荷之堅起甲科而試鉅邑
晉臺憲而肅官職代將填南埋輪發驕危之釁貳司徒尉讞獄
疏牽制之偏忠誠風采簡注于廊廟者卓矣而稱賢嗣膺節鉞

開府萬里牂荆西楚之屬奔喙而爭先尋以帥臣違迂功罪未
雪遂引疏而歸田率真敦朴師表于鄉族推誠孚惠軫援夫顛
連乃若山雲水月徜徉眺味借賓朋以卒歲望之矯捷而如仙
故詢耆舊者擬潞公之復相卜壽履者祈衛武之齊年胡天弗
憇倏爾歸盡而元化之厚于賢哲者或未盡然要槩叔父終始
之際令名全節有聲于出處偕老昌允薦慶于美傳而不朽之
論則炳史冊而光山川果科第名叨同榜而果與本仕及同朝
群林處而周旋生平切磋訓誨仰籍于叔父者未可以言宣感
念今昔真若石火之與電烟而音容想像曷已夫腸割而涕浹
崇觴告誅敬薦几筵惟英爽之不昧瞻陟降于在前

祭業師西澗叔父

惟翁性資穎敏操履端莊完天稟于朴茂不隨俗以刻方夙研
精于經術擅博雅於詞塲自少壯以至大耋教學靡倦及門之
士前後數百輩而成名登仕者踵出稱師範于一鄉海濱佚老
賓禮卽庠壽齡近百著作流芳其伏生康成之流亞而卓然于
大雅之堂始先公之入仕也果兄弟就學京師延翁偕往張文
忠見而器屬翁以母老辭歸甘遵晦于儒行及先公之退居也
祭酒公時亦在告翁周旋左右凡有言告語遇事劑量咸為翁
傾寫蓋信其質直而無他腸父叔卽世翁念不忘爰及兕輩再
籍誼將故翁之行履心跡果兄弟所熟知而審視者視恒衆而

周詳翁家故清素晚而豫康孫子森立且克紹夫書香考終順
化慶澤未央翁之所取于生平者亦奚憾於彼蒼顧果先弟以
髫齡侍翁以稀齡哭翁感念今昔惡能已夫畫傷薄陳看俎
歎薦椒觴惟英靈之鑒止庶彷彿其來嘗

祭給諫東華弟

嗚呼詎意吾弟有此禍耶直道難容善人弗祐人固嫉之天亦
忌之耶嗟惟吾弟雋才邃學履邁居貞雖忤時引退而中外想
其丰采鄉族式其典刑此身所繫誠不啻泰山之重何其視死
也乃若鴻毛之輕昔在諫垣屢有建白雖嘗危言以觸禍猶虞
老母之震驚胡今乃弗念耶蓋自倭夷肆亂海宇沸騰借我季

父倡義聚兵鄉族保庇續用有成迨季父被害寇勢縱橫焚掠
四境攻圍郡城時弟老母寓郡身留祖居寔迫蹙而靡寧因整
旅以赴援拉憲帥而誓盟豈意寇過中道禍成不戒而大命之
俄傾是吾弟之死上以為親下以為民非徒慷慨一試以倖功
而希名維第樹立卓可紀稱憲政佐郡直毅在庭砥礪名行古
道是程雖微一死炳若日星而况奮不顧身以殉君親之急若
是乎烈曰錚曰國有卹典鄉有芳評承家有子振采蜚聲是為
不朽是為義榮是天所以奪彼與此而不負乎平生幼同志業
念予弟兄意氣相許道義相成一旦永隔能不悵恨于幽明矧
兵燹之後宗黨潛替凌而復失此領袖眾將何所依憑悠悠我

思英之爾靈昭回磅礴結為休禎其有以迪我贊我而翊我宗
祚于冥冥

祭僉憲九難公

亦是台州黃巖寧川族祖

天生賢哲世道攸需維邦屏翰維族表儀哲人云逝里巷咸咨
矧繫泉靈痛盡何如窈念吾輩德業相期歷任中外政績可稽
遺榮好遜先後懸車居雖曠隔聲聞數詔側聞雅尚閑閑息機
愔宗崇礼結社賦詩冥心泉石抗跡塵縉赤城天姥山水多奇
寧川祖里爰集英耆風言要約杖策追隨載修信睦共講恬愉
云何弗懇奄忽長辭訃聞驚悼相對涕洟幸有哲嗣式懲衍慶
餘令德邁種具載口碑發為詞翰炳若懸絜志業未竟不朽在

茲爰有賢助聿表刑于比德借老彌性同歸考祥視履無憾庶
幾第我宗屬莫遂瞻依感念疇息尤切惻悲臨風溯奠敬侑以
祠神交恍惚望轉淒其

祭從兄署丞見鶴公

惟我大父昭燕發祥父叔濟美而諸孫承序餘慶兄為雁行之
先始仲父之當位也聲焰方灼而兄盛志文學規猷等于臺舉
經術暢為窮研操觚授簡詞采蔚然才能意氣卓為貴介之翮
翮迨仲父之即世也志業未竟而兄繼緒進取清班簡于典客
雖度肅於鵠聯聲華日起勇返林泉撫松調鶴望之翛然而若
仙故不知兄者以為簡六而絕物而知兄者以為恬靜而樂天

若夫恂恪之容無間於幼賤謙恭之德不倦於衰老世稱鞠躬
君子大雅溫溫者撥之兄亦奚讓焉矧厚稟之鮮疾更視履之
安便謂當優游未艾鶴林南望將百歲以流連胡昨冬之偶恙
乃甫周而棄捐嗚呼世界缺陷福履難全槩先生平所享壽偕
豫順孫子可傳取於造物者已厚雖晚歲不無少躓而達觀順
化考終歸盡亦何憾於幽玄顏果等郡從少而同席壯而同仕
歸而同老前後追隨者幾七十年乃一旦舍我而去失此領袖
奚所依倚而仰瞻私衷孔疚白首同憐所以奉兄身後期無忝
于門闕者敢不敬以周旋陳詞薄奠有淚潺湲惟英靈之式好
枕陟降于楹前

祭景銘姪

嗚呼景銘而止于斯爾生何為爾往何之天道福善吾今則疑
胡畀之厚而數則奇維子令德麟趾鳳儀匪家之畜惟世所希
蚤歲特立聖賢是師撫謙履信力踐精思維國茂才維家肖子
維宗哲人維鄉善士維學益友維教嚴師懋此矜式眾實賴之
胡天不弔乃弗勗遺豈翳家難吾道其衰半半山文會爾東其
麾子今長往予輩疇依昔與我嘆友道陵夷十年締會此事今
稀人事得失聚散罔期得保俱存為樂庶幾子言在耳胡遽我
遺松蹊竹圃山顛水涯豈無佳賞倍于慘悽亦有簡帙手澤所
遺傷心撫卷有淚漣漣載惟永訣戰兢是持遺言疊之厥志可

稽平生力學豈曰于時家貧親老筆耕是資祿養未遂而及詔
罷君子成親令名是昭富貴磨滅壽考莫裨今子云逝行道涕
洩譽滿鄉曲不朽在茲度幾無忝以慰爾私在昔孔門厥有顏
氏與子同庚天奪其齒疇昔之夢厥兆匪虛子亦願徒希之則
是隕石半山峇嶺載示哲士摧傷運化所豫豈鬻宗祊邦家之
瘁維子英靈正氣所萃結為休祥磅礴天地意氣感孚神明攸
降尚冀贊予不替策勵幽明相期惟此而已故予輩所深悲者
哀賢之情而與予所共慰者達生之理
今未祭經元景昭姪
嗚呼景昭胡遽止於斯耶千里之駒蹶於中道九萬之鯤展于

泥潦予安得而不痛心也耶往歲之秋天奪景銘盡心摧腑迄
今未平慘茲降割爾躬復丁斯文之禍門祚之零予安得而不
痛心也耶念吾與爾幼同志業泉石聯盟道義攸攝兩試春官
載同跋涉爾既抱疾疚憂心忡忡扁舟北返卒業南雍就醫假
館力疾相從予贊爾歸豈為過計冀安爾哀以便調劑孰謂難
鳴山房遂為永訣之地也莞々寡室悲號籲天高堂垂暮淚眼
潺湲命既弗永允復斬然予安得不痛心也耶嗚呼死生旦暮
幻化遽遷俯仰宇宙孰果長年苟斯名之不朽亦無論於殤錢
達生匪誕委順維賢爾其會景銘于地下握手相勞而質以斯
言

平五公等豈曰甲甲資跡空筆棘是資款春未也而心語

祭李太夫人

木難照乘產於重淵昭華連城種自藍田名賢誕降有聞必先
惟靈聖善內美紛駢篤生哲嗣玉裕珠媚晉司審勿謨猷載宣
相業炳焯帝春懃倦式昭慈訓誥錫鸞翮昂養游壻孫允蟬聯
耄期甫屆溘爾賓遷算範五福殆履其全生榮死哀遺憾可蠲
惟我元宰純孝自天斬焉在疚銜恤言旋儀型暫逝曷慰具瞻
既傷且弔肅薦几筵有辭不腆用表微虔

祭叔祖母卽恭人

維母鍾美右族茂著令儀相我春翁宦學攸資柴桑歸老隱操
同持發祥令子振耀彤墀桂芳蘭茁更茂孫枝偕老燕喜載沐

思輝緬懷賢母貞淑惠慈式我家族靡不瞻依祿養甫及天不
懃遺栝棧飲慟風木餘悲睠慈全福耳目所希矧爾餘慶寵錫
尚貶榮哀式備亦胡憾而歲聿其暮即遠有期陳觴一奠薄申
我私

祭族母貞節葉安人
臣忠婦節天地正氣為國為家綱常攸繫維婦苦節事尤不易
安人蚤娶栢舟自誓艱辛備嘗節操愈勵雖有繼子莫可倚藉
念此莞可為流涕茲焉考終奉歸合窆會首九原庶幾無愧
國有恤典尚光厥世臨祖一觴哀賢之義

祭叔母薛安人

夫享耄齡之壽際重慶之榮斯亦造化之所篤厚而不可多覲
 於人生維安人以蘭蕙之質閨閫之英蚤承雁醮肅戒雞鳴內
 則罔替婦順咸稱迨香軒翁之見背撫藐孤以伶仃內外壺務
 悉萃經營憑遺經以訓子貽厥孫而顯名安人優游耄耄慶會
 寵靈蘭芳繞膝喜燕喜充庭意晚福其猶未艾而期壽可以游
 仍胡佩纓之條委乃靈馭之上昇翳考終而備福亦何憾於幽
 明果夙瞻孃範醵薦飮馨悵徽音之日遠而昭格之難憑意與
 杏翁邂逅象室其將叙家庭而慰藉于冥

祭先嫂張安人

夫稱賢母者取徵於哲嗣而貴勢不與焉尹期賢養孟以三遷

仲即原明之令德而本於聖善蓋自古而記旃若安人之淑孀
合疏戚遠邇而無間孝言孝敬章于內助慈惠洽夫姻婭有美
諸嗣大雅翻之伯氏負醇儒之譽仲季齊俊彥之肩雖蜚騰格
於時會而振采敷文于士林者已昭夫慈訓之傳矧積善餘慶
有開必先安人相我友菊公咸有懿德宜允祚之餘延今曾孫
繞膝秀發森然是食報其猶未艾而有待于既定之天嗚呼耄
齡甫屆共祝百年胡慶觴之未舉而總帳之未舉然安人閱世
既久變故多端榮枯消息稔已達觀茲東化以歸盡庶生順而
死安余托知令子休戚情關悵微音之莫嗣望素幕而銷魂爰
薄奠以陳誅用慰藉夫九原

祭從弟婦張安人

安人之歸於吾門也四十餘載而貞肅之風勤約之德稱於閭
內外者允矣士女之賢其相弟我第氏也孝養夙致賓祭唯虔
總家政之纖鉅甘勞瘁而仔肩其式穀爾子也大義是勗經旨
能傳不為姑息之愛而操約束之嚴是相夫訓子安人蓋身任
其責而且俾吾第內顧之無牽今緒業闕于昌裕子輩嫻于文
藝孰非藉于內助而然念生平之多疾輔醫藥以引年矧拮据
於夙夜衆咸訝而慰憐迺茲望耆偕老孫枝滿前是取于造物
者已踰夙願而乘化長逝亦奚憾於彼天顧予等感念終始咨
嗟而悼惜者弟氏抱恙而靡視子婦安養而弗待二三妯娒白

首群聚而先背安人未散之魄知亦不能無悵于幽玄嗚呼有
往同盡澤永栝捲陳詞崇俎遡風淚浹惟淑靈之不昧儼陟盤
於雲駢
驚箴
其責左箴
惟皇降衷昭哉有赫罔念為狂彼昏斯惑心逸日休曰惟作德
爾懈于修眾何以則勉茲身心夙夜警惻毋為壽張毋事矯飾
毋惑後言毋行胸臆犯無怒藏施無德色語無誇毗行無伎刻
慎三眇微起居食息大雅溫之小心抑之卓彼先民允矣我式

右箴

卷八

物與无妄帝命罔私中孚起信聖訓昭垂為詭為譎民憑日赫
高月鬼瞰屋漏爾知隱衷宥審疇曰可欺一言失實人謂無稽
一行詐偽人蓄群疑寸心不檢生平以虧人固爾貳汝亦悔之
相維君子信以自持幽無神責明無人訾眚二慥二賢聖是師

四戒箴

荒耽沉酒昔戒濫觴宴安衽席醜毒靡常崇賄賈怨構恣貽殃
孰羸孰縮孰懦孰強析較毫忽如鼎沸揚終以胥溺如決斯防
哲人炯鑒敬畏靡忘珍陽葆粹齊聖自將屏彼銖算泯爾低昂
維貞維靜知微知彰淵兮止水澹兮立霜操之兢惕迪我平康

四維箴

...

禮義廉耻稟乎天彛綱紀百行是為四維立身行己權衡以之
爵可塵視志不可緇生可蹤棄操不可墮進退辭受憂悔固知
安常蹈變檢鏡靡渝相被污澤穢濁所遺淵澄嶽峻高潔攸推
人靈百物名節是支正誼明道繹之我思庶以修慝無忝男兒

戒殺生箴

凡厥庶物肖形於天愛生畏死蠕動同然人饜百味水陸致前
維彼家畜飲啄自全取用以節亦何已焉乃窮口腹屠殺靡厭
彼雖蠢爾人亦宜憐錐刀將及宛轉避遷痛鳴苦迫血汗猶泉
聲聞甫息曷鑊沸煎剗鬻羞膳侈為肥鮮筋無餘味席有彙捐
日或用一久將萬千傷生忍殺戒于冥銓暴殄洗腆誨之名賢

瞿之惜福毋忽予言

名

硯銘

爾默默爾渾渾方而不利黯而能烜用之沛然昭于藝苑吾爾

友矢弗護

漏銘

晝而夜不違其則循而環不間其息漸進而時行維水之能酌

盈而濟虛維人之力

日晷銘

日何以測爾表樹也禹何以聖爾陰惜也玩愒之徒逝不與也

惟爾示之庶其有場也

小鐘銘

維鑄斯貞維懸斯枳昔厠天球今列吾祀小而叩默而聲庶幾指使身不益其與誠西朝不問其是神聖而報計猶未三雅會

石磬銘

光之潤發於泗濱形之折象于哲人間之四達曰維金玉之音

酒器銘

盛以觴虞其傷也酌以卮防其危也為觚為觶戒其孤

與單

也

手其器義其名節飲而頤神庶乎其齊聖也

大理石屏銘

見山思靜見雲思變見石思貞是屏也點蒼洱海含晶耀靈其
靜而變之而貞可以比德而盟

瘿木梳匣銘

梗枿鬱盛以成緝錦之瘤鬢髮去落乃同金石之壽物之見疾
者見珍至柔者至久吾其為堅白之守

大德寺鐘銘二首

首山輸精大冶效靈不窮不櫬隨叩隨鳴福緣胥合大夢由醒
永保金剛以鎮化城
質鎔洪造名錫景暘十方功德八音紀綱冷鳴協度息曠稱良
晨昏候報今古聲揚

贊

老子象贊
指木為姓生植晚周閔尹望氣函谷青牛經傳道德守玄致柔
猶龍起嘆互寶稱優惟聖知聖誰謂道家者流

西王母圖贊二首

得西方之真氣先後天而不違植蟠桃於崑崙參漢馭於瑤池
生起萬劫元化攸司何幻形之靈現驂鸞御恣而載見於斯

侍郎卓公像贊

汝翁之英巋然偉器金玉之姿凜然生氣至大至剛道義克配
發為文章星斗斯麗建此謀謨社稷之衛匪躬靡家抗節
何彦

昂獲如飴爵祿焉冀不負其君見許先帝夷齊並稱王魏云愧
一厄匪輕綱常攸繫赫々英靈極天蟠地立燻庶頑風乎百世

通政溪橋翁像

於乎此我先大父之遺容也昔也侍于燕喜今也瞻于陟降而
愴慕切于吾哀愉色表其慈煦粹容符其謙冲生膺備福榮哀
侈于錫典沒升廟食美報昭夫立功卓哉明德之遠哉矣慶澤
之隆其惠我嗣續無窮

宗兄鶴溪公像贊

子為宗兄鶴溪公像贊金紫五綬名滿天下出於此而歸於此
風月襟懷烟霞體質言清而行亦貞見達而心自逸引鶴寧溪
長吟抱膝爰締盟于商山豈索價于少室殆葛天之遺天民而

與河上漢陰同其介律山豈京師毛戈室說慈天三數九為

風月小像自贊亦曾言前兩許亦負其重而以自

予為山澤之懼胡為乎金紫之紆予為天地之迂胡為乎福澤

之需一念不欺生平之所自許有餘不盡庶其還夫太虛

計讀末數語敬仰我伯祖德業兼隆理學所宗其表裏之如一

計內外無殊稱洵非末世誇諛所可擬其萬一也詹堯褒真子謹書

餘老以在夫夫人之數容也昔也都也

此知數辭辭辭

垂辨跡常琳馨極之靈曰天賦此立於萬一

其難吹發萬絲萬葉不負其教果格夫帝英密道

玉介園附集卷之三十八

玉叔果半山藏稿

族孫賡堯褒真子謹鈔

雜文

贈郡侯斗岡李公入覲帳詞

伏以乾龍肇御萬物協利見之誠離象重明羣后肅朝宗之典
儼天顏於咫尺顧周道之委進望切停雲思沾湛露恭惟門下
學擅儒宗望彰世美留都筮任隱數萬之甲兵越海分符圖三
干於禮樂庶僚藉其綱紀覩鈴閣之畫閣多士獲所依歸慶門
墻之春郁生明作廟更持冰檠之操決滯剝繁共羨霹靂之手

山多虜虎爭負子以渡河歲苦蘊蟲式化霖而霏野海上烽烟
坐熄境中釐火不驚化洽黔黎名先薦剡豐城瑞氣豈徒侈乎
物華南國崇陰行見騰乎輿頌禁贖遺乎合屬咸快肅清委印
綬於崇朝略無繫吝治行信為踔絕舉動可謂光明者矣某等
心濡道化身怙庇休解珮蓁莫遂子民之願望塵想采益動神
明之思尸祝徧窮鄉願冠君為之再借袞衣歸上國恐鄧侯挽
之不來聊陳下里蕪辭用表東甌遺愛白詞曰碧空初過瀟湘
雨候雁南征度江水刺史風流鸞鳳翥龍雙旌五馬青山紅樹
飛蓋翩去玉闕銅雀高如許回首東甌舊游處此碑已載
行人語日耀金宮風清璇陛天上陪星履

右調青玉案

贈郡侯洞嶽楊公入覲帳詞

伏以飛龍御極萬方觀肇曆之辰振鷺充朝群后謹求章之度
循良首標乎列郡功庸明試于九重夙戒星馳式瞻畫接恭惟
門下三湘毓秀九畹發祥偉望震乎岩薈英聲動夫山嶽天臺
執法朝瑞端風仰霜威越郡分符海外胥沾霽澤方擬戴星之
治倏動望雲之思念切報劉靡易三公之養恩垂借寇頓回五
馬之春順土俗而宜民情由儒術以飾吏治板板乎刃游若有
餘地休休焉海納何所不容三軍之感餉給之克歡聲雷動四
境服刑清之化協氣春融烽堠靜於先聲妖魔懲于獨察座銘

昭揭檢身奚待曰知與頌揄揚當官不愧三事周公瑾醇醪既
醉趙成子愛曰可親肆秀發麟祥已見玉環之授而慶重燕喜
疊承錦誥之榮幸壽世之既康徵仁人之有後聲騰遐邇瑞應
國家頃屆述職之期祇切望塵之想囊琴携鶴行看熊軾載驅
增秩賜金快覩龍章晉錫凡在章逢之屬均叨網紀之功移孝
為忠願挽循良之駕懷寶賢慕懿載歌蔽芾之章望悵鴻飛謠
陳驪唱詞曰民力東南嗟欲竭由來休養需英傑君侯卧治
軼淮陽身史流風遂烈豈弟民胥悅貞標皎皎映冰壺潔喜
政成不讓龔黃最續書天闕也知令伯陳情切士民懸想真
飢渴人心天意萃禎和壽母麟兒慶祥發忠孝全高節勲名指

日登朝列願茲行再借公車化澤覃甌越 右調歸朝歡

贈邑侯介石玉公入覲帳詞

伏以名賢卧治絃歌覃海國之春令典肇新政績奏天朝之最
儼駉駉于周道集鳧鷖于虞廷慶際泰交寵承晉接恭惟門下
望重岩廊名齊山斗藝林絢采光搖潁水之英花縣分封澤沛
甌江之潤利器特施於繁鉅福星借照于瘡痍政本照明洞然
青天白日体存博大允矣喬岳巨川催科先撫字之仁校藝收
得人之慶操持水蘖不云暮夜無知化洽菁莪式咏陽春有脚
本經術以飾治挽回鄒魯遺風崇古道以齊民茂著龔黃美績
措紳想其風采黎庶得所瞻依屬述職之屆期肆求章而來享

某等周旋教益仰庇仁休旃旒遙驅快覩朝陽儀鳳袞衣在望
緬懷遵渚飛鴻輿頌滿東甌莫遂扳留之計棠陰庇南國敢忘
培植之恩用綴燕辭爰陳騶從詞曰 白鹿城頭喧疊鼓風送
仙槎發江渚雙鳧直傍五雲飛 白音河陽花正韡鳳鸞霄漢翥
枳棘維應暫棲處詭化咸成豈徒三年已見民歌舞 使君聲
望俾單父臨風漫把搖琴撫停雲江水挽霓旌非烟叢裏參鸞
序聖皇新御宇疇咨清問同堯禹念東南民力竭矣好為陳當
字

右調歸朝歡

贈邑侯蠡湖伍公入覲帳詞

伏以聖曆開元萬國仰垂裳之治仁賢奏最五雲瞻飛寫之輝
肅令典於肆朝荷垂息於三錫度靈鷲序望儼駉駉恭惟門下
上國竒英西江偉望五花夢筆瀛洲占甲第之華百里分符越
海被絃歌之化賢聲蜚于上路民瘼悉於下車理劇刺繁決事
優乎游刃推誠御衆催科晏爾垂簾教澤荐被于士林德意誕
孚于黎庶稽田均賦宿弊為之悉蠲問俗采風雅音因而間作
飾吏治以文學回枯槁于陽春麥秀續美于漁陽棠陰興歌於
南國績成三載聲徹九重頃屆明試之期式戒趨朝之度某等
涵濡芳潤仰庇恩徽方父母之具瞻屬廟堂之注望指長安于
日下行看驪馭遙驅念并州是故鄉切異衮衣信宿遷喬有待

借寇何緣爰採民謠用陳祖席詞曰象浦潮生霜月曉中流
鼙鼓催征旆雙鳧直同向彩雲翔影落清江避飛鳥降泰隆周
道春回鷓鴣祥光繞想金門會弁如星式燕歌魚藻中牟惠
政書上考雲程萬里從茲肇宵衣望治需循良御屏蚤見芳名
標烽烟連海徼軍國徵輸殷歲杪東南民力已難支願為陳天
表右調歸朝歡

致大司馬楊公榮任啓

伏以虎帳雲屯威望已加于六鎮龍章天錫恩榮申眷于九重
茲當旛旆之言旋式遂袞衣之快覩邦家倚重寮屬騰歡恭惟
門下才資英雋識蘊淵宏懷方叔之壯猷負晉公之雅望文武

展為邦憲忠孝本自家傳應運篤生允矣兩儀間氣為時宣力
 沈然萬里長城頃因羽檄之交馳廼承簡書以委重既整軍以
 經武亦開誠而布公在宣大已收戡定之功於薊遼尤見撫綏
 之畧威惠宣而三軍感奮風聲布而羣醜震驚思紀三錫于韓
 門姓氏宜登于麟閣邊防既載戰既紓北顧之憂召命寵將式
 叶南征之吉某等謬造官聯肅瞻道範竊幸蘭金可結深慚葭
 玉相依蓋如合爨以居而應門得主亦若同舟共濟而操柁有
 人茲賴弘多懽愉倍衆謹戒合屬穆卜剛辰預請馳道以傳呼
 仰候屬車之蒞止敬修緡簡用苦僕夫
 代本兵致徐相公啓

伏以昂鉉回春海宇仰昭融之化需雲垂象君子當宴樂之辰
緬懷退食之委蛇竊擬摠衣而晉接恭惟門下自嶽降生惟天
純祐脩祀樂以匡皇極掌綵綸而代天工入告謀猷躬勤吐握
既勞謙而得士亦清靜以寧民王上特眷其忠天下陰受其賜
直舍命營于內苑夙夜在公安車駕重于外朝尊榮特至功高
而德彌邵位極而禮愈恭凡忝屬于章逢悉叨容乎陶鑄某等
謬塵鄉佐預典戎機自揣凡庸惟覆餗之是懼仰承德教肆授
榮之有光何幸得侍清光庶幾少申積悃願垂休沐之暇敢稱
燕喜之觴躬操几杖以相從伏冀門墻之麾納委重

世司馬坊上梁文

世司馬坊上梁文

伏以邦政世司武纘奇曹之選風聲載樹用增宅里之光棟蓍
早覩重芳奕葉遠誇繼美西華主人素甘沒朴謬廁登庸退處
江湖者六年寤寐英賢于千載頃緣公車之促乃膺夏省之除
武庫分符先大夫芳猷未泯職方接武白小子綿質奚堪漫謂
胸富甲兵自許家傳詩禮涵沐聖天子休命遂有世司馬徽稱
仰藉臺司奚崇綽楔畫棟輝騰於華蓋璇題光映于墨池岳海
之靈攸鍾爭占人傑棠棣之室不遠可式吾閭世美竊比丁公
傳芳庶幾王氏龍翔豹變式瞻開闢之榮鳳翥鸞迴快觀文明
之象鴻名昭於題柱偉頌侈於升梁梁之東華山秀聳碧霄
中百尺靈光燭文筆詞人烽鋒焰吐長吐梁之西紫芝瑞鹿

五雲齊莫道 仙人能跨鶴登雲自信有天梯
梁之南三溪水 合會澄潭中有魚龍需變化爭看頭角已珍珍
梁之北萬頃 長江天一色 龜呈鯨掣不揚波
夷貢梯航通上國 梁之上斗 極離
涵萬象 九山環列應璿杓 陶降甫生色增色相
梁之下 下百尺長松遠 吾舍右軍池上墨花飛
自有奇文擅高價 伏願上梁之後 民風日美文運天開
比屋多絃誦之聲 四境樂循良之化 幼而學壯而行
有光前哲先吾憂後吾樂 無負晡明時 載續鄒魯之稱
永贊唐虞之治

重建海上鍾秀坊上梁文

伏以龍翔虎變際百年禮樂之期嶽峙川迴啓一方文明之運

縉紳胥慶文獻斯徵西華主人夙承家學世受國恩偶賦歸來
非無心於用世編懷尚友竊有志於尊鄉惟東甌故有小鄒魯
之稱而吾鄉獨據大羅山之勝扶輿孕秀已洩乎于人文桑梓
連陰遠多乎士族提封幾三十里比屋崇道德之風開國踰二
百年諸科極賢良之選雲垂華蓋占嶽降之開先沙漲海壇驗
謠言之不爽芙蓉發瑞早掇倫魁棗萼重芳爭傳世美鴻名昭
揭於孔道休設播頌于當年顧今柱石徒存須信江山有待迺
稽眾議再飭新規獨任經營敢煩里旅兼修並錄用亦同野之
亨傳採旁蒐并見泰茅之吉豈惟侈邦家之盛典抑亦為鄉曲
之美設孝子慈孫式快於瞻仰征夫行旅且便於居停合庶姓

之歡心成一鄉之勝事試看吉日升梁定兆他年題柱 梁之
東盪樣滄溟瑞靄紅三月禹門桃浪暖一轂雷動躍神龍 梁
之西海國村 綠蔭齊丹桂飄香來月窟倚看畫棟續新題
梁之南茅嶺盤雲擁旆驕已慶英賢方彙進不妨樗散卧江潭
梁之北五雲深處開皇極江湖魏闕本同情正喜明良感一
德 梁之上群山巖窠羅屏幃因依榆柳自成村可信民風遂
揖讓 梁之下一望盈疇多美稼家家耕讀足生涯擊壤行歌
樂王化 伏願上梁之後文教聿興士風丕振地靈益鍾夫人
傑幼學不負乎壯行衍東甌道學淵源無忝先哲建明時經綸
事業載贊中興海甸無烽火之虞士民有室家之慶式增榮於

宅里永作鎮於江山

兄弟進士坊上梁文

伏以天朝接武聯叨甲第之華宅里彰賢快覩文明之象慶昭
世美事擴前稱主人夙承家學存沐國恩幸劍明揚嘗與聞乎
禮樂勉懷忠孝竊恐愧于科名粵甌邦自屬明興惟兄弟未聞
第同第名齊雙鳳早傳伯仲之榮美濟二郎偶忝甲科之選鄉
人侈為盛事當道錫以羨貲遂揭新題爰崇偉構畫棟奪斗山
之秀雕甍潤蜃海之靈風鼓樹于通衢繪彩連乎名鎮之三蘇
之英譽顧藉表章匪二宋之巍科徒雄瞻望棟莩芳重於奕世
柱石勝甲于一鄉式舉虹梁忽臨牙纛試唱兒郎之偉用諧

里巷之歡 下梁之東 華蓋陰團 五粒松中有靈光 明徹夜天衢
應與紫霄通 上梁之西 翠擁暘湖竹 樹齊占得魚磯 真絕勝何
須更問武陵溪 下梁之南 吳吉風高 染碧嵐文筆 染來增氣槩
硯池波影淨 拖藍 上梁之北 日浴甌江流 五色鯨鯢擊盡不揚
波 四境絃歌 真樂國 上梁之上 斗墟瑞氣如龍狀 星文正應海
壇沙 莫訝童謠 歌出相 上梁之下 鈴閣春風 政多暇 年來民俗
已遠 鴻擊壤 熙熙樂王化 伏願上梁之後 民生咸泰 文運維
新 仁賢軼古 循良英俊 爭魁科甲 居鄉鎮 雅俗多崇 禮樂詩書
濟世 待真儒 可作監梅霖 雨橋梓 繩芳於聖曆 鳳麟薦瑞於昌
期 喜乾淳 鄒魯同風 為甌越江山 出地色

重建漢東甌王廟上梁文

伏以聖人神道設教緣順民情國家享祀報功載在令甲故立
廟垂文於萃渙而置社會賽于春秋惟王胄本神明功存保障
啓徵封于炎漢膺秩典於天朝功德懋著此鄉廟享非專一處
附郭者頃就傾圮吾仲氏已任作新若祖鄉尤切瞻仰予茲役
豈容武後延命兒曹經度不煩里旅鳩工緣故址而拓新規踞
離明而成壯觀江山有同帶礪香火土薄雲霄棟宇宏新崇百
年之勝果春秋美報萃四境之歡心不踰時而告成意神功之
默相爰升梁而唱采期笑口之同開梁之東禹跡茫々瀚海
空奕葉神孫能續緒只今甌越有提封梁之西天作高山莫

與齊玉宇宏開來爽氣野橋分渡有雙溪
 梁之南天馬峯高
 擁翠嵐頓歲風烟多報熄三春民業樂耕蠶
 梁之北江城雄
 峙當辰極一方形勢已全收百年保護憑神力
 梁之上端冕
 垂旒肅遺像氤氳香雷煇金貌化作祥雲胥蕩漾
 梁之下樂
 歲鄉村通八蜡娑娑醉舞扣盤歌爭道神庥宜賽謝
 伏願上
 梁之後萬彙增榮百靈效順禮樂興而人文炳蔚錄役
 而民
 力普存園兆姓于春臺玉燭之中保四封有金城湯池之固讓
 耕讓畔里有仁風多黍多魚人歌樂歲地靈鍾于人傑福極錫
 於生民世世焚脩共仰威靈有赫時時報賽永綏吉劭無疆

宗祠重建門廊上梁上

文

伏以禮祀肇稱蚤覩翬飛之美堂構弗任重詔燕翼之懷肆禮
門乃出入共由而瑤廡為燕饗仗集不新陞緒昌稱榮觀主人
詩禮傳家江湖閱世名通朝藉嘗寄輿於閒居帑有俸餘每不
忘乎義舉維先公志存合族酌古典義起宗祀祠寢成孔安幸
見瞻依之肅享祀不忒尤嚴訓誡之條履經冠發以無虞尤賴
宗公之有慶適垣堡鼎新之際屬門廊草舊之期繫締造出自
先猷而營葺有待今日乃勤議畧載整悒懔俎豆增光固有閑
于庶姓祖宗積慶念已萃於一門用是輒捐已貲不煩族黨鳩
群工方為經始不踰月即覩成落成橋引雙虹覺塵囂之遠隔
門羅百雉喜拱護之森嚴制雖仍舊以為新地則鍾靈而踞勝

雲標閶闔對羅嶠以崢嶸日轉廊廡接甌江而掩映惟知奉先
之當筵敢謂亢宗之有人式舉虹梁共申燕賀聽余祝頌諭爾
工師 梁之東喬木門墻綠蔭叢但冀仁風行里閭敢誇甲第
冠甌東 梁之西群峯屏列與雲齊桂闕高秋香萬斛天風吹
送野橋西 梁之南四野芳菲雨露覃萬莫訝上林花信早春
風一日到江南 梁之北瑞日祥雲天五色衣冠世沐鳳池恩
永夜瞻辰惟拱北 梁之上奎壁搖河漢漾漾吾宗文運屬方
昌閭情早寄滄洲上 梁之下雉堞環江真若畫願宏式廓庇
蒼生端居豈遂忘天下 伏願上梁之後宗祊協慶海宇安瀾
民戢干戈以事農士富詩書而學道講信修睦風聲樹乎一

鄉崇德報功仁孝孚於九族益衍箕裘之澤茂增俎豆之光永
庇前休同綏後祿

上川祖祠上梁文

伏以居第傳子孫念勤桑梓營室先宗廟禮重蘋蘩矧保障已
樹一方而裡祀宜崇百世迺新偉構用妥先靈主人學紹家聞
慶承世積甲第重芳於伯仲祥祥源濬發於高曾橋翁宏詔燕
之猷花封貶秩屋考歷司馬之選徽省辭榮德原表于茲軒休
光垂于沒世橫塘卜築堪與家物色攸歸舊第專祠先君子孝
思維篤頌緣夷警移就郡廬雖俎豆暫托墨池而根本不忘英
里相堡隅爰除吉壤課兒曹特創新規左海右山已宅中而撫

勝前堂後寢式萃渙以居歆將群弟子誦習其中賴吾祖考昭
臨于上奉天子錫命于茲對揚念大夫繼宗於為世守思徽光
於先德孝敬示乎後昆喜堂構之維新幸明禋之弗替試唱兒
郎之偉用諧采鄙之歡 梁之東新築沙堤宛若虹橫蔭滿地
庭芳翠積懸知培植自先公 梁之西群山聳秀映新題簫舞
洋洋歌祖德太平鼓頌續鳧鷖 梁之南雙溪水滙淨浮藍源
濬流長鍾慶澤漫誇富壽與多男 梁之北海市年來價不飾
楚茨良耜已同風隴上躬耕供黍稷 梁之上新宮奕奕昭靈
爽貺霽朝恩命賁幽明虎拜鶯呼時吐向 梁之下脫却名縉
自閒暇尊鄉收族藉前休莫道兒孫竈能跨 伏願上梁之後

泰運天長家聲日振勿以富貴福澤之原益崇敬讓孝謹之風
服休采不愧科名處華腴知畏門第念本支於一脉愛廣同仁
期夙夜無忝所生行求作則積善有餘慶爭傳五桂奇芳明德
多達人世衍三槐休澤親親長長永保宗盟子子孫孫茂綏後
祿

堡中新宅上梁文

伏以雉堞崇環已樹一方屏翰菟裘載構用昭百世悃懃具慰
宗黨之具瞻信江山之有待主人業紹箕裘才同樗櫟雖嘗過
歷中外不忘寤寐林泉慕河上玄澹之風存柱下止足之戒遺
榮招隱與芻蕘而為徒親族善鄰本孝友以為政念祖宗根本

之地未敢中捐肆江村兵燹之餘宜究安宅刳建祠收族已裕
乎先猷而幹蠱承家當返乎初服彼靖節從居栗里猶歸憇于
上京而六一託寓穎昌終繫懷于吉郡蓋君子不遺其舊而人
情樂所自生用尋松竹之盟載結粉榆之社因故墟幸逢吉壤
諏大卜適獲良辰爰議略以鳩工遂開荒而考室碧山屏擁若
為門第增高滄海帶縈更見川流會秀地靈載啓世澤攸鍾惟
花萼相輝克薦友于之慶故竹松芑茂共成貽厥之謀率作付
之見曹不愆素計經營裁于臆斷罔溢前規漫擬江左世家誰
識急流人物向陽堂室偏宜葵性攸傾近水樓臺時聽菱歌遙
遞門庭跬步堪有事于西疇簪紱累朝敢忘情于北闕彛梓於

焉可息花柳更爾無私某水某邱指童年釣游之所一觴一咏
 開耆英會聚之堂四鄰聞喜以感來六偉齊聲而贊頌 梁之
 東海國風烟到島通最喜年來烽^堪入熄郊居無事好明農 梁
 之西大羅縹緲與雲齊萬疊龍神從此駐平原分界有雙溪
 梁之南天馬峯高梁碧嵐漫說公侯堪立致山入奕世早抽簪
 梁之北黃石峯頭雲五色江湖新起望宸樓不用乘槎探消息
 梁之上此心本是天來樣要令天下總歸仁豈但一方資保障
 梁之下霖雨歡聲騰四野一川秋水已增深魚龍變化應相
 訝 伏願上梁之後海宇永晴歲時常稔族屬率趨于好礼里
 名不愧于攜仁國課早完罕覩催科之隸賢書彙薦時來報捷

之伴富貴祿澤厚吾生禮樂詩書敦世訓熊羆夢叶內庭早應
先禎雞犬聲聞外戶可以不閉坐鎮雅俗益顯文明

堡中左宅上梁文

伏以聚宗收族已宏保障之國燕子詔孫載理堂構之緒聯第
漫方森桂卜居窳擬浣花固將樂吾自生亦以卜云其吉主人
志希先哲慶席前休經綸愧于科名箕裘託於詩禮際聖明雖
嘗遇歷中外甘迂鈍早已退處山林念桑梓之地可依而垣墉
之險攸設遂肇菟裘之構爰為允祚之謀顧蘭玉日繁闔門豈
能共爨而棠棣具邇跬步何異同居乃于上川之原載麟左方
之室門迎巽水流長碧合昭源堂倚庾山秀聳金居兌位風氣

於焉萃止宗邠得以永親方寸地期留後人千萬間奚羨廣夏
緬懷李翹戒諸子侈其門閭妄意于公令他日可容車馬未論
爭流人物聊結洛社耆英從茲避燥濕暑寒惟其塗壁茨丹履
暫延梓匠試為題柱之謠且逐兒童共和繞梁之韻 梁之東
浩蕩江湖入望中源引漢橋流滾滾發祥濬美果誰功 梁之
西羣山瀉處雙溪陶盡碧沙通壑口扁舟還恐武林迷 梁
之南雲天連天柱迴浮嵐傳說當年謝康樂題詩勒壁此停驂
梁之北黃石峯雲連野色春色處 試新耕我亦明農歌帝
力 梁之上歲星海上光搖漾東甌正應太平占願決天河洗
腥瘴 梁之下細帙牙籤高挿架但將詩禮課兒孫何用徵書

來勸駕 伏願上梁之後人顯地靈家宜天福誦聖謨祇崇孝
弟法祖德知畏宴安甲第冠一方行應翼宰之秀魚鹽安萬竈
喜除里法之繁思徽海賁于丘園禮讓式先于族黨某水某山
樂吾釣游若子若孫華其似續惟茲世美之宅允符永昌之稱

請建卓公祠呈

為表忠貞以崇祀事伏見戶部侍郎卓公敬原籍温州府瑞安
縣人登洪武戊辰科二甲進士第一純孝格天貞忠貫日當靖
難革命之際成慷慨損軀之仁不負其君見許於文廟尚論厥
世私祀于茲鄉然以沒官民房而寓其妥侑揆之百年廟貌豈
稱褒崇頃奉恩詔于南都建祠列祀群忠而公已叨殊典之錫

茲奏學政凡民間節義槩許呈舉則公復慶斯文之逢伏稽太
常寺卿黃公子澄竄籍崑山文學博士方公孝孺發跡寧海緣
有司祇承新詔于所居各樹專祠若東嘉為侍郎降神之邦矧
今日當朝命褒揚之會願令遺祠猶似乎湫隘夫乃彙典有曠
於遐方某等幸際昌辰用申義舉倘蒙明臺軫念特屬有司施
行另擇名區重新偉構或崇綽楔而表其榮觀仍加剝辭而同
於華袞豈惟慰忠魂于百世抑亦作士氣於一方

請建翼吉華蓋二山塔呈

竊間為高必因乎丘陵選勝宜稽夫圖牒故華表捍門居水口
地經有言層臺累榭基山巔騷山播咏匪徒游觀是取寔乃形

勝攸閩粵稽甌越建邦上應女牛分野跨九斗以成垣局迎三
溪而面離明巽吉霞舉以建標華蓋雲翔而拱極當二山高處
各樹浮屠在兩學看來真成文華既增崇高之勢式表休明之
徵爰啓地靈幸昌文運在趙宋倡明理學遂有小鄒魯之稱入
國朝益盛儒紳不乏魁甲科之選民風碩厚物產濟豐歷千載
以標靈擊一方之仰止迨至于正德末造肆及嘉靖初年屢值
颶風之勃興遂倡浮議而撤毀由是山川隱秀民士失瞻富庶
之風既差殊於往昔科名之捷亦寥濶于今茲物理乘除雖曰
適然之數天星列應厥有和感之機况兩峰在東南與府治縣
治遙參於几席之間而二塔居震巽屬斗柄斗魁並駕於霄漢

之表允矣昭地方壯觀復之真儒林美設工費孔多固期資於
廣眾經營伊始窵有賴夫威靈適榮戰之載臨信江山之有待
舉羸于時詘之際似屬非宜釀役於眾志之同想應易集僭陳
末議仰候鈞裁倘蒙俯賜允行寔為不朽盛事

重修資福寺募疏

鹿城據吾邑之會素號名區華蓋占九斗之魁上參列宿維茲
洞天福地妙在城郭山林修真者曾此成功望氣者因之稱盛
春秋香火祝國祚于靈長早暮烟霞供士民之眺覽仙翁肇通
真之榜宸翰更資福之名火于延祐之初復于永樂之際江山
仍舊歲月如流法宇頌頹寶姿陳味芳運草生而幾迷雙樹香

林塵積而誰演三車象教常興鷲車幸至亭謝公之遺址吊靈
素之遐踪爰命增徒重新規制仰感灵之普照何幸遭逢願經
費之浩繁莫知注措雖云物力允賴力謀特叩檀那恭求印可
伏願洞視三歸恢弘六度念施捨即為勢至修功德只在多羅
乘此甘露慈雲除彼愷風恬雨開慧花于大地結善果于心田
福緣不減作雲仍百世之祥姓氏流傳出江山萬古之色

重修仙巖寺募緣疏

天下名山多為仙釋所據人間福地每因聖哲斯彰故岱嶽孔
登香火四方奔走而武夷朱憇金碧九曲輝煌地以人靈釋緣
儒顯維仙岩佳勝寔跨兩邑方輿肆寶刹莊嚴欽荷累朝制勅

廿六福地曾具列於圖經第一溪山載標題于往哲菴傳伏虎
壇守淵雷潭遠卧龍瀑分梅雨石折三皇聖井門標七級珠輪
翰蹟流輝想考亭之過化書量巖壁識止齋之藏脩賢聲增重
於禪林壯觀屢新乎法界百年興廢顧厄運之今逢三教流傳
幸福緣之不滅江山有待草木回光問俗巡行數枉謝公之屐
登高感慨時揮太白之毫札白雲于上方灑清風于下界嘉惠
名賢俎豆兼整大地山河四大歸安然相雖閔于佛力諸天徼
福作興允賴于賢候念大厦構成非徒資于一木而鈞天廣奏
必有藉夫衆音惟羣力之普存斯宏圖之克就所願十方檀越
各念四果多羅聿新功德之場用佐山川之勝千金布鹿野苑

現證脩行七寶等恒河沙何當笑擲能脩不謬之果豈曰有漏
之因匪惟金石流光抑亦鬼神饗德

重建寶嚴寺募緣疏

諸天偉構恒倚托于名山三教並垂實優容乎于聖世肆廣劫
輪迴有數而叢林興廢有常不仗福緣曷新墜緒惟茲寶嚴禪
寺肇自趙宋祥符修於皇明宏治天間寶宇為清衆之皈依地
湧金沙綠嘉名之寵錫奈何星移物換不免棟撓楹頽雖佛性
炯爾長存而神通于何出現龍象筵空而法輪不轉菩提樹老
而佛日無輝幸遇名緇載恢法界抑託大家氣力式瞻般若靈
光念味觸色香一身俱妄而火風地水四大皆空援金剛劍剖

開性也荒榛持摩泥沙照見心源濁水宇宙事皆分內事今世
因即前世因長壽佛從心上修盡除煩惱無礙物財為身外物
何怯布施肯發一念慈悲頓教諸緣解脫如來藏所祈積少成
多梵王宮佇見鼎新草舊是在檀越極亟相衛城式增大地靈
光豈曰人天小果

條議事宜

與富道條議鹽法

本府五縣有五場歲辦折色鹽銀輸解官司國初優恤窳戶官
給牢盤草蕩免其雜泛差徭但今煎辦設鹽課司督之收貯於
倉商人賣引照付其法本善自引法既壞弘治初稍變令本色

折色相半今則益盡輸以折色舊法湮廢奸弊百生竈之困苦
不可勝言矣茲欲求通變之方垂永久之便在乎考究利弊而
酌議之也

一議私鹽之禁溫郡僻處一隅商鹽僅行於衢柘本府五縣官
引住買水程多所不注夫產鹽祇瀕海本鄉官鹽既不行於境
內則隅廂各鄉民間之食私鹽乃勢所必至據法厲禁適為摘
夫歐利耳前院議行小票以補官引之不及每票照鹽一百斤
納銀二分限以五日赴縣繳銷法似易便然鄉間小民苦於伺
候久之恐成額辦又貽積累故一行即止小票既不可行運司
於商引水程因量注本地但商鹽多仄難售常報鹽鋪戶極賣

彼納引錢無幾而取償于民者為利數倍其害甚烈故近日商
鹽罕注境內而私鹽不能禁止矣然私鹽之行不獨竈戶商人
就塲裝鹽運堆城外多稱引鹽及至驗掣其夾帶脫賣者前已
無算孰從詰問耶鹽捕夫每一名數人朋充星散四出山溪遠
鄉非捕夫之鹽莫及蓋彼每以買月報鹽為名巨船裝載任意
所至莫敢如何故近來私鹽皆捕夫自賣矣如寬弛鹽禁不問
民竈遠近人戶使皆得到塲鬻買則鹽之為利將與百物均此
於竈家實分其利於商鹽絕無妨碍也
一議捕夫之役夫設捕夫以防私鹽以濟官鹽也竈氓之肩挑
背負者法所不禁今捕夫與販徒黨而為奸每月有過關錢任

其載運而貧竈之負擔者則剝而奪之鄉村山谷布散巡攔甚
至假搜捕之名虐及子女不惟利其有而且逮其人及至官司
無所控訴悉以私鹽抵罪矣法例私鹽之禁祇防出禁境無使
商鹽壅滯也本局附郭河鄉原屬境內即許私鹽鬻買亦無背
立法初意若捕夫之設但量存若干人於青田交界處巡緝有
私鹽出境者獲論罪求於商鹽無碍可也

一議額解之數永嘉鹽銀除折色銀一千四百三十七兩三分
生縣於里甲派徵永嘉塲所解本色折銀一千二百六十一兩
二錢三分乃歲需常課也若禁補私鹽府縣亦以月報徒犯為
故常不可去者今查府一月限獲鹽九千八百斤船若干隻縣

一月限獲鹽四千八百斤船若干隻中界山巡檢司一季限獲
 鹽八千四百斤温州衛一季限獲鹽三千五百斤寧村所一季限
 獲鹽六百斤限鹽通共二十二萬五千二百斤鹽價每百斤定
 銀一錢五分船共一百隻船價每隻約銀五錢鹽船兩項共銀
 約三百八十餘兩捕夫充役者府二十名縣十名工食銀三百
 一十八兩六錢如總計鹽價船價徒價若干除捕夫工食銀若
 干抵數不足外坐竈戶措辦完數于公私益兩便也
 一議竈鹽之直竈戶負苦役以瀕海枯沙膏輸數千之貢已為
 不堪如今捕補額解之數恐難處辦各場賣鹽舊設埏鹽數區
 併入人幾人今擬查復令場官僉人管埏或于竈賣鹽時比時

積量加分毫略微閩津抽稅之例微取報輸以足限鹽徒價前
數議處便宜似亦不為費擾也

一議倉鹽之官累官倉存積數獲鹽及月報鹽率出捕夫輕價
所買灰多滴少府縣例名富民領賣污積既以倉用不堪往往
多至賠償夫商鹽之行民有鋪戶掙賣之害私鹽之捕民有大
戶領賣之累如弛鹽禁通變宜民但求不缺額解之數無妨
商引之益廣于民靈兩便也

與當道議漁稅

永嘉之民家于沿海者置船捕魚輸辦漁課故無船稅也嘉靖
戊午以來倭寇猖獗兵船少前兵道凌公令凡魚船二十隻內

抽一船調哨餘船量科銀數錢計貼尋哨除泰順區尹奉委查
船編號僉立號長著例凡尖船一納稅銀八錢舢舨一納稅銀
五錢四十二年薛節推奉委量船凡尖船一加稅銀二兩二錢
中雙桅一加稅銀二兩四錢內經遭風被倭者一不審話船戶
率稱困臭隆慶六年泰順王尹奉委點船憫困申減凡中雙桅
稅銀二兩單桅稅銀一兩尖船稅銀九錢四分舢舨稅銀五
錢萬曆四年委官查點不分飄風被倭及寔在大小船槩申報
中雙桅加稅銀二兩八錢單桅加稅銀一兩六錢八分尖船加
稅銀一兩一錢二分舢舨加稅銀七錢給票追徵前船往洋山
捕魚寧波往賣彼處又照本縣號票責納魚稅監稅艱難情狀

有司所明知也但其意在逢迎拘泥故常號長總甲以及吏胥
諸人恣意科斂索詐行私有船者初止數錢今倍數兩無船者
前名在冊虛稅不除夫瀕海居民無田可船耕以漢為業每人
下船二戶付僱身銀七錢斷寫亡命交約往來遭風覆溺死葬
魚腹被倭殺擄身膏魁薛生逢者十僅四五公私償費之外所
得幾何死亡者家屬招魂哀哭泣之聲接于江壤此輩豈肯
見利忘害甘于蹈死者哉第以所置魚船業已報名在官欲行
變賣則船與稅俱誰肯承受欲行折卸則稅額掛冊莫與蠲除
况船即不發稅已先追不得已揭債冒險仍往捕魚莫獲微息
以完官稅其飄失船隻有能控告者官司將伊稅銀分攤見在

之船以足故額不能控告者照舊納稅年復一年甚矣鬻賣妻
子流離逃亡其困苦殆不勝言也彼漁舡科稅充餉不過以其
徼取江海微利爾今海上肇田水沙動計千萬厚利輕糧多為
勢豪所據雖經官司清理尚從通融獨于貧民魚船盡法苛徵
似豈蕩平之政耶下情痼抑不能上達伏惟仁明庇覆萬因待
甦不佞目覩前艱僭為申請所有船隻新固者願入官召賣舊
損者願當官拆卸前項稅銀乞賜除豁別議充餉庶有司確科
不擾而前氓更生可望吳越分潤于不任惶悚船戶蔡子孝韓
皆親等投告狀詞并乞施行幸甚

荆西賑饑事宜

湖廣布政使司分守荆西道右參議王 為賑凶歲以全民命
事據德安府呈稱應山等縣連年水旱民庶流離差賦繁重夫
馬疲困謹將備荒緩征濟衝弭盜崇儉寬債條為五事通詳乞
示以憑遵奉施行等因到道為照德安府屬縣年成屢荒公私
匱乏流殍載塗及今不為賑濟來春饑民益無所望除緩征濟
衝候 二院詳允其弭盜崇儉寬債聽各府州縣從宜舉行查得
備荒一節該府欲就富民勸借銀兩糴米煮粥竊恐處置或乖
反為地方擾害合無動支本道贖罰仍措置公銀以脩來春賑
飢之需仰呈詳允日行令該府縣着實舉行本道更當親臨調
度度幾仰副朝廷之德意全活一方之遺黎也後開賑事宜通

黎

示知適

一周礼荒政十有二以散利為首今荆西属縣連年飢歉倉廩
空虛誠無可散之財惟各有司軫念民艱將除本道贓罰盡數
動支外宜設法區處賑濟地方富民勸借必濟騷擾州縣官須
出示張掛諭之以卹鄰閭之以積福隨其所輸艱粟多寡量行
酬獎或迎送尚義牌扁或申請上司給以冠帶榮身仍優免差
役庶幾有願從者

一昔賢論救荒無奇策而以施粥為下然施粥在荒歲最為切
要盖有米四合可作粥四碗一人逐日得此儘可度活以百人
計之每日用米四斗每月該米十二石每米一石計銀八錢用

銀九兩六錢可脩一月煮粥以供百人以三月為率用銀二十八兩八錢有銀二百八十八兩即可全活千人本道贓罰即少當捐俸相贖以濟活千人為期州縣所處亦可槩計若以銀糶穀分散則所及有限不如施粥之適均而普濟也

一各縣先期備訪所屬致仕鄉宦及舉人監生耆老醫卜平日為人所信服者開具姓名呈上當道以司恤名之仍延至公堂待以優禮俾其量領官錢官粟各就所在隨宜散賑事完之日具數來報奉行得宜者從董獎勸有作弊者論以官法

一司恤令其徧查坊郭鄉村貧民分為二等籍其名冊以貧者量給糧穀賑濟極貧者煮粥飼之通屬司恤領其事

一極貧者通計若干名分屬司恤照依地方便及力苦大小或
百名或五六十名或三四十名仍各給與小粟以備食查
驗如分屬趙甲者不許越至錢乙處司恤頭擇坊村寺觀及公
私室屋各隨方便以表揮之聽給官粟煮粥依法散給
一散粥每人日與二餐每餐粥二甌每日辰刻號召各貧民會
集一處令就地坐定不許走僥然後挨次分粥通候食畢乃起
申刻再散亦如之

一荒歲人家子女稍長者出賣于人孩幼者多致至拋棄甚可
憐憫嘗聞任丘鄭尹榮仁收取在官擇里長分領撫育而資以
穀粟立簿記錄名數每月朔望仍令抱至縣堂驗視收成之日

召其父母領去鄭在任丘多惠政此舉人尤德之

一賑濟之法固在委任得人給領無冒而尤貴于神速庶免守候奔走之苦嘗聞聶雙江公知上海時會放飢民稻子以銀代之查照丁冊已定然後度量地方遠近某地方某日放皆先一日出給告示度某日早晨到縣未落勸家本官即帶里老及掌事者出至通衢諭令各飢民兩旁坐定一鳴鼓即將銀包以次分遞散過者呼之起去計一日可散數千人其與銀時間取一二色親秤以防抵換短少之弊此可傳為散銀者之式若放穀米亦在多為斗斛多委人員傲而行之可也

一各縣人民間多流徙就食且無牛種種麥者必少在官額

處置或號召勤動之家資以工卒不論某人田土凡
其及時槩種二麥以脩續食

一施粥事難類皆虛名二是惠吾家嘗試行之而知其詳舊
有施粥紀事漫錄一通附往其法在各縣雖似難行取其調度
防範之意可也

一古今善救荒者皆以富鄭公為稱首夫鄭公一青州守耳能
活河朔五十萬之流民致募兵萬計然豈有奇策也哉夫亦立
法簡便周悉為耳蓋紀臣蠱鬱老幼孱弱駢首而同居則蒸為
疾疫而飲食醫藥皆艱矣鄭公勸所部民出粟益以官廩使之
散入村落村坊釋寺及公私房屋各隨所宜居之以便薪水此

其簡便周悉者一也其二官吏自前資待缺寄居者皆賦以祿使即民所聚選老弱病瘠者廩之仍書其勞約他日為奏請受賞率五日持酒肉慰籍以于至誠以此人人為之盡力丘子莊公謂任其事者不必見任之官散之民者不在必在官之累蓋有見于斯也按青州流民數十萬鄭公猶能處置各得其所今聞該縣之民多流移外境其存者應有數矣欲賙給之似不難予前所陳者已竊取其意更在奉行者本之以至誠勤之以鼓舞使所稱舉亦勸諭之人皆傾信感動而樂於從事庶幾其

濟爾

予祖玉介園存稿惜亂後刻板無存予既取舊本抄寫成

夫復妄加圈點謹贊欲為世守家珍今庚辰夏予作冰島

見大宅享長第案上

西華伯祖丰山藏稿僅三本予因借

抄見其德行文詞美

女此作而嘆曰此真先民典型可為

于後世因往太三樓訪幼園兄長又僅得四本皆殘闕不

全又往張府西訪慈儒姪始得全案抄緝批閱極意贊賞將

以垂之後人傳之不朽以見吾家

宗德如此浩大美盛

而予此等全副心思慙篤擊亦歷

窮門大賢之末光也

云爾 癸真子廣堯一序書



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆

WENZHOU LIBRARY

